

o. gall.

87

3E

Al. 287<sup>±</sup>

Bouquet



# LOU BOUQUET PROUVENÇAOU

VO

LEIS TROUBADOURS REVILOUDAS.

---

Μὴ πρότερον, ἢν μὴ καὶ ἐμοῦ ἀκούσης.

Λουκιαν. Θεῶν Διαλ.

---

---

A MARSILLO,


Imprimerie d'ACHARD, carriero St-Ferréol, n<sup>o</sup> 64.

---

1823.

297.5.





---

## A V E R T I S S A M E N .

Leis Musos prouvençalos, lon-tem assoupidos, sembloun vouille si revilla. Quoouqueis ooutours fan pareisse de nouvellos prouductions en prouvençaou, d'aoutreis n'esperoun bessai qu'uno guignado per publica leis siou. Lou moumen es dounc arriba de fourma un recueil, ounte chasque Poueto, chasque Troubadour nouveou pousque ave sa plaço. Dounan ici lou bouquet ounte leis Trouvaires de nouestre tem pourran touteis adurre quoouqueis flours.

Veissi coumo s'en sian pres per amoulouna leis plus belleis peços, et aquelleis que poudoun lou mics agrada. Aven divisa lou tout en doues partidos : la premiero es coumpousado uniquamen deis obros choousidos deis Troubadours doou darnie siecle, qu'an servi de moudele en aquelleis d'oujourd'hui ; la segounde counten ren que de mouceous deis pouetos vivens : dins d'aquello partido, chasquo peço es signado d'uno lettro initialo, que designo l'ooutour.

Aven respecta l'ooutografo de cadun, parce que tan que l'ooura pa uno grammero per nous

guida et faire lei, qui escrioura d'uno maniero ,  
qui d'uno aoutro. Naoutreis aven tacha, ooutan  
que poussible , d'escrioure coumo si parlo.

Dins la premiero partido , si trouvara foues-  
so mouceous qu'an p'ancaro pareissu. Dins la  
segoundo , tout sera nouveou ; esperan qu'a-  
questou ouvragi fara pa menti lou prouverbi que  
dich : *Tout ce qu'es nouveou es beou!*

Aven coumença nonestre recueil per la *Festo  
de Moussu Barna vo lou Vouel de la cavalo* •  
pouemo heroï-coumique , senso noum d'ooutour  
mai es d'acò eme d'acò , dato doou tem de la  
pesto. Es segui de l'*Avanturo d'un Lebraou*,  
de la coumpousitien d'un abbe que s'es pa fach  
counoïsse , imprimado en 1758 ; aquello peço,  
qu'es ooujourd'hui fouesso raro ; meritavo d'estre  
imprimado de nouveou.

Après d'aquelleis dous mousseous fins , aven  
choousi tres pouetos doou gros gran , hounour  
de la Prouvenço : *Gros, Cocyte et Germain* ;  
et aven pres dins seis obros lou plus beon et  
lou miou. Aven pensa qu'uno pichoto nouço  
sus chascue ooutour , davan leis peços de cadun ,  
farie plesi , et l'aven facho. Gros, lou capourie  
de nonestreis Troubadours , nous a fourni soun

introduction tan ben escricho , soun poutret  
de l'Amour , aqueou d'un Ermitan assas coumi-  
que , et quoouqueis fablos deis plus poulidets.  
Aven reimprima lou pouemo doou *Delire* , de  
Coye ; aquel ouvragi , escrit en arletenq , provo  
que soun ooutour ero veritablamen poueto , et  
que lou prouvençaou es ooutan armounious en  
Arle qu'à Marsillo. De Germain , aven choousi  
la celebrou *Bourrido deis Dieoux*. Aqueoupouemo  
soulet , quan n'ourie ren fach qu'acò , li dou-  
narie plaço oou mitan deis plus famous Trou-  
vaires ; fouguet imprima en 1760 , in-4°.

Venoun apres d'acò leis pouesie de M. Da-  
gevillo , qu'avien jamai esta imprimado. A la  
suito , doues peços senso noum d'ooutour , noun  
imprimados jusqu'aro. Enfin , quoouqueis conte  
de l'abbe Vigno , choousis parmi d'aquelleis en-  
caro ineditis , terminaran la premiero partido.

La segoundo isten , coumo venen de dire ,  
toute coumpousado de peços d'ooutours vivens ,  
per pa blessa la moudestie deis ooutours , ni  
facha degun , si permettren pa de n'en faire  
l'eloge , encaro men la critiquo : acoto es l'af-  
faire doou public ; la nouestro es soulamen de  
choousi ce que nous parei de millou parmi leis

mouceous que reçuben , et surtout aquelleis qu'an lou merite de la nouveouta.

Per faire hounour à l'ooutour doou pouëmo deis *Magnans* , et en meme tem coumença nouestro segoundo partido per uno epitro adreisado an un homme celebre , aven choousi uno peço , à la verita déjà imprimado dins leis memoires de l'Academio d'Ais ; mai poudian ren trouva, en debutan, que faguesse un elogeo plus energique et plus veritable doou prouvençaou , et per counsequan que pousquesse mies servi d'introduction en tout ce que suive.

Aven mes ensen , dins aquello segoundo partido, touteis leis peços d'un meme ooutour.

Se nouestre trabai agradavo oou public, *et se reçubian uno suite de mouceous de pouesie prouvençalo digne d'estre imprimas* , si farian un deve de n'en publica un segound tomo *l'an què ven*, et successivamen *d'annado en annado*.

Leis gens qu'aimoun à si plagne , manquaran pa de dire qu'es maou de veire dins un meme libre differentos manieres d'escrïoure lou meme mot ; diran tamen , et n'en counvendren voulentie , que sera difficile à legi ; mai coumo faire ! Se l'ooutografo doou prouvençaou ero fixado per

uno suito de libres imprimas touteis de la memo maniero et d'apreſ leis memeis reglos, aquelleis que s'en escartarien oourien tort, mais ce que existo pa : aven dounc vougut faire veire la necessita de fixa la lengo et l'ooutografo ; et ren poudie mies faire senti aquello necessita , que de reuni , dins un meme libre , tant de differentos manieras d'escruiure qu'an emplega jusqu'aro leis prouvençaous ; siegue aquelleis qu'an fach imprima seis ouvragis , siegue aquelleis que leis an gardas manuscrits.

Aquestou recuil prouvara senso repliquo que la lenguo prouvençalo es egalamen proprio ou geanre gai coumo ou geanre seriou , et tout nous douno l'esperanço que reussira à nouestre gra.

---

~~~~~

## INDICATION

*Doou ngum deis Ooutours de la segoundo  
partido.*

~~~~~

A.	ACHARD (J.-F <sup>s</sup> ),	} <i>Editours.</i>
T. A.	ACHARD (T <sup>so</sup> ),	

J. C. H. A. AGNELIER.

A. J. A. AUDOUARD,

Ds. DASTROS.

D. DILOUFET.

FF. FOURNIER.

L. LARGUIER.

V. F. N. NIEL.

---

## ERRATA.

*La Barcarolo prouvençalo*, pag. 151, oourie degu  
estre signado de la lettro D.

*La Cansoun sus leis Castagnos*, pag. 178, duvie  
porta per signaturo leis lettros V. F. N.

# LOU BOUQUET

PROUVENÇAU

VO LEIS TROUBADOURS REVIoudas.

~~~~~

*Premiero Partido.*

~~~~~

LOU VOUEL DE LA CAVALO,

P O U E M O .

**Y**OU que dins lou tem de la pesto ;  
Per mi leva marteou de testo  
Fasiou de vers en prouvençau ,  
Que quauquei fes avien de sau ,  
Ben que n'agui despuis fa rimo ,  
Ma veno aujourdhuy si ranimo ,  
Garas ; mi trobi transpourta !  
Malhur à la pousterita  
Si mi fasiou tira l'aurillo  
Per racounta la merevillo  
Que s'es visto estei jours darnie ;  
Dins lou cartie de San-Genie.

1



Lou Ciel vesen que la famillo  
 Que regno en Franço , apres tres fillo  
 Avie un éxtrême besoun  
 De la naissenci d'un garçoun ,  
 A vougu douna uno marquo  
 Que prontegeo nouestre mounarquo ,  
 Et nous prouva en meme tem  
 Que li sian pas indifferen.  
 Apres millo et millo priero ,  
 La reyno quatre fes es mero ,  
 Et , per ello , Diou ven enfin  
 De nous douna un beou Dauphin.  
 Tout es en joyo dins la Franço ,  
 Pertout n'es que rejouissanço ,  
 Que bal , que repas , que festin ,  
 Que fuech de joy' , que fouden de vin ,  
 Que farandoulos , que chamados ,  
 Que mousquetarie , que bravados ,  
 Que saluts de bouitos ; la nuech ,  
 Que beous artifici de fuech ,  
 Qu'illuminatiens , que musiquos ,  
 Qu'arcs de trioumphe , que pourtiquos ;  
 Lei paure regorgeoun de ben ,  
 Cadun lei coumblo de presen ,  
 L'argen li plau d'intre la pocho ,  
 Per ellei si tourno la brocho ;  
 Dous beous entie , ( secret nouveou ) ,  
 Rasti un beou coumo un agneou ,

Vaurias-ti jamai pouscu creire  
 Se l'on vous l'avie pas fa veire,  
 Signes charmas eme resoun :  
 Mai qu'es , tout en coumparesoun  
 De ce qu'un chirurgien celebre  
 A fach lou desesse novembre ;  
 Es a tira lou fin doou fin  
 Per faire hounour aou Dauphin.

Diou ren dei gruyos de limasso ,  
 Que dei lampiens tenien la plaço ,  
 De millo muscle eicito , eilla ,  
 A la façado clavela ,  
 De cent calens en piramido ,  
 Sur lei tuouille de la bastido ,  
 D'un souleou dins un fenestroun ,  
 Que pareissie ni pau , ni proun ;  
 Passi lei cinq-ou siei fusados ,  
 Sitot aou soon qu'eroun tirados ,  
 Et quatre galoux pantouquets  
 Que fasien peta sei mousquets ;  
 Mi teisarai sur la ripaillo  
 Que demenisset sa poulaillo ,  
 Et sur lei beous veires de vin  
 Begut per Monssu lou Dauphin.  
 Laissi la cansoun magnifiquo ,  
 Cantado per uno musiquo  
 Accomplido en touto façoun :  
 Uno cougourdo per bassoun ,

Tres gros tambour , uno tymbalo ,  
 Uno musetto pastouralo ,  
 Tres flutets , un psalterioum ,  
 Eme uno basso de viouloun ,  
 Siei tambourins , uno guitaro ,  
 Fasien un si grand tintamaro  
 Dintre la salo doou councer ,  
 Qu'aurias cresu d'estre in infer  
 Entre mitan de cinq cens diable ,  
 Tan lou bru ero espouventable.  
 Tout aquot'es un beou pas ren.  
 Venguen au grand evenamen ;  
 Apre aquo faou tira l'escalo ;  
 Parlen daou vouel de la cavalo.  
 Eissito , Musos , à moun secours ,  
 Mi faou l'esprit dei Troubadours ,  
 Autramen faou uno cagado.  
 L'agillo et proumpto Renoumado ,  
 Per avanço , ayen samena  
 Lou bru que ches moussu Berna  
 Veirian la huitiemo merveillo ,  
 Des lou dissato qu'es la veillo  
 D'aqueou jour millo ses huroux ,  
 Chacun si douno rendes-vous  
 Ounte si deou passa la seno.  
 Jamai dins la nuech de caleno  
 Ses vis tan de mounde assembla.  
 Lia pas mai d'espigos de bla ,

( 5 )

Sur uno grosso derrabado ,  
Ni deournignos attroupado  
En estiou dins un vaste champ ;  
Jouines et viels , pichots et grands ,  
Paysans , moussus et dameisellos ,  
Fremos qu'an enfan eis mamellos ,  
Venoun , pareissoun en troupeou ,  
A paupres coumo d'estourneou ;  
L'aguet pas jusques eis chambrieros ,  
Eis varlets et eis consinieros ,  
Que noun venguessoun countenta  
Soun esprit de curiosita ;  
O que de belleis carbounados  
Aqueou souar fougueroun rimados :  
Leissen esta lei reflexien ,  
Faou vous faire la descriptien  
D'uno machino singuliero ,  
Ounte floutavo uno bandiero ,  
E mounte la pauro jumen  
Devie rescountra soun tourmen.  
Cinq calaman la supourtavoun ,  
Que tous ensen representavoun  
La formo d'un chivaou de boues ,  
Un cable de canebe toues  
Pendie d'uno vieillo carello  
Ben vouncho de seou de candello ;  
Tout esten ensin alesti ,  
Un cris s'elevo , vian sourti ,

I ★

Aou soun dei tambour et timbalo ,  
 Moussu Berna sur sa cavalo ;  
 L'aurias pres per un emperour  
 Intran à Roumo , de retour  
 D'uno victori rempourtado  
 A la testo de soun armado ;  
 Et puis tanca coumo un palet ,  
 Venguet prochi d'aou cavalet ;  
 Aqui mette lou pet à terro ,  
 Tiro soun mouchouar et lou serro  
 Autour deis hueils de la jumen ,  
 Et puis li fet un coumplimen  
 A paupres d'aquesto maniero :  
 » O tu qu'ai croumpado à la fiero  
 » De San-Lazare , l'y a dous ans ,  
 » Borgny et maigre coumo un can ,  
 » Tu que poussedes ma tendresso ,  
 » Sables qu'à fouerso de caresso ,  
 » De bouens tratamens et de souin ,  
 » You t'ai remesso en un tau poin ,  
 » A faire gau à tout lou mounde.  
 » Faou que toun bon couar mi segounde  
 » Dins aquesto bello aucasien ;  
 » N'es que per quauquo grando actien  
 » Que nouestre noum s'immourtaliso ,  
 » Fai reussi moun entrepriso ;  
 » Ce que ti demandi es nouveou ,  
 » Ti fau vouela coumo un ausseou :

» Mai per you que devez pas faire !  
 » Per you que siou toun segoun paire.  
 Diguèt , et d'abord vingt paysans  
 Soun en actien , mandoun leis mans ,  
 Estacoun la pauro cayalo ,  
 Li mettoun un gros pareou d'allo  
 De cartoun vo ben de papie ;  
 Lou plus fachoux , es que l'avie  
 Entre doux de fuech d'artifici ,  
 Apres aqueou mari servici ,  
 Tiroun lou cable , et aon signau ,  
 Suspendoun lou lourd animau ;  
 Alors tout lou mounde en estaso ,  
 Cres veire lou chivau pegaso ,  
 Mai lou maladret chirurgien ,  
 Faguèt cessa l'admiration  
 Per faire rire l'assemblado ;  
 Saisisse uno mecho allumado  
 Per mettre fuech eis serpenteon  
 Deis allos daou nouvel ausseon.  
 Tan fa , tan va , lou fuech arrapo ,  
 Mai lou malhur vaou que s'escapo  
 Un serpenteon , qu'en trahisoun ,  
 Fet de sa perrruquo un tisoun  
 Que li brulet sa pauro testo ;  
 Jamai s'es vis en tallo fésto ,  
 Et vague de si soufletta ;  
 En meme tem de soun cousta .

La cavalo si tremoussavo ,  
 Ello petavo et s'esfuiravo ,  
 Soufflavo pitoyablamen ,  
 Reguignavo de tem en tem ,  
 Tantot sa testo ero al dissado ,  
 Tautot la cone revertegado ,  
 Vouclavo , mai si debatie  
 En besti nouvici aou mestie.  
 Per mai fa dura soun supplici ,  
 Sie per plaisi , sie per malici ,  
 Aquello troupo de paysans  
 Que tenien la couardo entre mans ,  
 Per mouyen de rudos secoussos  
 Ly feroun faire leis bindoussos  
 Un bouen car d'houro tout au men.  
 Imagina dins aqueou tem  
 Lou rire de la populaço ,  
 Un chascun fasie la grimaço ,  
 Eissy vague de si viouta ,  
 De si teni lei dous consta ,  
 Aqui de jita de lagremos ;  
 L'aguet pau de fillos et fremos  
 Que noun pissessoun de bouen couer :  
 Foulie rire ou ben estre mouer.  
 You de poeu d'estoufa d'aou rire ,  
 M'espoufferi sensò ren dire ,  
 Mai , veses , per aquo , pas may ,  
 Touto ma vido n'en riray.

AVANTURO D'UN LEBRAOU ,

P O U E M O .

UN dimenche sur la souarado ,  
Aou retour de la proumenado ,  
Me retiran à moun houstau ,  
M'embrunqui quasi an un lebraou.  
Ero d'uno fouer bello taillo :  
Rabla , doudu coum'uno caillo ;  
Moustachu coum'un grenadie ;  
An un mot er'à tres quartie.

Ravi d'uno tallo troubaillo ,  
Me metti proch'uno muraillo  
Per l'un paou mies examina.  
Vesi moun drole ajaça ,  
Endourmi sous uno periero.  
( Ero beleou quaouquo poumiero.  
Qu'aoubre que sie aquo fa ren.)  
Cacheri mech'en lou vesen.

De l'ensuqua eri ben aise.  
Per aquo m'avanci ben daise :  
Preni uno peiro : mai aou bru  
Moun animaou qu'er'estendu ,



Espavourdi , ah ! se reveillo ,  
Et m'énarquillan seis atreillos ,  
Me fa un saou coum'un cabri ,  
Me dis adiou et pren parti.  
L'amiri pendant que camino :  
Ly mandi : ly frusti l'esquino :  
Se l'ajouignessi ero fa d'cou.  
Mai certo m'ague ben doou peou.

Fouer facha d'aquell'avanturo ,  
Preni de nouvelleis mesuro  
Per me procura lou bounhuer  
De jouir d'aqueou desertuer.  
D'un ton fouer haou m'escridi : *planto*.  
Noueste grivouas pren l'espouvanto :  
Saou plus de que cousta gagna  
Per n'ave plus ren à risqua.  
Grimp'un coutaou ; puis pren la pento.  
Lou premier luech que se presento ,  
Ben propr'à lou mettr'à l'abri ,  
Es aqueou que ly veou chaousi.

L'aviou jamai perdu de visto.  
Coum'un chin que sente la pisto ,  
M'en vaou sur lou bord daou valoun  
Ount'er'ana noueste poultroun.  
Lou trobi que se repaousavo ,  
( Cresi meme que se fardavo )

Afin de mies estr'en eta  
Si lou suivien de s'esquivà.

Dins lou tems que l'examinavi ,  
Et que dins ma testo pensavi  
Ce que fariou per l'ajouqua ,  
Couvenci à m'appointela.  
Mai coum'eri trop sur la ribo ,  
( Escoutas ben ce que m'arribo. )  
La terro venen à manqua ,  
Dins lou valoun vaou rigoula.  
Jugeas un paou si noueste drole  
An aqueou bru juguo soun role.  
Parte coum'un co de canoun ,  
Et me leisso dins lou valoun.

De moun malheur si fasie festo ,  
Cresen que m'eri rou la testo.  
Se troumpavo. Car dins moun saou  
M'eri segur ges fa de maou.  
Mai aviou un fun que m'anavo ,  
Sachen que moun lebraou trimavo ,  
Et que courie tant que poudie  
Per estr'exen de tout dangie.  
Freti tant si paou ma soutano.  
( M'eri embruti ) ; preni ma cano :  
Grimpi vite sur lou contaou ,  
Et vesi mai moun animaou

Gourren tant que n'en poudie faire ,  
Saoutan , boûndan dins lou tarraire ,  
Per l'arresta quintou mouyen ?  
Ven eici un : aouses lou ben.  
Es aqueou daouquaou me serveri ,  
Et que tout d'un co sesisseri ;  
Car quand l'on poou pas reïlechi ,  
L'on pren ce que ven dins l'espri.

Veou un pastre. Ly diou : « Coumpaire ? »  
Eou me respouende : « Que faou faire ?  
» Aves-ti pas quaouque *Belo* ?  
» Que sach'ana aou grand galo ?  
» Si fet , me dis : eh ben : couragi.  
» D'aqueou lebraou faguen carnagi.  
» Aguissas-ly voueste *Belo*.  
» Se lou prenie farie un grand co.  
» Pourrias counta sur un'estreno  
» Que segur voudrie ben la peno.

Ai panca fini de parla  
Que meis vus soun executa.  
Aousi lou pastre que l'appello :  
» Anen *Belo* : faou faire bello :  
» Mette-t'apres aqueou lebraou  
» Que courre apereilavaou. »

Doucil à la vouas de soun mestre ,  
Lou chin regard'ounte paou estre

( 13 )

L'animaou que ly es indiqua.  
Lou ves. Parte per l'aganta.  
Un chivaou , per vite qu'anesso  
N'es pas poussible que couresso ,  
Coumo va fasie aqueou chin :  
Anavo ma fe d'un bouen trin.  
Lou lebraou plen d'enquietudo ,  
De frayour , de soullicitude ,  
Lucaro mai dins l'embarras  
De senti lou chin à doueis pas ,  
Jugavo tan ben de soun reste.

*Belo plus fres pourtant l'arresto.*  
Acharna , ly sauto dessus ;  
Et lou lebraou es à noun plus.  
Ly fa faire la courcousselo :  
Lou pren per leis dens : lou basselo :  
Anfin exerço sa furour  
Sur l'animaou hors de secours.  
Dedins un ren batte plus veno.

Belo se paus'et pren haleno.  
Ansuito cargan lou patien ,  
Accabo soun expeditien.  
L'adus ; ( avié pourtant sa carguo. )  
Eis pés doou pastre lou descarguo.  
A per presen un trônes de pan ,  
Qu'avalò presqu'an un instant.

( 14 )

Fatigua , se tir'en arriero :  
Va dourmi sous uno sourbiero :  
Et repara per lou repaou  
Seis forços perdud'au lebraou.

Eme lou pastre fen la pacho.  
A vingto-sieis soous me lou lacho.  
Lou metti dedins moun mouchoar :  
Salut , ly diou , ami , bounsouar.

---

---

## NOU TIÇO SUS, GROS.

Gros , ( François-Toussant ) de Marsillo , na en 1698 , faguet revioure la Pouesie prouvençalo et devenguet lou millou Troubadour de souu tem. Apres ave fa seis estudi dins souu pays , aou coulegi de l'Oouratori , si creset appela à deveni chastroux et n'anet prendre l'habi à Villenove-leis-Avignon ; mai , aou moumen de prounounça seis vus , changet subitamen de resoulutien et revenguet à Marsillo si faire admira per seis vers prouvençaux.

Toujour jouyoux , meme dins lou malhur , houneste home et saven moudeste , ero senso feou ; aoussi tout que bretounegesse , fasie leis delici deis soucieta que frequentavo. Seis talens et sa boueno graci lou fagueroun ressubre enquo de Madamo de Simiano , pichotto fillo de la celebrou Madamo de Sevigne , ce qu'ero fouesso hounourable per un tau jouine autour ; mai coumo Gros ero pas riche et que la marquise lou proutegeavo senso lou paga , si determinet

à faire lou viagi de Paris , en cresen de li trouva d'aoutrei ressourços : s'enganet. Prenguet fremo , aguet d'enfan et seis besouns creissen eme sa famillo , si viguet força de prendre un emploi dins leis fermos aou Pont-Beauvoisin , mai li faguet pas long sejour. Sa plaço li rendie à-peino de que vioure. Esten toumba malaou quooouque tem apres que fouguet emplega , attaquà de paralisie , si fet adurre à Lyen et li mouret à l'agi de 50 ans.

Leis pousesie de Gros , aoujourd'hui fouesso raro quoique n'en siegue esta fa doues editiens , uno en 1734, et l'autre 1763 , souu regardados coumo leis millous ouvragi que sieguoun esta coumpousas en prouvençaou , aourian doun manca nouestre but s'avian pas choousi leis mies escricho per embeli nouestre recueil.

---

~~~~~  
**MOUCEOUX CHOOUSIS**  
**DINS LEIS POUESIE DE GROS.**

**AU PUBLIC.**

QUE d'escrieure au public es un terrible affaire !

A peno ai la plumo à la man ,

Que m'enfrèni , tressusi , et preni per davan !

De soungea qu'ai à satisfaire

Tant d'esprits , de goust differens ,

Tant de patets et d'espinpounéjaire ,

Tant de letrus en meme tems ,

Qu'assetas , vo ben drechs , em'un air grave et sagi

En badaillan tout à trones ligiran

Quaunqu'un de meis escrits et puis s'en truffaran.

Aurai bello emprunta lou plus pouli lengagi ,

Lei flata , li faire ma cour ,

Li dire , capeou las , benevole lecteur ,

Dount cadun quisto lou suffragi ,

Fidele et severe inspectour

De la sienco et de l'ignourenci ,

Ennemi de la suffisenci ;

Vous que senso mesquinarie ,

Boutas toujours la carestie

A touto obro charmanto et bello ;

Que ven d'uno bouèno cervelo ;



Vous que tratas d'ai cabanie ,  
 Et coundanas à Sant-Lazare  
 Tout autour fade , inpertinen ,  
 En li laissan , per passotem ,  
 Soun libre sec , dur et barbare  
 Que n'a pas caro de bouen sen ,  
 Vous pregui, bouen lector, de m'estre un pau proupici.  
 De pas escalustra , ni trata de pouillous  
 De paureis enfans vergouignous ,  
 Que ma muso ( encaro nouvici  
 Dins lou stile dei troubadous )  
 A fa naisse de moun caprici.  
 Chagrin despei long tems de lei veire estraillass ,  
 Estrassas et deffiguras ,  
 Coumo un bouen paire , eme justici,  
 Leis ai , taus que ve'es , quasi tous assemblas ,  
 Per leis emancipa. Puis d'un ton patetique...  
 « Alte là ! ( mi dira un critique )  
 » Tu n'es qu'un sot qu'un animal ,  
 » De t'escrimier en provençal ,  
 » C'est un jargon qu'on ne veut plus entendre ,  
 » Et que les gens de goût a l'ectent d'oublier.  
 » Pour toi seul aujourd'hui dois-je m'étudier  
 » A le lire et même à l'apprendre ,  
 » Aux dépens de ces beaux écrits  
 » Qu'ont produit de nos jours tant de rares esprits ,  
 » Et les laisser moisir au fond d'une loutique ?  
 » Non , je n'en ferai rien , le trait serait inique.

» D'ailleurs, tes vers ont-ils du bon ?

» Es-tu fécond en nouvelles idées ?

» Sais-tu bien assortir la rime et la raison ?

» Au son, à l'harmonie asservir tes pensées ?

» Pour être un poète fameux,

» Il faut avoir du feu, de la délicatesse,

» L'esprit sublime, et le génie heureux ;

» Manier un sujet avec art et noblesse. »

Alto là : cadun à souu tour,

Moussu lou francillot, caspi que mourraillado,

M'aves estoufegua ; cependant per honnour,

Vau respouendre à vouestro charrado.

Vous mespresas lou prouvençau,

Et meme mi tretas fouer mau.

De ce qu'augi n'en faire usagi,

Sachez que parli lou lengagi

Qu'au bres ma maire m'a ensigna,

Que cade lenguo à sa beouta ;

N'en trobi souvent dins la micouno

Qu'un autre pourrie pas exprima dins la sicouno,

Ansin tau la cres pauro, et la dis un jargoun,

Que sa prevencien es ben grando,

Et souu ourgueil senso resoun,

Au resto, sabes-ti qu'es la lenguo roumando,

Ancieno, respectablo et maire en meme tems

De tous lei differens lengagis

Deis Ourientaux Européens :

L'Espaignou, l'Italien, li devoun scis aumagis ;

Tout de meme que lou Frances.

Aqueou Frances dount la douçour vous flato ,  
Qu'à souerso d'escura san veni beou coumo es  
De ma lenguo es uno sagato.

Lou prouvençau si parlavo autrei fès  
Ei cours d'Angleterro et de François.  
En Prouvenço s'es fa la première allianço  
Doou Grec , doou Latin , doou Gaulois ,  
Es aqui que la rimo es estado inventado ,  
Tantia qu tratara ma lenguo de patois ,  
Yeou li farai la petarrado.  
Mai mi dires que soou prouva  
Tout ce que veni d'avança.

De provos n'ai de bouenos et fidellos :  
Sarqua lei , se voules , aprenes , estudias ,  
Liges , ses coummo ai sach , gausisses de candellos ,  
Et saures ce que souhaitas.

Quant cis escrits que mi prounas ?  
Prefera leis , es juste , et fes li faire arrasso ;  
S'an d'arno espooussa lei ; car fau pas lou marjasso ,  
Mi regardi coumo un mouïssoun

Prochi d'autours d'un tau renoun.  
Per ce qu'es de mei vers , se sount de boueno raço ,  
Vo se sount d'aquo fin. Vous n'en demanda troou.

Cadun fa ce que poou :

Coumo vous , mounta sur d'escasso ,  
Fau pas lou dontour doou Parnasso ;  
Ni meme n'augi pas l'y ana cuilli de flous.

( 21 )

Dins mei lezis et dins mei badinagis  
Ai d'aquo deis enfans , aimi proun leis eimagis ;  
Tant que pouedi lei fau simple , risens , courous ,  
En oubervant que ma pinturo  
Toujour ressemble à la naturo.  
Anfin aves proun mangea , proun bugu ?  
Liges , sinoun croumpa v'un chut.

---

## Q U A T R A I N S

### T I R A D E S A L O U M O U N .

REN n'egalo la sagesso !  
Qu l'a , poussedo un tresor ,  
Un tresor dount la richesso ,  
Voou mai qu'aquello de l'or.

O qu'es bello ! qu'es aimablo !  
Huroux qu la coonoui ben !  
Sa douçour es preferablo  
Au faux esclat de l'argen.

Ello aluncho un couer doou vici  
Et de souu camin impur ;  
Li fa aimà de la Justici  
Lou draïou drech et segur.

Ello l'animo et l'enflamo  
D'un fuec pur et plen d'appas :  
Aqueou qu'a souin de soun amo  
Siegue em'atencien sei pas.

Eme joïo , eme tendresso  
La counsulto nuech et jour :  
Là sourço de la sagesso  
Es la crento doou Signour.

Lei malhurs et l'infourtuno  
Naissoun de la vanita ,  
D'esto disgraci coumuno  
Lou sagi soou s'apara.

Eou gravo dins sa memori  
La paraulo doou Signour :  
N'en fa soun ben et sa glori ,  
Li bouto tout soun amour.

La candour de soun lengagi  
Provo aquello de soun couer ;  
La vertu sur soun visagi  
Brillo jusqu'apres sa mouër.

Aimo mai dins la tristesso  
Counsoula lou malheroux ,  
Que partagea la richesso  
Doou superbe voluptous.

~~~~~

LOU POURTRET DE L'AMOUR.

-Lou marri mau qu'aqueou d'amour !  
 L'on s'en souven mai que d'un jour.  
 Per pau qu'aqueou mau nous carcaigne ,  
 Pouden dire que sian de plaïne ,  
 Et l'emplastre propre au malau  
 Es souven piegi que lou mau.  
 Es verai que l'Amour poou plaire  
 En lou regardan que d'un caire ,  
 Mai tamben d'un outra cousta  
 Es dangeirous de l'escouta.  
 Car qu'es l'Amour ? va vous van dire.  
 Es un enfant que fa que rire ,  
 Es toujours jouïne , es toujours beou ,  
 Es benin autant qu'un aigneou.  
 A lou parla plus doux que sucre.  
 Soun chant surpasso aqueou doou lucre.  
 Es flatour , badin , amusan.  
 A lou regard tendre et' parlan.  
 Es bouen ami de la jouïnesso.  
 Eou v'estoufeguo de caresso.  
 Lei gracis , lei juecs , lei plesis  
 Sount sei courtisans favouris ,  
 Qu'à soun entour li fan l'alleto.  
 S'en va toujours countan floureto.

Cadun entende soun jargoun.  
 Fa leva lenguo à la resoun.  
 L'y a degun , per pau que lou vegue ,  
 Que per fouerso noun si delegue ;  
 Vo qu'à la reino tire-peou  
 Noun s'esquinte per l'amour d'con.  
 Senso cou un couer noun si pouou mooure.  
 Anfin es lou dieou que fa plooure.  
 V'aquito à pau pres dins soun jour  
 Lou charmant pourtret de l'Amour.

---

#### SUR LA MOUER D'UN MEDECIN.

MAUGRA la mano et la rubarbo,  
 La mouer ven de faire la barbo  
 Au Mégi lou plus grand que jamai siegue esta ,  
 La perlo de la faculta.  
 L'injusto aurie degu d'uno tant bello vido  
 Destourna sei decrets ,  
 Noun per reconneissenci , au mens per interest :  
 Car lou paure toujours l'avie tant ben servido.

---

#### SUR UN POUETO.

LICIDAS ven subitamen  
 De passa de la rimo à la philousouphie.  
 Que diren d'un tau changeamen ?  
 Que Licidas a changea de foulie.

---

POURTRET D'UN HERMITO.

OR escoutas , pichoun et grand ,  
Lou pourtret d'un paure hermitan.  
Es blounde , blanc coumo uno peto.  
N'a que tres peous à sa barbeto.  
Sei quillos sembloun dous fluitet ;  
Et n'es pas plus haut qu'un caulet.  
A un agassin darrie l'esquino ,  
Un plus gros davant la peitrino ;  
Uno lupi au mitan doou front.  
Un gros nas court , et lei dets long.  
Aimo uno briguo la tenchuro.  
Anfin cresi que sa figuro  
Sie d'haut en bas , d'en bas en haut ,  
Pourrie servi d'espouventau.

---

LOU POULAS ESPLUMASSA,

F A B L O.

QUE fa bouen battre un glourivous ,  
Gardo sei coou d'un air jouïous ,  
Tandis que lou verin en secret lou devoro.  
Certain cacaraca , courtisan de l'Oouroro ,



Beou , fier , et d'un port majestous ,  
 Dispousavo seloun soun goust  
 D'un gentil pople de coutounos.  
 N'avie tant et puis mai ,  
 De toutei lei coulours , de grandos , de pichounos.  
 Anfin sa cour ero un serrai.  
 Nouestre sultan un jour ves , et si pesquo ,  
 D'uno galino barbaresquo ,  
 Que fasie la felicita  
 D'un poulas que n'avie qu'ello per tout partagi.  
 Soun amour et sa vanita  
 Sount pas d'humour d'espera davantagi.  
 Gres que n'a qu'à si presenta  
 Per que senso difficulta  
 Esto bello affriqueno accepte soun aumagi.  
 Tallo maniero de pensa  
 Es de l'ourguillous l'apanagi.  
 Davan l'aubo la va trouba.  
 L'aprocho , la revillo.  
 Puis per façoun li caqueto à l'ourrillo.  
 Et puis piquo doou ped em'un air de fierta ,  
 Tirasso l'alo , s'enarquillo.  
 Fa tant , dis tant , qu'esvillo soun rivau ,  
 Qu'eme furour d'abor li declaro la guerro.  
 Li leon lou vent. D'un bec mourtau  
 Plumo et queue sount per l'air , troues de cresto per  
 terro.  
 Que revers per nouestre galan ,

Que tont esplumassa , vargouignous et sanglan ,  
 Reven chez eou en estoufan sa laigno.  
 Lou jour si fa', galinos en campagno.  
 Ges de poulas. Qu'es devengut. Noun sai.  
 Qu'espectacle ! Lou veen dins d'aquel equipagi  
 Dins un cantoun , qu'emprumtan un air gai ,  
 Li ten d'abor estou lengagi.  
 N'aves pas esto nuech senti lei pipidoun ,  
 La maudicho engenso que sount ,  
 M'an pensa fa deveni lebre.  
 A fouerso de m'espieouna  
 Mi sieou pertout despoudera ,  
 Et meme cresi qu'ai la febre.  
 V'ai dich un coon , va dirai dous ,  
 Que fa bouen battre un glourivous.

---

LOU GAT ET LOU PASSEROUN,

F A B L O.

UNO fes ma grand mi countavo  
 Que de soun tem noun si parlavo  
 Que dei tours d'un gros barbobou ,  
 La grelo doou raton , yieil fourban , grand furpaire ,  
 Que li disien Roniguo-farrou ;  
 Et mi countavo qu'aqueon laire  
 Doou petit pies ero proun glou ,  
 Et que per l'atrapa , si bagnavo uno pato ;

Puis dins de mi courrie leou la fourra ,  
 Et puis à ped quauquet anavo s'amaga  
 Dins leis herbos , vo ben soute d'un troues de nato ,  
 Et s'estendie lou ventre en haut ,  
 En fasen veire en l'air sa pato tant si pau.  
 L'auseou que ben souven la gourmandiso engano ;  
 Voulie veni bequa , d'uno autro pato crac :  
 Dins un vira d'ueil ero au sac .  
 Un beou jour qu'ero ansin en pano ,  
 Un passeroun fin , derrata ,  
 Qu'un trebuquet venie de defauta ,  
 S'aperceve d'aquesto grano .  
 Oou vegeo , dis dabor ! qu'es eissoto ? anen plan :  
 Tenguen si luench de poou de faire uno autro seco :  
 Aquestou mounde n'es que leco .  
 Souto d'aqueou maguet yesi un peou negre et blanc .  
 De quauquo gatomianlo aquoto a l'encouluro .  
 N'es uno... Noun... Si ben ai devina .  
 O masquo , ti counnouissi. As cresu m'engrana ,  
 Mai tulururo .  
 Fin eme fin voueloun ren per doubluro .

~~~~~

LOU DERVIS ET LOU GRAND VISIR,

F A B L O .

UN Bedouvin que n'ero pas cracaire ,  
 Mi disie doou tems qu'eri au Caire ,

Qu'antan un Bei d'aqueou païs

Engaget un certain Dervis

A si carga d'un couffret richissime ,

Plen de diamans , de perlos , de rubis ,

Que valie d'argen un abime.

A coundicien que lou darie

Au plus mathou que troubarie.

Moussu l'hermitan ture , qu'ero homme de cabesso ,

Parte d'abord , s'en va sarqua

Lou plus digne de pousveda

Touto aquesto bello richesso.

Poude dire , s'avie boueno pruisso souvent.

Per tout troubavo sur sei peados

De cervellos demalugados.

N'avie de tout etat , de tout sexo tamben.

Car l'y a degun qu'en foulie noun abounde ;

Vo que noun ague un pau la testo sur lou couel.

Toutei qu mai qu mens sian usclas , et lou mounde

Es uno gabiado de fonel.

Per counsequant senso lanterno ,

Tout au rebours d'un philosopho ancien ,

En touto liouro poudie trouba l'homme en questien.

Mai quanquaren , qu'en secret nous gouverno ,

Li disie de si pas pressa.

Ansïn apres ave long tems rouda ,

Ven a Bisanço , ounte soun altesso ottomano

Venie de deputa dins mens d'uno semana

Tres grands visirs vers Mahoumet ,

D'uno esquichaduro au galet. 3 \*

Lou beou qu'apren esto nouvello  
 Va vite pourta soun couffret,  
 Au ministre nouveou, que charma de soun zelo  
 Et de soun superbe presen,  
 Li fa millo amitie. Puis reflechis, s'estouno,  
 Et li demando en meme tem  
 Ount'a pres estei jueous et per que lei li douno.  
 Signour, li dis alors lou dervis hardimen,  
 Leis ai reçus d'un Bei doou Caire,  
 A la chargeo de lei douna  
 Au plus fouel que pourrieou trouba.  
 Velei t'aqui. Ce que venes de faire  
 Mi provo senso mai sarqua  
 Que poudieou pas mies encapa.  
 As vis dins ren de tem la tristo destinado  
 De tres de teis predecessours;  
 Mangra aquo d'uno amo abramado  
 De richessos et de grandours,  
 As la fouelo ambicien, l'extravaganto audaço,  
 De prendre encaro aquelo plaço.  
 L'y a pas de foulie, seloun yeou,  
 Plus grando que la tieouno. Adieou.



## LA CHINO ET SOUN CADEOU,

F A B L O.

LEIS bestis naturelamen  
 An soin de sei pichouns, li voucloun fouesso ben;

( 31 )

Leis aimoun tous tan l'un que l'autre.

Leis vesen jamai coumo n'autre

D'un couer fouel et denatura ,

Caressa , flata davantagi

Lou pouli vo lou laid ; lou cadet vo lou magi ;

Sount tous un. Ges de prefera.

Cependant uno chino , à soun instinc countrari ,

Fet de soun cagonis un parfet pourridie.

Elle en tout l'escoutavo , en tout lou suplicie ;

Et lou rendet tallamen voulountari

Qu'eu voulie tout ce que voulie.

Jamai feblesso plus outrado.

A soun dire ero lou plus beou

Que l'y agnesso à sa cadelado.

Lou lipavo toujours , li disie brigadeou ,

Bellas , beou jueou , caro dor , bello niado :

An un mot n'en fasie soun Dieou.

Ero un mastin , un glari vieou.

D'esto coumplesenci estroupiado ,

Seis fraires , lei paurets , si ressentien souven.

Tantot li calavo uno harpado :

Tantot ero un bouen coou de dent :

Senso qu'augessoun soulamen

Si revengea , ni mai ren dire.

Es au countrari , foulie rire.

Tamben las de pati , jalons et desoulas ,

Vesen la man parado , un beou jour descamperoun ;

Sabi pas ce que devengueroun ;

Mai sabi que nouestre bellas  
 Fet proun leou repentî sa maire  
 D'ave pousqu tant li coumplaire.  
 Dabor que si sentet proun fouer ,  
 Senso respect , senso vargouigno ,  
 La mespreso aujourdhui , deman li sarquo rouigno.  
 Puis li reno , li japo , et puis , d'un mourre touer ,  
 Li reviro lei dents , redrisso seis aurillos.  
 Plours , guignamen de quoue , et vicontados gentilles  
 Pouedoun ren sur l'ingrat , ni sur soun marri couer.  
 La counoui plus , la poou plus veire.  
 Tantia , que va si pourrie creire ,  
 La coucho de l'houstau , pauro et dins sei vieils ans.  
 Bello liçoun per qu pourrisse seis enfants.

---

## LEI RATOS ET LOU FLASCOU,

### F A B L O.

DOUS ratouns , bonens amis , esten per orto un jour  
 Dins sei galeries ourdinaris ,  
 Que sount , granics , estagieros , armaris ,  
 Troboun un flascoulet tapa , qu'à soun ondour  
 Jugeoun plen d'holi fin. Velei v'aquito en festo :  
 Si delegoun , fân tour sur tour ,  
 Et de l'abasima d'abord li ven en testo.  
 Lou plus fouer s'apountello au soou ,  
 S'esquicho , enpigue , fa esquineto ;

L'autre doou tap pren la courdeto ,  
Fa fouerso , tiro , et fa tout ce que poou  
Per l'en pau boulega ; mai noun l'y a ren à faire.

Tous seis efforts , pecaire ,  
Amoussarien pas un calen.

Las , fatiguas , prenoun balen.  
Quand l'un dei boustigouns dis à l'autre , coumpaire,  
Fasen pas reflectien que ce que feu voou ren.

Mi ven uno milloue pensado ,  
Qu'es de rata lou tap , ensuito de saussa  
Nouestrei cones dins lou flascou, et puis de lei sussa.

Tan fa , tan va , la cauvo es aprouvado :  
Lou tap es assiegea , mountoun à l'escalado :  
Rouigoun tant qu'à la fin lou flascou es destapa.  
Fan navegua lei quoues : vague de lei lipa :

Tiro , lipo , lipo , bouto ;  
N'en leisseroun pas uno gouto.  
Engien voou mai que fouerso en qu soou s'entraïna.

---





## STANÇOS

### CONTRO LA POUESIE.

DIVINITAS dou Permessò ,  
Vous disi adieou per toujours.  
Plus ren per vous m'interesso ,  
Renounci à vouestrei favour.  
Laissi à de cervellos fouelos  
Courre , escala vouestrei couellos  
Eme uno lyro à la man.  
Aimen uno resoun puro.  
Pensen coumo la naturo.  
Et parlen coumo pensan.



L'aurie-ti ren qu'aprouchesso  
D'aqueou grand art de rima,  
Et la proso eme noublesso  
Pourrie-ti pas s'exprima ?  
La differenci es plesento.  
Un pichoun souen si presentò ,  
Es Morpheo et sei pavots.  
Cessan de li veire gouto ,  
Es phebùs que dins sa routo  
Fa voula sei cavalots.



Lou beou stile ponetique  
N'es jamai senso agramen.  
Lou poumpous , lou pathetique ,  
Li brilloun egalamen.  
Va voueli. Mai sei pensados  
Sount ridiculos , fourçados :  
La resoun bouito per tout.  
Et la prosa plus fidello ,  
D'uno voix plus naturello  
Va saurie dire millou.

---

Lou son d'un vers pren l'oonrillo.  
Lou couer n'es souven sesi.  
La rimo flato , revillo ,  
Soun harmounie fa plesi.  
Mai puis estou grand lengagi  
Comto per tout avantagi  
De mots sooudas un per un.  
Terrible esfort d'uno veno ,  
Que douno apres tant de peno ,  
Pau de fuec et fouesso fum.

---

Villados mau emplegados ,  
Ooubragi sterile et sot !  
Que si perde de pensados  
Doou tems que l'on sarquo un mot.  
Pegazo n'es pas douceile.  
Un vers que semblo facile  
Bouto l'esprit à l'enves.  
Toujour quauquaren l'arresto.  
Vo la rimo n'es pas lesto ,  
Vo lou sens es de traves.

---

Vous qu'uno escasso sienço  
Pouigne , encaigno feblamen ,  
Que jouignes à la patienço  
Un pau de dicernamen.  
S'un fouel caprici vous guido  
Vers quauque minço sallido ,  
Anen vite escrima-vous.  
Doou faux brillant dei mesuros  
Fes lusi vouestrei pinturos ,  
Degun n'en sera jaloux.

---

Mai vous qu'un beou fuec allumo  
Per la puro verita.  
Vous dount l'eleganto plumo  
Couelo eme rapidita ,  
Truffas-vous d'estou ramagi ,  
Fuges soun maniacle usagi ,  
Coumo un crime capitaü.  
Toumbe la rimo et s'abime ,  
Avant qu'un esprit sublime  
L'aime et n'en devengue esclau.

---

Qu'espectacle ! eme qu'audaço  
Contro un lengagi sacra ,  
Dira la rimanto raço ,  
Ansin si poou blastema.  
L'y a plus ren de respectable  
Qu'un temerari coupable  
Ben leou noun auge attaquä.  
Dieou dei vers , fai-ti justici ,  
Livro au plus cruel suplici  
Un proufano , un renega.

---

Tout aquo m'espaimo gaire.  
 Couragi , docte troupeou.  
 Lou bouenhur de vous desplaire  
 Es l'elogi lou plus beou.  
 Lanças contro ma critiquo  
 L'escumengeo chimeriquo  
 D'un repupiaire Apoulloun.  
 La cavo es ben naturello ,  
 Qu cheris la bagatello  
 Pouu mespresa la resoun.

---

Mai que fau. Qu'extravaganço.  
 Attaqui la pousesie ,  
 Et m'en siervi em'assuranço ,  
 Coumo s'ello mi plasie.  
 Noun. Noun flato plus moun amo ,  
 Es uno mourento flamo  
 D'un mouc que va s'amonssa.  
 Se l'aimavi , la detesti.  
 Rimi enca'un coou , puis m'arrestati  
 Per jamai plus li pensa.

---



## NOUTIÇO SUS COYE.

CORE ( Jan-Batisto ), de Mourriez , terro doou Marquisa deis Baoux , neisset lou 6 juin 1711 , de Pierre Coye et de Catarino Bounet. Soun pero lou menet à Arle encare jouven. Batisto si l'agradet , si l'establisset et li demouret la plus grando partido de sa vido. Quoique siguesse tansipaou oouriginaou , sa douçour et seis talens lou fasien aima de cadun. Leis ouvragi que faguet en vers prouvençaoux li meriteroun lou titre de Troubadour. Trepasset apres uno vido assas huroue , lou 17 fevrie 1771. Aven choousi soun pouemo sus *Lou Delire* , un deis millous ouvragi qu'ague leissa , tant per faire counouisse sa muso , que per douna un exemple de l'idiome arletenq.



LOU DELIRE,

POUEMO HEROI-COUMIQUE,

PER JAN-BATISTO COYE,

DEDIA A SOUN AMI RANCHIE.

CAMARADOU Ranchiè sieoù per ma fè gibla:  
Mey pas soun chancellan, sémble quasi nebla.  
Ley fèbre m'an trata d'unou façoun brutalón:  
Fugues plus estouna s'ay la gaugnou tan palou.  
Un frè surnaturél, de tramblamèn vieoulén,  
Fasièn bén talamen claqua mey paurey dén;  
Que sur lou triste pouïn de party per la gloüaron,  
Creigneoù, lon doù camin, de perdre unou machoüarou  
Ah se m'aguesses vis? semblave un cabudéou:  
Ere coumou un poulè qu'espeli doù crevéou:  
Vo coumon l'Arlequin que din ley pentomimou  
Per caupre dins un yòu quauquou fes per l'Escrimou.  
May, quan per un effé d'aqueoù bigearre mau,  
Passave tout d'un cop doù frè dedin lou cau;  
Ma situation érou encaron plus tristou;  
Sentieoù de mau de testou à mi leva la vistou;  
Et din lou foun d'un liè bouillèn din ma susour;  
Ere coumou insensible, à forçou de doulour,

La naturou, oùblidan soun ouffici de mèron ;  
 Sèmlé m'abbandouna per coumble de miserou ;  
 Me veguère à dous dè dey patou de la mor ;  
 Tout s'érou souleva controu moun paure cor ,  
 Humour , cerousita , bilou , sang , pituïtou ,  
 Millou autreis enemy que marchoun à sa suitou ,  
 M'assiegeavoun , pechaire , eme tant de furour ,  
 Qu'avieoù desespera de may véire lou jour .  
 En talou extremita , la machinou affeblidou ,  
 Tounné soutou ley cop que l'avien desglesidou :  
 Tout se nen ressentie , dey pé , jusqu'où cerveon ,  
 Os , ner , muscle , tëndoun , vènou , artérou , raméou ,  
 Fibre , glandou , intestin , mambranou , cartillage ,  
 Viscérou , ligamèn..... Bref : tout érou où pillage .  
 Din mens de quinze jour sugnère tant passy ;  
 Qu'un désordre estouan derangé moun espy ;  
 Et lou mau sur mey sens avie tant près d'ampire ,  
 Qu'en te l'asén ploura t'ouïri où beléou fa rire .  
 Din mey sounge esfrayan ay vis ley soubrey bor ;  
 Ay penetra lou foun de l'ampire dey mor ,  
 Sejour triste et mouddy , mounte l'hydrou esfrouyalou  
 Me moustravou , en siblan , sa minou redoutablon :  
 Ley Gourgounou a cousta , coüilladou de serpen ,  
 Escumavoun de rage et grinçavoun dey dén :  
 Gerioun , qu'a très cor , eme sa minou tristou  
 Me frappé talamèn que m'ouffusqué la vistou :  
 Sey pas croun seguy d'un enorme geau ,  
 Que , quan érou coucha , crubissiè sept arpan :



Veguère la Discordon , et leis Harpiou infamou ;  
 La Chymérou embrazadou et boumitan de flamou ,  
 Ley furïou à soun tour , coumou de Lèoupar  
 Venièn m'assassina rén qu'emè sey regar ,  
 Hela , tramblère alor que noun la fiélandièrou ,  
 D'un cop de sey ciséou fermésse ma poupièrou.

Suffonqua de la pôu , tan de fantomou affroux ,  
 Me fan parti d'aqny , d'un pas en pau couchoux ,  
 Dey calobre infèrnau , la figuro me troublou ,  
 May din lou meme tém que ma pènou rèdoublou ,  
 Sèsy d'estounamèn , rescontre à moun cousta-  
 Lou Dèlire troumpur que m'a jamay quitta ,  
 Et qu'en recouneissen que yè vèse plus goutou ,  
 Dedin moun embarras voù me traça ma routou.  
 Avugle coumpagnoun d'un viage fabuloux !  
 Es tu , que din d'endré toutey marecageoux ,  
 Guidères à toun gra ma coursou vagaboundou :  
 Pèlèrin esmara din ley térrou proufoundou ,  
 Veguère tout où tour doù sèvere Caroun ,  
 Un eyssamè infiny d'oumbrou descouncertadou ,  
 Què vouliè traversa sur la dougou oùpousadou ;  
 Et qu'en agitan l'er de millou cry counfus ,  
 N'oubteniè d'aqueoù dieoù qu'un desoulan refus.

Coumou din la Camargon en tém caniculari ,  
 Sur lou vespre vèsèn , sur tout autre bestiari ,  
 Ley mouscou , ley moüissallou , èmè ley araby ,  
 Quand lou tém es où dony , et que tout ès abry ,

Se vesoun din lou mas , la veillollou almadon ,  
 Toumboun sur lou chassis que sert de barricadou :  
 Se disputoun lou pas per d'entrechouquamèn ,  
 Et l'ér es tout rempli de soun bourdounamèn :  
 Tau sur ley negrey bor deis aigou limonnousou ,  
 Lou tristeourniguiè deis amou doulourousou ,  
 Per de lugubrey cry , qu'arcellavoun Caroun ,  
 Fasiè plague l'eco , qu'érou din l'enviroun.

Counfoundu, maugra yeoù, din la foulou impourtunou,  
 Eissuguère à moun tour la disgracon coumunou ;  
 L'antique pountaniè reculé soun battéou ,  
 Quan vigné d'un vivén lou visage nouveou ;  
 Et per lou vieil pedas , que ye cruby l'espalou ,  
 Juré que veirieoù pas l'autrou ribou fatalou.  
 Dous pègo din la niuch , quan soun bén alluma ,  
 Luzissoun béoucop mènes que seis yeux enflama :  
 Plus dur qu'un rabeiriè nascu din Vallabrègou ,  
 Me menacé dabor d'un gran cop de partègou ;  
 May, coumou où bout d'un pau, m'agné miès alluca ,  
 Caroun , l'aspre Caroun , fugué mènes embrounca ;  
 Et vèsén qu'auquouren din yeoù de poüetique ;  
 Apoulloun , me digné , m'a rendu pacifique :  
 Puisqu'as un pau rouda din lou sacra valoun ;  
 Que ley fadou t'an près parmy sey nourrissoun ,  
 Et qu'ames coustegea la cellebrou mountagnou ,  
 Passaras em'aqueoù que te sèrt de coumpagnou.  
 Coumou aqueoù fier patroun prounnouçou aqueleymo ,  
 Nous gitèn toutey dous din soun savouyardo :

May ye touquèn à pènon : o ciel quint escoùffestre !  
 Qu'aflessa , per lou pès d'un passagié terrèstre ,  
 Lou pountoun desglesy s'enfouñcou jusqu'ey bor.  
 Cresieoù d'ana groussy la légèndou dey mor ;  
 Quan , per un ar divin , lou mascara pilotou , -  
 Fagné gounfla la vélou , en cassan sona escotou ;  
 Et manœuvré tan bèn , que d'un cop de timoun ,  
 Sur lou terrèn nouveou , nous gité d'un plèn boun.

Musou soustène me din ma penible coursou ,  
 Et per de vèr naïf et que couloun de sourçou :  
 Digou coumou ai trouba lou mèstre deis infèr ,  
 Din l'éternèllou niuch deis abime couver :  
 Digou coumou en sourtén de la fatallou barquou ,  
 Roudere leis eta d'aqueoù nègre mounarquou :  
 Digou coumon en passan vèr l'intègre Minos  
 Ye veguère jugea la meissoun d'Atropos.  
 Exprimou ley doulour deis oumbrou tourmentadou ;  
 Pintou oïssy lou bonhur deis amou fourtunadou.  
 Bellou Fadou ès à tu de m'ouvry l'Helicoun ,  
 Sabes que pode rèn se n'ay pas tcy liçoun.

De carreiroun crousa sur la costou novèllou  
 N'ouffrissien à meis yeux qu'un nous soumbrou marrèllou,  
 Aquy l'on vey jamay lou gérme souple et vèr ,  
 La térrou es sansouirousou , et dins aqueoù desèr  
 Oû lio de roussignoû que prengoun la vouladou ,  
 Y'a plus que de machottou et de ratoupenadou.

Lou revoulun deis ouchrou entravou en chasque pas ;  
Et l'on ye véy per tout l'eymagé doù trepas.

Seguissé me de pré , me digné lou Delire ,  
Se voulé saluda lou dieou d'aquest'ampire ;  
L'on pôu senso miracle ana din soun palay :  
May quan sian où retour es aquy lou trabay.  
Rendèn ye de respé que soun indispensable ,  
Per tacha se poudèn de l'avè favorable ,  
Y'a pa per reüssy de plus segur mouyén :  
Temoûin ce que fagué lou prince dey Trouyén.

Fugué fa coumou dy. Din ma marchou timidou  
Seguiguère à tastoun aquelou de moun guidou ;  
Coumou vesèn de fès per vèndre de cansoun  
Qu'un avugle seguy quauque picho garçoun.

Maugra d'oubstacle anfin que la sablon nous pintoû  
Din ley vaste detour de l'oubseur labyrinthou ,  
De l'infèrnau palay veguerian lou pourtau ,  
Lou suisse que lou gardou outant gro coumou un Tau ,  
Mastin à très gousiè qu'appelloun lou Cerbérou ,  
S'enarqué controu yeoù herissa de vipérou :  
Hurousamèn moun guidou aviè lou gran talén  
D'enclaire et d'endourmy tout animau vieoulén :  
Lou mouestre à soun aspé , fourça d'estre doucile ,  
Toumbou subitamèn din sa logeon immouBILE ,  
Plugou , passèn , arribe et din lou tem que dor ,  
Me mostre à l'enemy dey vivén et dey mor.

Es aquy, cher Ranchiè, que mey jarrè trambléroun ;  
 Ley regar de Plutoun dabor m'esteignegueroun :  
 Et soun horrible aspé plèn d'indignatioun ,  
 Me coupé sur lou cham la respiratioun :  
 Assèta fieramèn sur soun thrône d'ebenou ,  
 Prouserpinou à cousta crèn d'encoury sa henou ,  
 La Mor es à sey pé qu'enchaplou soun dailloun ,  
 Et ley fléou tout oû tour sembloun de parpailloun.  
 A pènou m'agué vis , lou tiran redoutable ,  
 Que me cridé de yun d'un ton espouventable.  
 Temerary mortel m'ount'addresses tey pas ?  
 Tramblou. Puisqu'as vieoûla l'azile dou trèpas ,  
 Din lou centre embraza de mey proufouns abime  
 Te vau faire expia la pènou de toun crime :  
 Vas véire de quin biay , quan vén din meis èta ,  
 Un vivén es puni de sa temerita.  
 Sa voûiax , que ny lou tron , ny gès de bru n'egallon ,  
 Fagué trambla lou foun de la voutou infernallon ;  
 Leis Oumbron , de l'èsfray , fugissièn din leis ér ,  
 Et vesioû din seis yeux tout lou fio deis infér.

O Dieoû dey trepassa que touton onmbrou revérou ,  
 Ye diguère dabor , calma vouestou coulérrou ,  
 Véne pas per tenta qu'auquou négrou actioun ,  
 Coumou autrey fès Thèseon et l'enfan d'Ixioun .  
 Sieoû pa d'aqueley g'n qu'un fio malin counsumou .  
 Et moun feble n'es pa de seduire de fumou :  
 Se l'on pón vous flèchy per de boney resoun ,  
 Aguès pieta de yeoû , cérque lou gran Jansoun :

Aqueoù pioux pastour sourty d'un sang illustre ,  
 Que soun pople chery vegué pendèn siey lustre ,  
 Brilla dedin lou rèng que soun humilita  
 L'inspiré de fugy quan yè fouliè mounta.  
 Troubaray pa din vous la mèmou bonon graçou  
 Qu'autrey fès ye troubé lou cantaire de Thraçou ?  
 Eoù cercavou en plouran l'oubjé de soun amour ;  
 Yeoù cérque en gemissen lou mirau dey pastour.

Bén qu'agues fa bouly moun sang dedin mey vénou ,  
 En favour doù moutif que prés de yeoù t'amènou ,  
 Podes , digué lou Dieoù din soun emoutioun ,  
 Cerca lou digne oubjé de toum affectioun :  
 Proufitou deis instan d'un privilège rare :  
 Precipitou tey pas jusqu'ou nègre Tartare :  
 Noun pa pèr ye trouba lou benhuroux espy ,  
 Qu'ès devengu dey dieoù lou premiè favoury ;  
 Car doù pioux Jansoun l'oumbrou destinadou ,  
 Vey din ley cham huroux sey vertu courounadou ;  
 May per ana vér eoù y'a pa d'autre camin :  
 Ansin l'a resoulu l'immuable destin.  
 L'ordre d'un immourtel estén sènsou repliquou ,  
 Cértou ma lèngou alor semblé paralitiquou ,  
 Et coume un fraire lay brusqua de soun gardièn ,  
 Quan pòu s'elouigna d'eoù sent soun espy countén ;  
 De meme en fugissén Plutoun et Prouserpinou ,  
 Me levère un roucas qu'avieoù sur la peitrinou.

En sourtèn dou palay rescountrère tout pré  
 Unou léyou fangousou entre de vieil cipré :

Moun coumpagnoun hardy que jamay me quittavou ,  
 Dins un camin tan lay toujours me devançavou ;  
 May coumou approuchavian de l'endré redouta ,  
 Ciel quin bru s'entendiè din sey counçavita !  
 Que de cry redoubla ! que de son lamentable  
 SourtiguérOUN doù foun doù goufre espouventable !  
 Unou soumbrou clarta dins aqueoù meme tém ,  
 Attiré mey regar sur d'oubjé surprenén.  
 Prés dey gemissamén que la doulour enfantou ,  
 Ley tres juge , Minos , Eaquou et Rhadamantou ,  
 Dins unou viellou gérlou avien toutey ley noum  
 Dey mor qu'avien passa la barquou de Carou ;  
 Et sur soun tribunan que la flamou enviroùnou ,  
 Exerçavoun ley drè que lou dèstin ye dounou.

Aquy dins un mirau qu'offrou la Verita  
 Se vèsoun counfoundu ley differéns eta :  
 Leis oumbrou d'un chascun ye soun messou en balançou  
 Doù gran jusqu'ou pety y'a plus gès de distançou ,  
 Lou prince et soun sujé se ye troboun egau ;  
 Lou seignour y'ès pa may que soun paure vassau ;  
 Lou noble , lou bourgès , l'artisan et lou pastre ,  
 Sur térrou differén coumou où ciel soun leis astre ,  
 Surprès et revengu de seis illusioun ,  
 Ye soun plus distingua per de counditioun :  
 La mor y'aneanty lou rèng et la neissénçou :  
 Ley crime et ley vertu n'en fan la differénçou :  
 Tout y'ès examina sur lou bén et lou mau ,  
 Et l'entredous y'ès même un crime capitaü.

Dins aqueley mounèn, unou oumbrou infourtunadou,  
 Per arrés de Minos veniè d'éstre jugeadou.  
 Sézi tout à la fès de créintou et de respé,  
 Demandère où Delire em'un ér circounspé,  
 Se l'avièn coundamnadou en de pènou eternéllou :  
 N'aguère pas bada que l'oumbrou criminéllou  
 M'adressé la paraulon en poussan un soupir ;  
 Puisque fau satisfaire un indisgré desir ,  
 Aprene , me digué , que ce que fay moun crime ;  
 Es d'avé pousseda de bén illegitime :  
 Na paure , et piey varlé d'un fermiè generau ,  
 Moun mêtre vougué bén me réndre soun egau ,  
 Et m'ouvren tout d'un cop ley vénou d'où Potosou ,  
 Estouné tout Paris per ma metamourphosou :  
 Plutus en meme tém m'accablé de tresor ;  
 Anfin per un effé dey caprice doù sor  
 Devenguère un seigneur , tant plumave la poulou ,  
 Quasi dins uno niuch coumou unou berigoulou.  
 May quin secré mouldy , diguère où trepassa ,  
 T'aprouprié de bén tan vite ramassa ?  
 De tarif ambigu , de rén enigmatique ,  
 D'un fermiè , m'ajusté , soun ley titre oûtantique ,  
 Seloun que y'es douna vo l'un , vo l'autre sèns ,  
 Ce qu'és soumés ey dré déou lou may , vo lou mièns ;  
 Devoura de l'ardour de groussy ley recétoù ,  
 Deis acte et deis edy frondeloux interprétoù ,  
 La paouro François en yeoù troubé soun bazilie ;  
 Fuguère la ruïnou et l'esfray doù public ;



Et doù sang de mey freron evrage insatiable,  
 M'engreissere ey d'espèn d'un pople miserable.  
 Megéron , sur lou cham , Tisiphounou , Alectoun ,  
 Armadou toutey très de fougny garmy de ploum ,  
 Dou paure reprouva fourgérout leu suplice.  
 Unou raïssou de cop nen fugué ley premice ,  
 Et coumou leis uyau se perdoun din leis er ,  
 Se cabussé d'aquy din l'abime entrouvér.

Per seguy de Plutoun leis ordre irrevocable ,  
 Apré m'estre attendry dey cry doù miserable ;  
 Apré avè resta quanque tém interdy ,  
 Me fougué veïre anfin lou Tartare mouÿdy.  
 O Ranchiè , quin sejour , quintou Musou es capablou ,  
 De n'en poudé traça l'eimage incouncevablou !  
 Figurou te dabor per feble echantilloun ,  
 De tintamarrou asiroux , de negrey tourbilloun ,  
 De gouffre devouran qu'engloutissoun leis amou ,  
 De ven descadena que fan battre ley flamou ,  
 D'espectrou maufasén , de carboun alluma  
 Que grasilloùn ley mor sensou ley counsuma.

Tau soun ley four de eau , quan sèy vontou fumantou  
 Eissugoun la furour deis ouindou devourantou ,  
 Et que lou fio que par d'un ardén fougueïroun ,  
 Calcinou ley roucas , ley teoule et ley maloun.  
 Coumou ley revoulun din ley caverney soubrou ,  
 Léissoun per intervalou apercevre leis oumbrou.

Lou Delire tranquille où mitan dou fracas ,  
 Regarda , me digué ce que se passon en bas.  
 Aqueoù qu'es lou jugué dey tiereis Humenidou ,  
 Fugué de soun vivén d'unou trémpon perfidou :  
 Double coumou Judas , soutou lou noum d'amy

Vous fasiè lou béou béou quan voulié vous trahy.  
 Ansin sara trata tout mourtel infidèle  
 Encau lou scelera servira de moudèle.  
 Vira vous per cousta , per veïre un malhuroux  
 Que la negrou Alectoun penchinou de rebous ;  
 Hela fugué pasta d'un tau marry levame

Que soun siecle abhourré soun caractérou infame !  
 Lou monstre quatorge an din lou crime nourry ,  
 Pouté l'hourrible noum de Coumode mary ,  
 Et d'enfan bigarra prenén lou noum de pérou ,  
 Vendegué ley favour de sa fumon adulteron.  
 Per pui tan de mau , de salé gropata  
 Ye becaran lou cor toutou unou eternita.

Counsidera plus yun din d'espessey famadou  
 L'oumbrou qu'un fouletoun léïssou veïre affligadou ,  
 Din soun avidité d'amassa de tresor  
 Fagué jouga trentou an de coupable resor ,  
 Voulut en sureta , soun excessivou uzoum  
 Lou rendegué lou fléou de l'huménou naturon ;  
 Lou ladre en se plagnén l'alimén que prenè ,  
 Fasiè qu'accumula d'inutiley deniè :  
 Nega din sey tresor sa passioun fatalou ,  
 Ye fagué resseny la penou de Tantalou ,

Et malhur eis huméin din de deoute enfanga  
 Que venièn de sey man se faire sérenga.  
 Millou espectrou malin fan eicy sey delice  
 De lou tirannisa per d'estrangey suplice.

Que vèse ! Troubadour, quint oubjé bazana  
 Dedin ley tourbilloun se trobou encadena  
 Sur de carboun ardén que jamay rén n'amoussou ,  
 L'impoustur aggregea dedin lou sacerdoçou ,  
 Coumou se coumpourté dins un tan bél eta :  
 L'ouïria près per un san , tan soun ér emprunta  
 Doù vulgari credule abusé la visièrou ;  
 May Minos y'a prouva que certénou chambrièreou ,  
 Que lou fourbe gardé long tém din soun houstau ,  
 Satisfasiè doù bouc ley mouvamèn brutau ,  
 Et que jaloux , transy , de soun vesin pudique ,  
 L'accusé faussamèn de seis acte lubrique.  
 Oûssy tout à l'entour d'aqueou membre pourry ,  
 Dè fantomou oudioux que vénoun l'agarry ,  
 Flamboun emè de lar de la marridou eizineu  
 Certéin derbi suspé que y'a sesy l'esquinou ,  
 Et d'autrey plus malin ye bouffigoun la péou  
 Em'un oli bouillén qu'escampoun d'un caléou.

N'acabarieou jamay , me digué lou Delire,  
 Sa vous foulié moustra ley diffierén martyre  
 Que dounoun la tourturou en tan de reprouva ,  
 Lou noumbre es tan pety dey gén que soun sôûva ,

Que se voulian counta leis oumbrou criminellou ,  
 Lon n'en pourrié donna qu'unou listou infidellou ;  
 Suputarian plus léon quan y'a de code en Cran ,  
 Dou siermamèn eicy quan y'a de lignou d'hau ,  
 Vo quan y'a de degou din leis aigou saladou ,  
 Que lou vaste Ocean tén din sey barricadou ,  
 Soungèn d'abbandouna lou malhuroux sejour ,  
 Dey créintou, dey chagrin, dey penou et dey douleur ,  
 Enreguèn lou camin dey countradey jouyousou ,  
 Mounte régnou en pax leis amou benhurousou .

Troubère aqueou prepau tallamèn de moun gous ,  
 Et me ye rendeguère em'un plesy tan doux ,  
 Qu'ouïcou vougu fuy ley cavernou infernallou ,  
 En voulan din leis ér coumou autrey fès Dedalou ;  
 May quand voulèn quita l'azile dou trespas ,  
 Avèn béou nous pressa, n'anèn qu'à pety pas ;  
 Un carreiron estrè din de vieilley muraillon ,  
 Plèn de péïrou, de traou, de fangou, de broussaïllou ,  
 Mounte millo calobre habitou en tout tén ,  
 Es lou passage afïroux que l'on trobou en sourtén ;  
 Chasque peou de moun cor distilavou sa goutou ,  
 Quan fuguère esmara dins unou tallou routou .

En m'elouignan dou trouble et dey lio d'estèta ,  
 Veguère pouachegea quauque pau de clarta ;  
 Lou camin raboutoux devengué plus facile ,  
 Yeou même en caminan me sentieou plus agile ,

Un certéin quauquourén semblavou m'attira  
 Din dendrè plèn d'un ér qu'amave respira.

Vous vegnère à la fin , ô sejour delectable ,  
 Mounte réignou toujours lou bonhur veritable !  
 Ny lou cau deis estieou , ni lou frè deis hývèr ,  
 Ni ley fléou malhuroux qu'agitou leis infèr ,  
 Troubloun pas lou repau de vestey lio tranquile ;  
 Un printém eternél ley rénd pur et fertile .  
 Sur lou gérme nouvèou , ténèdre , ver et flouy ,  
 Naissoun soutou ley pas leis inouécé plesy ;  
 Jamay l'oubseurou niuch y'estén sey vélou soubrou ;  
 Ley rayoun de Phebus n'en dissipoun leis oumbrou ;  
 Plus purou qu'un cristal l'oundou dey rageirou  
 Mesclou soun doux murmurou où ean dou roussignou ,  
 Leis habitan de l'ér din ley soupley fuillage  
 Ye cantoun seïs amour din soun ténèdre lengage ,  
 Ley delice pourta sur l'alou dey Zephir ,  
 Vénoun de tout cousta preveny ley desir.

Ley benhuroux nôrry d'unon lumierou purou ,  
 Soun à l'abry dey mau de l'huménou naturou ,  
 Sentoun dedin soun amou unou serenita  
 D'ounte part soun bonhur et sa felicity ,  
 Et din la proufoundour de sa beatitudou ,  
 Soun cor rassassia sent din sa plenitudon  
 Quauquourén que l'élévou où dessu dey besoun ;  
 Soun bonhur es au fin sensou coumparesoun ,

Et sa joyon où dessus de tout plesy terrestre ;  
 May per n'en resouna fau lou véire et fau y'éstre,  
 Leis Alpou din l'essor d'un affroux tramblamèn ,  
 Sarièn desracinadou en jusqu'ey foundamèn ,  
 Coumou ley roucas vieoù qu'un peiregoun pétardou ,  
 Qu'aqueley benharoux se n'en prendrièn pas gardou.

Entre ley béous oubjé qu'encantoun ley regar ,  
 Et qu'esfaçoun l'escla dey mervéillon de l'ar ,  
 Dins un quartié risèn où céntré d'unon planou ,  
 Vér un bousquè sacra réignoun quauqueis andanou ,  
 De grottou que lon tém fabriquè de sa man ;  
 Tallou s'offroun eis yeux ley tendou dins un cam ,  
 Vo tallou soun où pra qu'es au tour de Béoucaire  
 Ley cabanou de bos qu'en fièrou ye fan faire.  
 Que seis agradamèn soun pourtant differèn !  
 Maugra l'antiquita tout ye semblou neissén ,  
 A l'aspé deis oubjé la vistou es esbloüidou ,  
 Et l'amou de plesy restou coumou candidou.  
 Plus vérdou que leis autrou unon andanou à l'escar,  
 Fixé per sa béouta meis avidey regar :  
 Leis aubre entrelassa ye fourmavoun d'alcovou ,  
 Vieillou coumou lou tém, bèn que sembléssoun novou ;  
 Ley brancage ramu per millou brout nouveou ,  
 N'en deffendièn l'intradou ey rayoun doù souléou.

Odgusteis habitant deis endrè d'ounte parle ,  
 Pastour , que brilleria din nostou gleisou d'Arle ,

Et qu'avé merita d'être où noumbre dey san ,  
 Souffré que place eicy vostey noum trioumphan.  
 Vous ay vis din moun sounge, ets'ay bonou memodaron  
 Dins aqueleis endrè de delice et de gloûarou ,  
 Soutou lou joûssemin , la nértou et lou loûsiè ,  
 Noste apotrou Trupheme érou lou capouliè ;  
 Danis soun successour , et l'arcoupagistou ,  
 Es lou segoun oubjé que me flatté la vistou ;  
 Rieul , Felix , Marin , Poulicarpou , Roulan ,  
 Councordou , Eonius , Cros , Hounoura , Roustan ,  
 Oârelié , Cezari , Hilérou , eme Virgilou ,  
 Suivan l'ordre dey tém , éroun rengea de filou ;  
 Lou cardinau Louïs pré dey santifia ,  
 Oûcupavou lou rèng dey beatifia ;  
 Anfin lou grand Jansoun soutou aquelon verdurou ,  
 Mes à nivieou dey san nen fasiè la clouturou.  
 Un tendre sentimèn d'amour et de respé  
 Me fagué prousterna sur loû cham à sey pé ,  
 Et din ley mouvamèn de l'ardour la plus vivou ,  
 Très fès voulicou sesy soun oumbrou fugitivou ,  
 May très fès abusa din mey transpor ardén  
 Cresieou de la teny quan n'agantave rén.

Moun énfan , me digué l'illustre persounage ,  
 Quan la mor sur leis home a près soun appanage ,  
 Et que l'amou unou fès se separou dou cor ,  
 Ley dous étron van plus per ley memey ressor ;  
 Lou cor s'aneanty par ou qu'es perissable ,  
 L'amou réstou immourtellou et n'a ren de palpable :

Voulè touca leis oumbrou , es councevre un dessin  
 Que se trobou oû dessu de tout esfor huméin.  
 May digou-me , moun bon , perquin cop de miracle,  
 Véses dey cham-huroux lou brillan spectacle ?  
 Quintou resoun puissantou a pouseu t'inspira  
 D'enrega deis infér lou camin ignoura ?

San pastour , ye deguère en versan de lagrèmon ,  
 Ma tendrèsson per vous es encarou la mèmou ;  
 Quan lou mouÿdy cisiéou de l'avidou Atropos ,  
 Vous agué per malhur acclapa din lou cros ,  
 Hormy quauqu'espry for et l'avugle canaillou ,  
 Vostou mor counsterné toutey vesteis ouaillou.  
 Voste triste palay fugué clafi de gén ;  
 Lou gran et lou pety , lou riche et l'indigén ,  
 Pourtavoun din soun cor la tristèsson qu'ouépérou  
 Dins aqueou deis enfan la pértou de soun pérou ;  
 Tout lou mounde digué qu'un tau pastour perdu ,  
 Din ges de successor nous sariè plus rendu.  
 May quan dins aqueou jour que me douné la fébre ,  
 Vous aguerian rendu nostéy dèvé funèbre ,  
 Chascun se retiré penetra de douleur ,  
 Sénson que rès pensèsse à véire aques sejour.  
 Yeou soulè ( car leis autre ouïran pénou à lou créire )  
 Prenguère lou pefa de vous ye veny véire ,  
 Per jugea per yeou meme et resta counvaincu ,  
 S'eria recoumpensa d'avè tan bén viscu.  
 Gary d'aqueou consta, quauquourén may me fiançou.  
 Sant home hounoura-me de vostou counfiançou ;



Et puisque legissé din l'oubseur aveny ,  
 Dey fé qu'arribaran deigna m'entreteny :  
 Digna-me se lou rèy , per rempli voston plaçon ,  
 Pourra trouba quauqu'un que suive vostey traçon ,  
 Et quau sara nouma per joiy de l'hounour  
 De vous poudè counta per soun predecessour.

Hela ! me repliqué l'oumbrou tantifadou ,  
 Que l'home es ignourén dessu sa destinadou !  
 La vidou es coumou un fieou que tiroun d'un trachéou ,  
 Coumou un lume tramblan sur lou bor d'un caléou ,  
 Qu'un bourrilloun fay roumpre et que lou soufle  
 amoussou.

Et tau tocou au capéou que vay pérdre la crosson.  
 Avan que dous hyvér se fugoun escoula ,  
 Lou plus puissan déy réy Louis lou ben Ama ,  
 Dey ribou doù Pounén tirara la lumiéron ,  
 Que pourriè gouverna la gléison toute entièrou :  
 L'illustre Bellefon sur lou noumbre choudsy ,  
 Es l'astre que dins Arle ana veire lusy ;  
 D'aqueou sublime espyr la prouffoundou doctrinou ,  
 Ley talén merveilloux , la sageou disciplinou ,  
 Lou faran regarda coumou un home divin.  
 O que din pau de tém vay faire de camin !  
 Digne d'être eleva jusqu'ou suprême estage ,  
 Arle n'aura dins cou qu'un oûsséou de passage ,  
 Et din mens de cinq ans l'equita de Louis ,  
 A la plaçon doù Luc lou mettra din Paris.

Jamay rès , moun enfàn , din la naturou huménou ,  
 N'a couru tan vite à la pourprou rouménou ,  
 Et beléou rès jamay dins aqueoù rèng plaça ,  
 N'a miès merita qu'eoù de y'éstre countempla ;  
 May coumou ensièlara lou béou de sa carriérou  
 Quan l'ouèriè cresegu ? La Parquon murtrierou ,  
 Jalousou de lou veïre en tan pouin de grandour ,  
 Coupára de despiè la tramou de sey jour.

Après eoù Jumilhac , l'hounour doù sacerdoçou ,  
 Digne de la thiarou , aùtan que de la crossou ,  
 Aqueoù rare tresor que Vanou plourara ,  
 Sara lou grau sujé que lou remplaçara.  
 Se pérdes Bellefou , Arle outras à sa plaçou ,  
 Un home que l'egalou oùmèn seïnou l'esfaçou ,  
 Din quau vas amira lou zélou , la fervour ,  
 Et toutey ley vertu de sey predetessour.

Que de tracassarié troublarau nostou villou ,  
 Avan que Jumilhac ye prone l'evangilou !  
 Leis espry s'eigriran d'unou talou façoun ,  
 Que y'oura de crestian qu'oublidaran soun noum :  
 La Discordou en furour de sa boucou infernallou ,  
 Soufflára loun pouïsoun qu'engéndrou ley caballou ,  
 Capelan , Prieou , Cura , Margaliè , Penitén ,  
 Fourmaran de party per d'affaire de rén ;  
 Dous venerabley cor , dous oubstina chapitre ,  
 S'armaran tour-à-tour per de frivoley titre

De Moüine..... May lou Bén de la religioun  
 Bornou em'aqueley mo ma revelatioun !  
 M'es pa permès , parlan de semblabley queréllon ,  
 De n'en may faire entendre en d'ouëillou mourtéllou.  
 Tout ce que me counsolou aumèn din moun regré  
 Es qu'un mau tan fachoux fara pas de prougré ,  
 Et que tan de deba n'estén qu'un fio de paillou ,  
 La pax reünira meis anciéneis ouaïllou ;  
 May per poudé mena ley causou en aqueoù pouin ,  
 Foudra de Jumilhac la prudénçou et ley souin.  
 Es aqueoù bon pastour , es aqueoù gran genïou ,  
 Que vendra din ley cor restably l'harmounïou ,  
 Es eoù que devoua per toutey seis enfan ,  
 Sara de la Discordou à la fin trioumphan ;  
 Es eoù din quau veirès lou riche caritable ,  
 L'hounéste home , l'amy , lou pérou veritable.  
 Me demandéssés pa quan de tém lou Destin  
 Leissara sur la térrou aqueoù san pellerin ,  
 Ta curiòusita se troubariè troumpadou ,  
 Se vouliès de sey jour penetra la duradou.

O tu que siès encarou où noumbre dey vivén ,  
 Songeou de profita dou réstou de toun tém !  
 Lou Rose desbourda din sa coursou rapidou ,  
 Coulou plus léntamèn que ley jour de ta vidou ,  
 En sourtén dou nean , o deplourable sor !  
 L'home , fa per pery , prén d'harrou de la mor ;  
 A pènou es ty sourty de sa bellou jouinèssou ,  
 Qu'emé sey dè pesan la jalousou vicillèssou ,

Frounsy soun triste fron, l'oumbrageou de peou blan,  
 Et de soun cor uza rénd ley mèmbe tramblan :  
 L'age vén din sey nér faire coula sa glaçou ,  
 Lou tém que destruy tout n'en cindrou la carcassou;  
 Ley plesy , la santa , l'adréssou , la vigour ,  
 Din de nouveou vengu van faire soun sejour ;  
 Et troumpa per l'effé d'un changeamèn terrible ;  
 N'ès plus qu'à la doulour , pechaire qu'ès sensible.

Eicy tout play , tout ris , et tout nous rejoïy.  
 Veses de quin bonhur Dieoû me léïssou joïy ;  
 May se vos avè par à sey bounta divinou ,  
 Foû qu'ey flour , moun enfan , prefères leis espinou ,  
 Ley desy farièn rén dins un cor vicioux ,  
 Sufy pa d'envegea moun sor delicioux ,  
 Se ye vos aspira travaillou y'à bouenou-hourou ,  
 Detéstou teïs escar , gemy , souspiron , plourou ;  
 Fugues plèn de respé per ta religioun ,  
 Luchou eternellamèn controu tey passioun ,  
 Agues per toun prouchéin un amour veritable ,  
 Fugues coumpatissén , sincère ; caritable ,  
 Regardou un libertin coumou un mounstre oudioux ,  
 Choudzisse per amy l'home sage et pïoux ,  
 Deïs ennemy qu'ouïras excusou ley feblèssou ,  
 Din leis aversita mostrou unou amou soumèssou ,  
 Regrétou lou passa , tramblou per l'avèny ,  
 Meinageou lou presén , créigne l'être infiny ,

Amon lou Bén sur tout sènsou gès de partage ,  
 Et participaras où celèste heritage.  
 Tau fugué lou discour doù benhuroux Jansoun.  
 Coumou reculissieoù sey pïousey liçoun ,  
 Et que caminavian sur ley flour et lou gérme ,  
 Tout d'un cop me digué, moun bon, touquèn où térme  
 Marqua per toun retour din l'ordre doù Destin ,  
 Adieoù vay ten , et pènsou à ta dernièrou fin ,  
 En gardan ce qu'ay dy grava din ta memoûarou.  
 Alor nous trouberian vér la portou d'yvouàrou ,  
 Mounte l'on vey sourty ley songe voutigean ,  
 Passère per aquy , lou Delire oùbligean  
 Me digué qu'érou tém que prenguesse la fuitou ,  
 Et que pourrieou sensou eoû dirigea ma counduitou.

A l'instant moun espry de feblèssou espuisa ,  
 Per tant d'ouïbjé troumpur cessé d'être abusa ,  
 Drubiguère leis yeux , bouleguère la téstou ,  
 Et de mey sens troubla reprenén qu'auquey réstou ,  
 Recouneiguère où liè moun cor adoulènty ,  
 D'ounte effectivamèn n'érou jamay sourty.

Es dins aquel eta que d'un ér de satrapou  
 Lou cellèbre Larnac , monu fidele Esculapou ,  
 M'ayen tasta lou poux reculé quatre pas ;  
 May me mettén dabor la ligaturou où bras ,  
 Per lou secour benin de sa finou lancètou ,  
 Moun sang impetueux voulué din ley palètou :

La fièvre redoublan soun oûbstination  
 Larnac fay de nouveou soun oûperation.  
 Dunés vén après eou, me fay moustra la lèngon,  
 S'envay, soun garçoun vén arma d'unou serèngou,  
 Mès un ginoux à terrou et per me soulagea,  
 M'engorgou per l'endré que l'on déon se vugea,  
 Et soun ar ranvèrsan l'ordre de la naturou,  
 A moun vèntre cura donnou anfin la tourtarou.  
 L'abeoufrage perfide es à pènou dedin  
 Que me trobe, bon Dieou, gounfle coumou un boudin:  
 La tressusour me prén, la couliquou m'acipou,  
 Lou tron sèmlou grounda din lou foun de meytripou.  
 Tramble per un effé d'aqueou fay superflus,  
 Quan pressa tout d'un cop per un suby reflux,  
 Lou jus medecinan d'unou rapidou coursou,  
 Vén revèire lou jour en viran vér sa sourçou;  
 Yun d'être soulagea me troubère plus mau,  
 Sor qu'es assés coumun en toutey ley malan;  
 May coumou fòu moury sounmès à Hypoucratou,  
 Aprè lou lavamen prenguère l'oupiatou,  
 Remedy coumpousa per purga leis humour,  
 Et qu'em'encarou un pau me privavou doù jour;  
 Car din l'instan cruél que n'en faguère uzagi,  
 Unou frégeou susour crubigué moun visagi,  
 Lou cor me palpitè coumou se lou pòuissoun  
 M'aguèsse calcina lou fége et ley pòmoun.  
 Un colleramorbus, mau qu'érou alor en vogon,  
 Fougué lou triste effé de la mourtalou drogou.

Meis esparsiè duber per debas et per d'han ,  
 Leis humour et ley vén sourtién à plén de tran,  
 Et per quatre moucéou qu'avalére en balotou ,  
 Redeguère beléou per èmpli douge botou.  
 Apré m'avè purga , clisterisa , soûna,  
 La faculta vougué qu'uzésse de quina.  
 Sénsou marcandegéa souscriguère à soun ordre ;  
 May, hela ! quinge prisou à pènou an pouscu mordre  
 Lou levame febroux que se y'ès estrema ,  
 Demorou coumou enclau dedin moun estouma ;  
 Sicou desmantibula din toutey meis article ;  
 Per ye véire bèn clar foudriè léou de bericle ;  
 Et l'espry dey liquor yun de me pènètra ,  
 Ben dificilàmèn sèsy moun oûdoura.  
 Un grand charivary nicha din meis oûrèillou ,  
 Quan sarre la parpèllou en surçau me revèillou ,  
 Et soun brù desoulan me rend tallamèn lour ,  
 Que din certéin moumèn sémble éstre vengu sour.  
 Din moun espuisamèn , o desordre terrible !  
 Quan toque quauquarén ye sieoù quasy insensible.  
 Arou ay de fregeoulun emè d'estiramèn ,  
 Et puïey de trèssusour et de badaïllamèn ;  
 Vo cau coumou lou fio , vo frè coumou la glaçou ,  
 Trevirarieoù d'enfan se vesien mey grimaçou.  
 Encarou tout aquo se pourriè supourta ,  
 Se l'autre de mey sèns m'aviè pas desfoûta ;  
 May trobe eis alimèn un gous talamèn fade ,  
 Qu'abhorre l'elixir coumou l'oli de cade ;

Moun ancién apety cousin gearman doù tiot ,  
 Lassa de me servy vén de me dire adieoû ,  
 Et din moun estouma pode rén faire caupre ,  
 Parçou que moun gousiè n'ès plus fa per reçaupre :  
 Quin mourtel a pourta lou desgous en tau pouin !  
 N'en fuguères tu même oùculari temouin ,  
 Lou memourable jour qu'à toun mas en Camargou  
 Choûmère tristamèn davan unou poutargou ;  
 Hela ! per ye sucxa de l'alou d'un canar ,  
 Besuquè dedeignoux , n'en tirave lou lar ;  
 Et quan fougué tasta d'un nèctar que restaurou ,  
 D'aqueoù jus excellén tira de Rocoumaurou ,  
 Veguères , cher amy , moun perfide esparsiè ,  
 Que toujours refusavou et jamay reçoûpiè.  
 Mounte a passa lou tém qu'ouïrieoù fa plaçon nètou ,  
 Que poutargou , canar , bon vin et renguierèton  
 Oûrièn dispareigu din leis instan bourna  
 Qu'un canounge pèu mèttré à se disciplina !

O moun bel apety, tresor incoumparable !  
 Tu qu'èn m'abandonnan m'as rendu miserable !  
 Tu que din mey repas eres lou presidén ,  
 Moubile precieux qu'agitaves mey dén ,  
 Courre vite où sécour de ma paurou machinou ;  
 Car se mastegue plus vau nourry la vèrminou.

Adicoû moun bon Ranchié , se las de me puny ,  
 Dieoù vod que ma santa me posque reveny ,



Me vas véirè à toun mas per uno quingenadou ,  
 Aquy resounarèn à téstou repoulsadou ,  
 Sur la pènou que y'a d'enjouлива d'escry.  
 Tau rimaire oûjourd'huy n'es qu'un pichot espy ,  
 Qu'ouè tém.dey Troubadour l'ouïrièn près per cellébre,  
 S'aviè fa sépt cén vér sur seys accés de fèbre.

---

---

 NOUTIÇO SUS GERMAIN.

GERMAIN ( Jan-Batisto ), na à Marsillo , en 1701 , si pimet fouesso jouine à la rimo prouvençalo , et reussisset de maniero à pousque coumpta oou noumbre deis Troubadours , tant per la forço de soun genio que per lou chouas de seis expressiens. *La Bourrido deis Dioux* , lou soulet de seis ouvragi que dounen eici , passo à bouen dre per lou mies escri.

Germain , mouar en 1781 , avie entrepres , de soun viven , un Ditiounari prouvençaou frances qu'ague pas lou tem d'acaba. Lou long sejour qu'avie fa en Barbarie , en qualita de secretari d'hou consou d'Algier et ensuito d'home d'affaire de la coumpagnie royalo d'Afriquou , lou metet à portado d'escruioure en frances , et de publia quooouqueis Observatiens , fouesso estimados dins soun tem , sus lou coumerço d'Algier , de Salouniquo et deis aoutreis escalos doou Levant.

---

LA BOURRIDO DEI DIEOUX,  
PER JAN-BATISTO GERMAIN.

---

*Horaco , se l'avies tastado ,  
Ben luen de l'ave blastemado  
L'auries douna toun amitie ;  
Auries mies estima ta testo courounado  
D'un rez d'ayet que de lauzie.*

---

**LEI** Dieoux assoudelas dei plesis de la vido ,  
Que menavoun en Paradis ;  
**Si** digueroun , un jour , que fen eissi couadis ?  
Tretous , faguen uno partido.  
**Lei** joyos sount à nouestro man ,  
**Amis** , n'esperen pas deman ,  
**Ausen** que de pertout si parlo de bourrido ;  
**Pouden** leon dountenta l'envegeo que noun pren :  
**Lei** Prouvençaux la san tan ben ,  
Qu'au dire de cadun foon que siegue valento.  
**Dien** qu'en piquan d'ayet eme l'oli pasta ,  
Si fa la poumado couyento ,

Qu'es uno drogo benfasento ,

Contro touto malignita.

Que fa ( se voules ) l'halen fouerto ;

Mai que pouu revieouda l'apetit quan es mouerto.

Qu pourrie la noun fa tasta ?

Apollon , catacan vaqui que leis entraigno ;

De Marsillo , dignet , sabi lou tarradou ,

Subrequetout uno campaigno

Qu'es d'un ami d'un troubadou ;

Qu'a de Pra , de Coulet , bello visto , uno Plano ;

Qu'un fourniguie de Pins li serve de cabano :

Veires la luego d'un jardin ,

De sentou len mai de durado

Que la Roso et lou Jooussemin ,

Lou Muguet et la Ginouillado ;

Aqui , li creisse lou lausie ,

La faligoulo en flous , lou roumaniou sauvagi :

De majurano l'an bouscagi ,

Uno leyo de carroubie ;

Et pui se regretas lou Nectar , l'Ambroisie ,

Aquel ami dara uno grosso eigadiero

De soun vin renouma de la grand Darboussiero.

Après qu'aguet parla , touei lei Dieoux d'un accord

Voulien doou Ciel vira de bord

Per descendre à Sant-Tronc , à la bello bastido

Mount'avien engeansa de faire la bourrido.

An tan , doou Paradis , quan lei Divinita

Voulien su terro s'invita  
Mercurio avie lou soïn de courre lei Villagis  
Per ana cerqua d'ueou , de pan , de vin , d'herbagis :

Mai eissi , tous senso façoun  
Digueroun , Jupiter seren escoti-soun.  
Va foon pas dire à la lezino ,  
Pourtaren tous un paquetoun ,  
Vo quauquaren de la cousino ;  
Pouden tout faire d'escoundoun ,  
Tapen leis huys dei rapourtieros  
Lou malhur deis oustaux ven souvent dei chambrieros.

Si ves ren de plus entepres  
Que lou fenian musca , la mestresso piefado ,  
Quand per uno premiero fes  
Li foon faire la carbounado :  
Doon siecle moute sian manquo pas desgaubiado ;  
Ai vis quauquei fes un galan  
Prendre un toupin eme lou gan ;  
De frizados à grand couciffuro  
S'estrassà de troue de doubluro  
Per vite tourca la sartan.

Apollon n'aguet pas plus leou fa sa charrado  
Que lou grand Jupiter mestre de l'assemblado  
Dignet ei Dieoux , escouta-mi :  
Eissi , cadun dueou estre ami ,  
Que finisse à jamai touto vieillo querello ,  
Tout renozi , touto carrello :

Tu Vulcain , zoubes pas Venus ,  
 Amour fagues plus tant lou gus ,  
 Junon , quito l'enrabiaduro  
 De la jalousie la plus duro ,  
 Laisso lou mounde de repau ;  
 Et tu discordo , senso gau ,  
 Vait-en au ramas deis Harpios ,  
 Counvido à tooun repas , Caroun , et lei Furios ,  
 Pren lou Temp aqueou vieil quistoun ,  
 Que passegeo de plaço en plaço ,  
 Per ben emplì sa largeo biaço !

Souleou , moun fieou , fai que la nuech  
 N'ague per soupa ren de cuech  
 Quand voudra trata la chimero ,  
 Lou travail , la doulour , l'envegeo , la coulero ,  
 Lei ramados de l'enfanta ,  
 Lei febres , l'incoumoudita.  
 Digo-li , que s'a la sentidó  
 Eis infer s poou faire partido.

Lei Deessos eme lei Dieoux  
 Partoun agouloupas de nieoux ,  
 Pourtan un pau cadun per talo mastegado ,  
 Ceres , de troue de pan s'en fet uno faudado ,  
 Bachus vouguet porta quauquei pechie de vin ;  
 Neptune qu'a pas besoun desquo ,  
 Per faire quand voou boueno pesquo ,  
 Aduguet vingt boudrooy , d'autrei peis , un coufin :

Et coumo avien ausi parla de limassado ;  
 N'en pourteroun un sac per faire l'ayetado ;  
     Mars amoulet cade couteou ,  
     Vulcain aqueou goi rababeou ,  
     Pourtet un papie d'espingolo  
     Per lei tira de la quicolo ,  
     ( Diga-li se voules cruveou. )

Coumo per escura poueloun et casserolo ,  
 N'avien ni fretadou , ni limoun , ni saveou ,  
 Va couloumeroun tout dins uno grand' peirola.  
 De cabouêços d'ayet choousidos per Camus ;  
     Lou mourtie pourta per Venus ;  
 Minervo per luzi dins un tan beou regoli ,  
     Si carguet d'un flascoulet d'oli  
 Que faguet meinagea per la sagi Resoun ;  
     L'Amour pourtet un bouen trissoun ;  
 Pluton soute lou bras li menet sa frisado  
 Per aluma lou fuech , alesti la grilado  
     Et prendre curo doou fougoun.

La sagi Themis , tant rigido ,  
 Pousquet pas defugi d'estre de la partido ,  
     Prenguet l'Hounour et l'Equita ;  
 Dins un gros tombareou mena per la Sagesso ,  
     Mandet vite fa decreta  
     Lei Vicis et l'Iniquita ,  
 Que venien su dun char tira per la Richesso  
     Qu'espootissic la Paureta.

( 73 )

Et pui la balanço celesto  
Eme soun plechoun su la testo  
Faguet crida per lou dieou Pan ,  
Que se quauqu'un venie per treboula la festo .  
Serie pres et mes ouu carcan .

Et tu vieillo sempiternello ,  
Maire grand , frouncido Cybelo ,  
Qu'as lei peous coumo de blestoun ;  
Nis de nieres , de pepidoun ,  
Que fas glori d'estre enrabiado  
Ei juechs qu'as inventa de la tambourinado ,  
Que vives en maleditien  
Tirassado per un gros lien ;  
Aro que ti ves esquichado ,  
Voudries qu'oublidessian l'actien  
Qu'au bel Atis , ( mau entraignade  
Fagueres senso coumpassien .  
As à bello branda la testo ,  
Vieillo rampinoue , senso dent ,  
Tei noueros n'an ges de talent :  
De ti veire dins esto festo :  
Pren de fuech dins un cassouloun  
Et vai fouigna dins un cantoun .

Quand s'atrouberoun tous dins aquelo countrado ;  
Jupiter li diguet , eh ben , qu fa l'ayet ?  
Es pas lou tout ; foon la brandado ,  
Qu de vautre saupra boulega lou pouignet ?



Tu Venus que fas l'enjuguido ,  
 Ti sies cargado doou mourtie ,  
 Mouestro noun que sies acoumplido  
 D'un gaube tria per toun mestie ;  
 Foou tout faire per l'amitie  
 Et subrequetout en partido ;  
 Sabi qu'as agú fa ( dins toun tems ) la bourrido.

Venus, diguet alors oou bellas Cupidoun ,  
 Moun fieou, douno-mi lou trissoun.  
 Nymphos , prénez lou rez, pella-mi quauquei venos ,  
 L'Amour vous fara seis estrenos.

En piquan , en viran , l'ayet venguet tan hau !  
 Quand Junon envejoue, lesto per fa de mau ,  
 Leis huys clins, tenen bouquo muto ,  
 Li moustre lei dents à la chuto ,  
 Pensan que l'ayet si foundrie.

Venus que si doutet de quauque mascarie ,  
 L'esquichet un limoun, demandet d'aigo caudo ;  
 Lei Dieoux trateroun tous Junoun de garamaudo.  
 Entantou, quand cresien que tout fousso perdu ,  
 Venus lou li faguet tan du ,  
 Qu'au mourtie lou trissoun tenie testo levado.  
 Qu voou faire lou mau, trobo pertout l'endrech !  
 Mourtaux, per estre huroux prenes lou camin drech,

Ave jamai vis lei frugidos  
 Que lei moussis oou cueou de bucou

Fan dei meringeanos facidos,  
 Vo lei capouns que fan la reino tiro pueou  
 D'un couffin mau tapa de castaignos bouydos ?  
 Ansin lei Dieoux foulas que voulien estiva,  
     Coutmenceroun de saliva:  
 L'un tastavo lou brouy, l'autre disie soun grassos,  
     Voou mai un cueou que cent limassos;  
     Qu tiravo de caragdou,  
     Qu v'escampavo tout ou souu;  
 Si delegavoun tous per si fa quauquo pesso,  
     Et ce que fouguet lou plus beou,  
 Que quand crideroun tous, ajudo, l'oulo vesso !  
 De veire Jupiter empura lou gaxeou :  
  
 Quand lou pey fouguet cuech, lei limassos sutauro,  
     Touto ceremounie bandido de la cour ;  
     Lei Musos coumo de gandauro,  
 Trouberoun que l'ayet dounavo de vapour,  
 Que lou dieou Crepitus din l'eternel sejour  
     Petarie tant, que lei fumados  
     Estavanirien sei pensados.  
     N'agneroun pas plus leou parla,  
 Que Jupiter en fuech li cridet, alto-là ;  
     Vous regardi coumo de fouelos  
     Que deluegas souven lei mouelos,  
     Creses qu'anan din lei jardins  
     Per lippegia de muscardins ?  
 Su, que cadun eissi countente sa feblesso.

Venes Juechs , gros Rire , Tendresso ,  
 Quand veires qu'auren tous begu coumo de trau  
 Pasta noun touei lei couars coum'un ficho barrau ;  
 Ai mes moun tron , en sentinello  
 Enviroouta de touei lei maux  
 Per lou supplici dei mortaux  
 Qu'a la pax an cerqua querello.  
 Douna-mi per bouclie , la cieto de l'ayet ,  
 Sieû toujour gay coum'un cadet.  
 Bellono , ( crese-mi ) deserto de la guerro ,  
 Engageo-ti din lei plesis ,  
 Es un dei regimens dei plus beou de la terro ,  
 Sei bataillouns sount lei desis !  
 Pren lei canouns , leis halabardos ,  
 Vende lei toutei per defardos :  
 Ti diren gramaci , adurras lou repau  
 Qu'es un baume ségu per assana lou mau.  
 Aprochô-ti , pax ben aimado ,  
 Siegues l'amo d'estou festin ;  
 Se lei marris t'an desaviado ,  
 Lei bouens faran ta cour lou sero et lou matin.

Que sies huroux , Janus ; qu'as quadruple machoiro ;  
 Quand manges d'un cousta , de l'autre , pouedes boiro ;  
 Qu'as la gorgeo coumo douei graux !  
 Et ta gargamello douei biaux !  
 Ti pouedes ben fassi lei trippos ;  
 Se fumes , fai veni douei pipos !

Que lou Degoust mouere de fam ,  
 Et que l'estrachano Avarici ,  
 Qu'es lou fanguyan de tout vici ,  
 Ague fauto d'un troue de pan.

Saturno que doou Ciel avie repres la rendo ,  
 Alluquavo tout de sa tendo  
 Et lei pichoueis Dieoux escoundus  
 Que mouchavonn soute seis allos ,  
 Eleis que saboun pertout l'us ,  
 Descendien coumo de moueissalos.

Bello Floro , tei dets courous  
 Fagueroun de bouquets à tous ;  
 La frucho fresquo de l'autonno ,  
 Fougnet aducho per Pomouno  
 Din de dalicats banestouns ;  
 Lei lieoureyos et lei festouns  
 Fourmavonn coum'uno courouno

De nerto , de lauzie , cuillis per lou dieou Pan.

Lei Satiros , que soun toutei de maufatan ;  
 Eme d'oorillos d'ai , leis bouteoux d'uno cabro ,  
 Disien , senten l'ayet , amis , la gorgo s'abro ,  
 Durrian n'en bousqua douei cuillie !  
 Faunus , que sies un Jardinie ,  
 Vai de boouvoun faire cenado ,  
 N'aven pas besoun de salado  
 Lou vin allégro lou perie ;

Fai signau à Bachus, ( qu'es lou gardo pechie )  
 Que t'en donne quanquo goulado !

Din lou tems que fasien entr'eleis la chicado ,  
 Vetaqui que pres d'un rounias  
 Apollon , mestre de musiquo ,  
 Estaquet an un pin lou paure Marsias  
 Et l'espillet coum'un marrias  
 Per l'ave defida sur lou ton d'un cantiquo.  
 Es ansin que foudrie puni touei lei maneoux  
 Qu'ei vicis servoun de manteoux.

Herculo pareisset eme sa peou tigrado ,  
 Coum'un cassaire qu'a ben fan ;  
 Jupiter li diguet , ami tenes-vous plan ,  
 Se douna su la limassado  
 N'aven pas per uno beccado ,  
 Fagues pas lou boufin troou grand !

Lou gros bru de la mangearie  
 Que cent fes Eco repetavo ,  
 Faguet blessa din lou quartie  
 Uno lebre que rounpiavo ;  
 Lei passerouns de tout cousta  
 Cantavoun soun sadoul apres ave pita  
 La brigo de pan que toumbavo  
 De la bouquo de Cupidoun ;  
 Lei fourniguos fasien mouloun ;  
 Pichoun bestiari carregeavo.

Vous dirai que leis animaux  
 Coumo Liens , Tigres , Bueous , Chivaux ,  
 Ours , Cameous , Sangliers , Dromaderos ,  
 Mueous , Pouercs , Reynards , Hiennos , Panteros ,  
 Orpheo lei tenguet endormis dins un jas ,  
 Que doou jardin es à cent pas ;  
 Laisseroun libre leis mouninos ,  
 Lei Cans , lei Gats et lei Galinos.  
 L'aiglo de Jupiter , en gardan lei mooutouns  
 Espourissie lei Tardarassos ,  
 Laissavo de repau lei perdrix , lei beccassos ;  
 Leis oousselets jouyoux cantavoun per moulouns ,  
 Lei Dindos fasien lei fatrassos.

Se mi demanda pui , et l'ai ?  
 Lou cargueroun de tout lou fai  
 Doou gros embarras doou meinagi  
 Que fouguet per fa lou mariagi  
 D'uno Nympho , qu'avie contrefa l'amoureuse  
 Per si rabaya lou pitone  
 Que servie din lou Ciel la tauilo doou grand mestre ,  
 Lou meme qu'avie fa veni tant d'escooufestre  
 A la charpinoue de Junoun :  
 Qu'avie d'Hebe pres lou cambroun.  
 Ganimedo ( se va foou dire )  
 N'avie jamai agu per l'Amour qu'un fau rire ;  
 Si cresie troou pouli garçoun :  
 Mai Junoun que voulie lou mettre à la carriero ,

Li tendet aqueou ratiero  
 Per l'adresso d'aqueou mourroun.  
 Lou matrimoni fa jamai tant d'allegresso ,  
 L'unien courounet lou pareou ;  
 Jupiter en s'aprouchan d'eu  
 Li diguet , hurouso jouinesso  
 Ana vous regala , souvenes-vous toujours  
 Que per pusque supli l'Amour  
 Foou lou bouen sen et la richesso.  
 Tantia si fe grand liparie ,  
 Fasien tous d'estoupin à ragi ;  
 Mercuro faguet mai d'un viagi  
 Per countenta la fantasie  
 De madamo Junoun que fasie la sucrado ,  
 De Venus que fasie l'enveado :  
 L'uno demandavo un pageou ,  
 L'autro la quoue d'un severeou ;  
 Tantot li falie de moustardo ,  
 De cachofflos doou premie gricon ;  
 Priapo sumoundet , em'un coou d'huy catieou  
 Lou blanc d'uno fouer bello cardo ,  
 Momus que voou pertout samena soun esprit  
 A Venus levet l'apetit  
 En li disen , eh ben coumaire ,  
 Aqueou plat pourra que vous plaire ?  
 Catacan , Venus d'un tou vieou  
 Diguet , trufaire malicieu ,  
 Apren que toujours la satiro

Tirasso lou mourbin et l'iro ;  
Juri per lou Stix que jamai  
Momus , va ti pardounarai.  
Vulcain estouffet la paraulo  
Coum'un jaloux à l'escoutoun ;  
Mars faguet lou semblan de si leva de taulo ,  
Lou Moument ero lest per fa lou coou de poun.

Vaqui mai que Momus , de pichouno cervelo  
Esclafet à Venus , fes troou la dameiselo ,  
Enembra-vous que lou Souleou  
Per fa mouestro d'un beou pareou  
Lou faguet per Vulcain tapa d'entremaillado ;  
Em'aqueou panouchoun , pondes coula bugado.  
Jupiter qu'avie poou qu'arribesso malus  
Cridet eme furour , « levo linguo Momus »  
A bucoure , meis amis , que cadun din soun amo  
Buge rasado per sa damo.

Junoun , bello Junoun , ti pouerti la santa ,  
Va dieou en tous , qu voou canta ?  
Revien la vido passado ,  
La Mouer poou jamai n'aganta ,  
Respiren que per la gulado !

Veissi , que Momus enca un coou ,  
Coum'un marri sujet que dit tout ce que voou ,  
Cantet la poou demalugado  
D'Europe , quand fouguet raubado.



Ero pui troon tira lou blet ;  
Junoun que patissie de dire sa pensado  
A cousta de Venus , diguet ,  
Jupiter , pren aqueou paquet.

Tau qu'aves vis de repetieros  
Si canta pouillo per carrieros ,  
Ansin lei peouls touei drech , cade divinita  
Aganteroun Momus per lou ben tapouta ;  
Qu prenguet de fieloue , qu de mancho d'escoubo.  
Venus qu'avie leis huys rouge coum'uno loubo  
Li sautet dessu doou verin.

Din lou temp que disien , vea pa coumo lou zoubo.  
Cupidoun su lou naz li fasie de boudin ;  
De coou de cagatroues ne n'en feroun pas fauto  
De pessu de mouer su lei gauto ,  
Lou meteroun à plan coum'un marri gavoue :  
Themis qu'ero temoin d'aquelo manegado  
Yezen qu'avien pas mau escarpegna la fuado ,  
Per fini lou proucez et li coupa la quoue ,

Si metet lei mans sur la fando ,  
Sarret leis huis et prounouncet :  
« Momus , per puni lou caquet  
» De ta linguo troon affilado ,  
» Faudrie que ti fousso coupado :  
» Tan que seras un medisen  
» Ti pouedes espera lou meme tratamen ;  
» En qu la bouco jamai cayo ,

» Poou que si veire senso brayo  
 » Lou rapourtie voou jamai ren. »

Su d'un bel arenas lei Syrenos au ven  
 De Mourrepoun fasien signau d'uno camiso ,  
 Cantavoun per rauba dei passans la valiso ;  
 Per empacha lou bru d'aquelo fanfounie  
 Jupiter li mandet soun alla messagie  
     Per pusque li faire la sencho.  
 Lei drolos qu'avien poou d'eissuga quauqu'empencho,  
     Li crideroun em'un gros bran ,  
 Mercurio , toun poudet eissi , va troou avan ,  
     Mouestro l'ordre doou Dieou deis oundos  
     Avant que de tira de froundos ;  
 De Neptuno soulet counceissen lou decret ,  
 Sujettos de la mar jugan doou flageoulet  
     Tan que voulen su lou ribagi :  
 Se lei Dieoux sount vengus su terro fa gavagi ,  
     Li sount coumo de fourestie ;  
     Que cadun fasse soun mestie ;  
     Ben que fonguen de peyssounieros ,  
 Pichounos n'an apres lou vieoure et lei façouns ;  
 La ren qu'empaume mai que lei bouenei manieras ,  
 Quantei gens si sount près en auzen de cansouns  
 Neptuno qu'entendie que fasien troou lei fieros ,  
     Durben leis huys coumo lei touns ,  
 Em'un bieou li cridet , garda vouestro mouralo ,  
 Quand lei Dieoux an parla , sontas oou found de calo.

Lei plesis van jamai senso quauque malus ,  
 Qu'aurie pousqu pensa qu'Argus ,  
 Si fousse tapa de broussaillo  
 Per espia Jupiter et va dire à Junoun :  
 Mai fouguet dessouta et pres coum'un canaillo ,  
 Din lou tems qu'ero à l'escoutoun.  
 Mercurio l'esquichet lou piez à la muraillo  
 Et Junoun ( que n'avie besoun )  
 Li fet cent huys oou cueou su la quoue d'un paoun.  
 Dei Dieoux , fouu respecta la nicho ,  
 Per un coou d'hui malin douna per Acteoun ,  
 Djano lou changet en bicho.

A la fin doou repas si moustret Esculapo  
 Que pourtavo souto sa capo  
 Uno seringo. d'un bouen pan ;  
 Lei Dieouvetos en s'esfrayan ,  
 Li crideroun vieil bouticari  
 Pudent furet de brut armari ,  
 Que ti mescles de garisoun  
 Eme tei pots plen de pouyoun ,  
 Quantei gens sount ei cements  
 Per ave reçu lei cristeris  
 Qu'ourdounaves senso resoun ?  
 L'a ges d'inguen per la couliquo  
 Pu segur que l'ayet , voou mai que l'emetique ,  
 Croqus maudit qu'as inventa  
 Per lei paurei mesquins qu'as toujours tourmenta

En visto doou gazan que fas din ta boutiquo ;

Lei Dieoux sount ben las deis abus

Que toun ignourenci pratiquo ;

Pusquoun teis autas n'ave plus

Que de poulas à nuzo testo ;

Et qu'un jour , lei mourtaux ti fassoun fouero festo.

Lei Dieoux anfin las de mangea ,

De ben bueoure et de foulegea ,

Roumperoun plat , cieto , gandolo ,

Fagueroun signi au vieil Eolo

De destapa lou trau dei vens

Per pusque parti tous ensens.

Morpheo fasie la carogno ;

Su d'un hyroou couca redoun coum'un grapan

Estoufavo quauque badau ;

Degun n'avie plus ges de troigno ,

Lou picheiret avie gava tout immourtau.

Lei Dieouvos plenos de magayno

S'estiravoun , avien la cayno ,

De veire que foulie mai mounta oou plus-hau.

Lou grand boufet doou Ciel tardavo

Per pusque gounfla lei nieoulas ;

Eolo si troubavo las ,

L'ibrougno Sileno racavo

Su l'estoumac d'Endimioun ,

Quand Diano per soun mignoun

Entre can et loup , su la bruno

( 86 )

Enfustet soun habit de luno ;  
Au bru que fet , lei revillet ,  
Lôu Jour batet leon soun briquet ,  
Lei nicoulas embrassas vengueroun per groupados  
Agouloupa lei Dieoux dintre sei lamsoulado.  
Mors lei immourtaux ( per leis auzi parla )  
Jurèroun que jamai seroun tan regala.

Ansîn finisset la partido  
Ei planos de Sant-Tronc vers Santo-Margarido.

---

## NOU TIÇO SUS DAGEVILLE.

DAGEVILLE (Glaoudou), de Marsillo, architecto et pintre, a escrit quaouqueis peços de pousie prouvençalo per si delassa deis fatiguos de seis aoutreis oocupatiens. Plus mouderne que Gros et Germain, manquo pas d'un certen merite, mai seis expressiens pourrien souvent estre mies choousidos, et seis vers un pouu plus coulans.

L'academio rouyalo d'architteturo de Paris, aquello deis arcados de Roumo, lou museo de Toulouso, si l'eroun assoucia en qualita de membre courrespoundent.

Coumo intro surtout dins nouestre plan de faire counouisse à nouestreis lectours leis obros deis Troubadours qu'an agut la moudestie de leis pas publica eleis-meme, aven degut douna eici touteis leis vers prouvençaux d'aquel ooutour qu'aven pouscut si proucura, puisque leis avie pas fach imprima de soun viven. Aven cresu, per aqui, eleva à sa glori un mounument durable. Ce que a fach de millou es sa traduction paraphrasado doou *miserere*.

~~~~~

EPITRO A MOUSSU FLOURET,  
*AVOUCAT en Parliament, et de diversos  
 Academios, à Toulouso.*

O vous digne et cheri Counfrero,  
 Autant eimable que savent,  
 Boutigo de mai d'un talent,  
 que fes leis vers coumo Voltaire,  
 La proso coumo Massilloun,  
 Ben que fagues ges de sermoun.  
 Que sables vouestro rhetoriquo  
 Coumo la sabie Ciceroun  
 Quand candissie sa republicquo.  
 Lou dret civil, lou dret canoun,  
 Coumo Cujas et Mountvalloun.  
 Qu'en fait de noto et de musiquo  
 Sias un Orphée, un Amphioun.  
 Qu'anân sounto vouestro caloto  
 Aves tant d'esprit, oou besoun,  
 Que de savents touto uno coto.  
 Pregui de bouen coïler lou bouen Diou  
 Que se vous ramentas de you  
 Degues accueillir ma maroto,  
 Vous impatientes pas, li siou;  
 Veissi ma priero et ma noto.

Un mieu ami, grand avoucat,  
 Gavouet pas mens, ero de Digno,  
 D'uno scienco raro insigno,  
 De souu mestie faguet un plat  
 Que per eou aguet suite hurouso.  
 Dedins la villo de Toulouso  
 L'a de lettrus mais majouraux,  
 Que fourmoun uno academio  
 Es aquelo deis *Juechs flouraux*.  
 Fa ben l'hounour de sa patrio;  
 Apres aquelo de Paris  
 Es la plus ancieno de Franço.  
 Aqui l'a pas ges de mitranço,  
 L'a que savents et grands esprits.  
 Es coumpousado de quaranto  
 Tont coumo aquelo de Paris.  
 N'en serias ren? que merevilho!  
 Sias ben d'aquelo de Marsilho.  
 Sant Lazare vo sant Sernin,  
 Es à dire sant Saturnin.  
 Car davant cadun lampi vilho,  
 Et cadun a fach santo fià.  
 Sabes ben qu'aqueleis quaranto,  
 Fooou ben qu'agnoun tant beoou jardin,  
 Qu'houro dounoun uno amarantho,  
 Uno roso, uno flous de lis;  
 Qu'houro plus nistounno flouretto  
 Coumo pan seyo, vieouletto,



Vo ben un brou de jooussemin!  
 Quauqueis fes uno ginouffado  
 Mais toujours d'argent, vo d'or fin.  
 Lou tout; seloun la mourraillado  
 Qu'aura fach un paure mesquin,  
 En frances, en grec, en latin.  
 Soudignois fet dounc un ooubragi  
 Dount lou sujet, ero lou tems ;  
 Tant beou que sus seis coucurrents.  
 Li fet ooutenir, lou suffragi  
 D'aqueleis quaranto savants:  
 Ero uno odo, mai que rounflavo.  
 Lou brave avoucat que m'amavo  
 A pas manquou gagna lou pres,  
 Que prend la plumo tout expres,  
 Per mi faire part de sa glori,  
 Et m'instruire de sa vittori.  
 Et bouto sa lettro ou courrier  
 Per que foussi lou beou premier  
 A legi souu odo charmanto.  
 Qu'avie rampourta l'amarantho.  
 Que joyo per you countinent  
 Quand receberi un tau present!

Eici dounc digne et cher Counfrero,  
 Ounte aboutisse ma priero;  
 Es qu'eme la memo bounta  
 Qu'aguet per you l'ami de Digno

Degnes troubar ma plumo digno  
 De si prendre la liberta  
 De vous faire aujourd'hui l'ouumagi  
 D'un ben paure et mesquin ooubragi  
 Que vouestro amitié recebra.  
 La memo odo, qu'ai revira  
 Doou françes, en nouestre lengagi.  
 Quu soou se vous agradara?  
 Ma supliquo es pas terminado,  
 Car ai encaro l'ambitien  
 Qu'aquelo odo sie presentado  
 Oou museo languodoncien;  
 Ai l'hounour de n'estre, en partagi,  
 De mais ve n'ai l'oubligatien.  
 Sabi ben qu'un tant feble ooubragi  
 Sera jamais qu'insuffisent,  
 Per remplir dignament l'ouumagi  
 Que deoou moun ben mince talent  
 Oou toulousen Areoupagi;  
 Mais ce que mi rende countent,  
 Es qu'ignori pas qu'un present  
 Tiro souvent mais d'avantagi  
 De la man que n'en fa l'ouumagi,  
 Que de l'autro man dounte vent.  
 Cresces qu'es tout? nouvello envegeo  
 Dires qu'ambitien mi manageo,  
 Et que deveni fatigant,  
 Mais l'appetit vent en mangeant.

Aquelo illustro academio,  
 Aqueleis lettrus majouraux,  
 Dignes supounts deis Juechs flouraux,  
 Pegouns et jugis d'ouo genio,  
 Que segur fougneroun countens  
 D'aquelo odo, que dins soun tems,  
 Soun jugeament que cadun vanto  
 Troubet digno de l'amarantho.  
 Countentarien moun ambitien  
 Se n'en troubavoun la versien  
 Digno de servir d'envelopo,  
 De surtout, vo de redinguoto,  
 A l'oubragi qu'a merita  
 D'estre per elleis courouna.  
 Per you que plesir et que glori  
 Se vesieou meis febles escrits,  
 A vouestro priero, accueillis  
 Dins aqueou temple de memori!  
 Tant gros gau n'en ressentirieou,  
 Qu'à coup segur n'en virerieou.

S'es tems de finir moun ramagi,  
 Lou tems que deou faire ravagi  
 Sur tout ce qu'es esta crea,  
 Sur moun couer jamais ren pourra.  
 A vouestreis talents rendre ooumagi,  
 Vous aime toujours à la ragi,  
 Toujours moun grand plesir sera.

Per you que chagrin que dooumagi,  
 Et segur vai pas merita,  
 S'envers you de vouestre cousta  
 Tenias pas lou meme lengagi.

---

## LOU TEMS,

*TRADUCTIEN prouvençalo d'uno Odo, facho  
 per Moussu Corriol, Avoucat à Digno,  
 en Prouvenço, courounado en 1744 à l'Aca-  
 demio deis Juechs Flouraux de Toulouso.*

Existar es perir, es mourir que dè vieoure;  
 L'a pertout que neant, que mouert, vo que mourent.  
 Tout passo, et tau qu'un lamp difficile à descrieoure  
 L'univers tout entier enreguo lou tourrent.  
 Lou tems meme, lou tems, passara coumo sablo.  
 Eh! qu'es toun sort, ta curso, encar la plus durable,  
 Rapide destructour de l'ourgueil redouta?  
 Un instant escapat deis houros eternallos,  
 Enqu leis vents prestount de velos  
 Per reintrar dins l'eternita.

---

L'a doune per you qu'un pouint d'aqueou court  
intervallo,

Li fieli de mouments cent et cent fes plus courts.

Cadun de meis instants cavo l'urno fatalo

Ounte deoou prendre fin la tramo de meis jours.

Lou destin lou plus beoou deis mourtellos carrieros

N'es qu'un enchainement de cent fins journalieros

Empeguat à l'hourroure d'uno radiero fin.

L'on viou en perissent, per degres l'on succoumbo,

Et l'on arribo sur la toumbo

Senso preveire soun destin.

Irrevocables jours, passa que l'on regretto,

Jours que foou espera, incerten avenir,

Noun ouffres per tout ben à moun amo inquieto

Qu'un espoir impuissant, qu'un triste souvenir.

Lou present n'es qu'uno oundo et troumpuso et  
rapido.

Bessai, hélas, lou flot troon couchous que mi guido,

En brisant soun escumo enfanto moun trepas.

L'instant present soulet es lou tems ounte vivi,

Et aqueou tems lou sacrifi

À l'instant ounte existi pas.

L'etro per un chevu suspendu sur l'abymo ,  
Risque de li reintrar oou moument que n'en vent.  
Lou jour que l'a fach naisse immollo la victimo ;  
Un souffle de sa vido es lou feble garant.  
Et leis fouelos Amours , l'Esperanço hebetado ,  
De plesirs , de proujets, oocupount ta pensado ,  
Eternisount l'errour toujours proumpto à s'ououffrir ?  
Lou reveilh t'apprendra , segur troou tard , pecaire !  
    Qu'ouou mounde noun sies vengut faire ,  
    Que naisse , badar et mourir.

---

Sur un comun theatre ; en capricis celebre ,  
Tant couchous que l'uyan passo lou counquerant ,  
Lou trioumphe fini , vent lou counvoi funebre ;  
Quanteis lausiers passis , lou heros expirant !  
Arbitre deis revers dount la terro s'estouno ,  
A soun gra lou tems douno et levo la courouno ,  
Sa man presto et repren la marquou au pantalon.  
Et pourta sur un ceoucle incounstant et moubile ,  
    Vengeo l'antar et lou pupile  
    En deshabillant lou fripoun.

---

Titre , faste , grandours , eme eou tout dispareisse ,  
La vanita n'a pas lou dret d'eternisar.

A peno eis vus publics fa l'idolo pareisse ,  
Que lou marteoon fatau toumbo et ven l'escrasar.

Salmouneo augeo-ti s'emparar doou tounerro ,  
Li peto dins la man , et lou reduits en terro.

Vent toujours uno nuech , apres lou plus beou jour ,  
Perisses cedro altier , moueres feouve mesquino.

Lou meme vent qu'un aubre esquino ,  
Coupo lou fruit , sequo la flour.

---

Ambitious neant , ourguilhouso pououssiero ,  
Presso-ti d'animar et lou maubre et l'aran ,  
Au dela doou trepas durbe uno outro carriero ,  
Renaissse autre phenix soute uno habilo man.

Lou succes a troumpa lei foulie que t'inspirount ,  
Maugra tei souins, l'aran, lou maubre que respirount ,  
Sount lei triste cypre que marquount toun cercueilh;

Et deja mutilas , en affrontant l'ouragi ,  
Noun m'ouffrount plus dins toun eimagi ,  
Que leis briguos de toun ourgueilh.

---

Antiquos mounnemens , proudigious ooubragis ,  
 Dount leis restos mourents pareissount s'exaltar ,  
 Cercas de nous fourçar à d'eternels ooumagis ,  
 Leis ousmbros de la nuech van vous cabucelar.  
 Moures garents troumpurs d'uno immourtello glori.  
 Temples que l'homme en van elevo à sa memori ,  
 Perissable travailhs d'un mourtel artisan.  
 Lou bras que senso esgard tabaso l'effigio ,  
     Que l'Amour-propre deïfio ,  
     Sur l'autar n'a-t-il pas la man ?

---

Fiero Egypto , ounte sount teïs merveilhos divinos ?  
 Que mouerts esparpilhas , que toumbos , que deserts ?  
 L'ourgueilh camino plus qu'en turtant seis ruinos.  
 La terro quade jour oouffiro un autre univers.  
 Destructours , dount lou tems a destruit finqu'au  
     cendre ,  
 Lou fruit que tant d'exploits au mounde an pouscu  
     rendre ,  
 Es un sceptro embriguat toumban de vouestrei mans.  
 L'impetuons tourrent si debordo et s'agouto ,  
     Tallo l'on a vis la derouto  
     Deïs Roumeins , deïs Grecs , deïs Persans.

---



Vastes fuechs dount lou Ciel illumino seis voutes ,  
 D'aqueou tems que reglas ressentires lou pes.  
 Un jour trecouleres devias dins vouestreis rountos ,  
 Racan l'hourrou, la mouert et la flamo à la fes.  
 Vouestreis rayouns changeas en uno flamo ouscuro ,  
 Faràn plus lume adoune au doou de la naturo ,  
 Que deis lamps souloumbrous d'afrons uyaux divers ;  
 Anfin passant per hueilh dins la nuech eternello ,  
     Vouestre radier coup de parpelle  
     Veira la fin de l'univers.

---

Bassuro-ti mourtel, enigmo que m'atterro,  
 Et de terro et d'esprit assourtiment divin,  
 Lou ferri devourant a beou piquar la terro,  
 L'esprit bravo seis coups quand la terro prend fin.  
 Ideo, expressien de la resouu sublimo ,  
 Fuech moutour, etro actif qu'un Dion puissant animo,  
 Sa beouta l'es cautien de l'immourtalita.  
 Et doou radier instant la-furour murtriero  
     Noun fa qu'escourchir la carreiro  
     Que lou rende à l'Eternita.

---

# TRADUCTION DOU MISERERE.

O Dieou , souverain creatour ,  
 Accueillo moun humblo priero ;  
 Pren pieta de toun servitour ,  
 Seloun la clemenço d'un pero ;  
 Et seloun touto ta bounta ,  
 De touto moun iniquita  
 Denembrant la fatalo histori ,  
 De meis fantos , de meis peccats ,  
 Per meis lagremos escarfats  
 Êscarfo sinquo la memori.

Netegeo-mi de may en may ,  
 Lavo-mi , Dieou , per excellenço ;  
 De touteis leis taquos qu'auray ,  
 Et purgeo-mi de touto oouffenço.  
 Car senti moun iniquita ,  
 Et davan you toujours sera.  
 As vis moun crime et meis feblesso ,  
 N'es que contro tu qu'ay pecca ,  
 Mai seras ben justiffica  
 Dins ta ley santo et teis proumessos.

Entanterien , n'ignores pas  
 Que doou vici siou na , pecaire ;  
 Es dins l'abyme deis peccats  
 Que m'anet engendra ma maire !

May perce qu'as toujours aimé  
 La bello et santo Verita ,  
 As toujours fa lume à moun creire ,  
 Et m'as toujours manifesta  
 Leis grands secrets que la clarta  
 De ta Sagesso t'a fa veire.

De l'hysopo ti serviras  
 Per versar sur you l'aiguo santo.  
 Moun amo puriffiquaras ,  
 Et may que neou devendra blanquo.  
 Ta santo bouco durbiras ,  
 Dieou juste , tu mi parlaras  
 Dins la joyo de ta Sagesso ,  
 Et moun amo en afflictien  
 Recebent counsoulalien ,  
 N'en tressaillira d'allegresso.

N'aluques pas , Dieou tout puissant ,  
 May degno escarfar moun oouffenso.  
 Creo dins you un couer pur , sant ,  
 Et renouvello moun essenso ,  
 Per aquel esprit d'equita  
 Que m'avies uno fes douna  
 Et que m'a fa perdre lou vici.  
 Dieou bouen , ten-mi toujours d'amen ,  
 Que toun esprit sant , toun halen ,  
 Aluenchoun de you la malici.

Que dins ma desoulatien ,  
 Toun amour et toun assistanço ,  
 Siegoun m'a counsoulatien ,  
 Moun bouenbur , et moun esperanço.  
 Ransouerço-mi , Dieou tout puissant,  
 Per la vertu de l'Esprit-sant ,  
 Que per tu ma se si ralume.  
 Ti-farai counouisse au michan ,  
 Et leis impios si rendran  
 A la clarta de toun beou lume.

Delivro-mi , Dieou benfasent ,  
 Deis actiens doou sang et doou vici ,  
 Et ma lenguo eternellement  
 Predicara sur ta justici.  
 Signour , ma bouco durbiras ,  
 Et tout countinent m'auviras  
 Cantar teis grandours admirablos ;  
 Car se n'aguesses ben vougu  
 Sacrificis auries agu ,  
 May ti seran pas agreablos.

Aqueou que ti deven ouffrir ,  
 Es un couer brula de ta flamo ,  
 Soumes , tout plen de repentir.  
 Noun rejitteras pas uno amo ,  
 Pourvu qu'emp countritien ,  
 Douleur , humiliatien ,

( 102 )

Davant tu gemisse , s'abaisse.  
Trato Sion eme bounta ,  
Afin que ta santo cita ,  
Jerusalem , retourne naisse.

Dins toun san temple releva ,  
Deis extremitas de la terro ,  
Adounc , quade pople vendra  
Adourar lou Dieou doou tounerro.  
Per teis enfants santificas ,  
Sur teis autars seran pourtas  
Aublaiens et sacrificis ,  
Et tu noun rejitteras pas ,  
Dieou san , tout rempli de bountas ,  
Seis douns dignes de teis justicis.

---

## TRADUCTION

DOOU PSEAUME : *Beatus vir qui non abiit.*

BENHUREUX qun n'a pa esconta  
Leis counseous de l'impieta ;  
Qn'a fugi lou camin doou vici ,  
Et que s'es jamai asseta  
Sur lou seti de la malici  
Per li prechar l'iniquita.

May de quu toujours la pensado  
Suive la ley per Diou dictado;  
Et que brulo doou sant amour  
De la meditar nuech et jour.

Es coumo l'aubre que verdegeo ,  
Bagnat d'uno aiguo que trournegeo  
Prochi soun ped : et qu'en creissent  
Abrasquo de fruits din soun tems.

Eis branquos toujours estacado,  
Sa fuilbo n'es jamais secado :  
De meme ce qu'entreprendra  
De succes sera courouna.

Mai n'es pas de tallo maniero  
Per leis impios ; s'en foon ben !  
Elleis sount coumo la pooussiero  
Remoulinado au gra doou vent.

Encadenats sonto lou vici ,  
Leis atheos , leis maufatans ,  
Davant lou Diou de la justici  
Au darnier jour pareissiran ;  
Per recoumençar soun suplici  
Que durara d'ans et mai d'ans.

---

## E P I T R O

*A uno Damo qu'ero anado à la bastido senso  
dire adiou en degun, la veillo d'uno pluegeo  
que duret plusiers jours.*

DESPUIS que vous sias enanado  
Et que n'avez abandonnats  
Touis leis plesirs an desertats  
De nouestro gaillardo assemblado :  
Eh puis ! que nous avez laissa ?  
Uno assoumanto et tristo pluegeo  
Que despuis tres jours nous ennuegeo  
Coumo caro de trepassà.  
Mai que vous a pres, bello damo ,  
De raular l'adieu en partent  
Enca se vous manquavo ren !  
N'avez bessai ni fuech ni flamo ?  
Se pouñdian leou veire la fin  
D'aqueleis tant sotos groupados ,  
Dins tres-sauts, cinq pas, doues gambados,  
De Sant-Loup prendrian lou camin ;  
Couriririan à vouestro bastido  
Per veire coumo vous pourtas ,  
Saupre se la rajo laudido

Deis loups , deis reinards , deis rabas ,  
 V'anrie ges pesqua de galino ;  
 Ajudarian Mauchuan Saquet  
 A faire juga lou tranchet ,  
 Coupar de rins , emplir la tino.  
 Entanterim , s'entrevarian  
 S'un pau apres que lou tonnerro  
 Aguet fach tremoular la terro ,  
 Leis pichouns lecs en passegeant  
 Aurien pensa d'emplir seis biassos  
 De caragoou vo de limassos ;  
 Et leou-leou leis cousinarian  
 Per leis mangear à l'arlatenquo ,  
 En fricassados de poulet ,  
 Vo coumo en carriero baussenquo  
 Soulidament eme un aïlhet.  
 Aurias bessai la coumplesenço ,  
 Se ven pregavian pouliment ,  
 De nous regalar bauenament ,  
 D'un pau de burri de Prouvenço.  
 Burri ben plus delicious ,  
 Parce que jamay ren li manquo  
 Qu'houro es fach per vouestro man blanquo ,  
 Qu'aquelo Bourrido deis Dieous  
 Din nouestre tarraire douñado ,  
 Et qu'un poueto prouvençau  
 De Gros successour et rivau ,  
 Germain enfin , nous a pintado.



Serie pas per nautreis tant man  
 Qu'atroulessian au remilhagi  
 Un bouen techou de bacaïlhan ;  
 Restarion pas coumo uno eimagi.  
 Eme pebre , holi , anchoyo , ailhets ;  
 Va vous dieou senso gascounado ,  
 Vous faricou leon uno brandado  
 Que ve n'en liquarias leis dets.  
 May aro , la pluegeo coustanto  
 Pareisse pas vouilhe cessar ,  
 Et veiren leis angis , pissar  
 Jusqu'en millo sept cent nonanto.  
 Cependant pusquen pas l'anar  
 Vous foou donner signe de vido ;  
 Et ma mouilhe , de la partido ,  
 Mi carkan de vous saluda ,  
 Mi recoumando de vous dire  
 Qu'anara diminche que ven ,  
 Vingt de settembre que courren ,  
 Vous ben embrassar , et puis rire.  
 Per you compti rire tamben :  
 Uno embrassado vous alarmo ,  
 Sens'aquo m'eu , bastarie l'armo ;  
 Dieou sie benezit finqu'amen.

---

---

POUESIE ANCIENNES

SENSE NOUS D'OUTOURS.

---

LA PHILOUSOPHIE DE GREGORI,

S O U N E T.

Sont lou ciel bluret, tant que duro la vido,  
L'home per un plaisir rescoutro tant de maux,  
Que s'anjavo, souvent; per quittar la partido,  
Vouf ranquirie lou Styx eme doues subre-sauts.

Mai la sageo Resoun que nous ten pèr la brido;  
Vou de nouestre destin, qu'aissuguen leis assauts  
Et que luench d'affrontar la segairis passido,  
Em'estudi fugen seis cops de daï mourtaux.

Deven soulet boutar entre leis philosophos,  
Aqueou que coumbatten contro leis catastrophos,  
Trobo d'autre mitan que de courre à la mouërt.

Gregori, quand veguet sa mouilhe treoulado ?  
( Per negar sonn chagrin et restar lou pu fouert ),  
Sautet sus sa bouteyo et fonguet escoulado !

---

CANSOUN AMOUROUSO.

LOU beou Tircis si proumenavo  
Soulet un jour;  
Countavo eis boues ce qu'enduravo  
Doou maou d'amour.  
Soun chant disie : gento bargiero  
Qu'adori tant ,  
Que t'ai fach per m'estre tant fiero ,  
Depuis un an ?

En que t'ai-ti pouscu desplaire  
Per mi quitta ?  
S'es per ti trooup aima , pecaire !  
V'ai merita ;  
Car cresi pas que ren oou mounde  
N'ague jamai  
Un couar qu'en tendressou segounde  
Aqueou que n'ai.

Tu ti fas uno faousso glory  
De mi fugi ,  
Voues pas mettre dins ta memory  
Ce que t'ai di :  
Que leis flous leis mies espandidos  
Doou gai printems ,  
Quand dins soun tems sount pas cuillidos ,  
L'hiver puis ven.

( 109 )

Tout deven triste dins la vido

Quan n'aiman ren ;

La campagno la mies flourido ,

Lou plus beou tem ,

La danso oou son de la musetto

Et doou tambour ;

Ren noun fach gaon à la fillette

Qu'es senso amour.

Toun tein es plus uni que glaço ,

Plus blan que lis ;

Et ta bouquetto rougeo esfaço

Tout ce qu'ai vis ;

Gis de jayet es coumparable

A teis beous peons ;

Teis hueils que n'an gis de semblable

Sount dous souleous.

Passes en beonta teis coumpagno ,

De la façon

Que leis haou sapin deis mountagne

Sount eis bouissoun ;

Mai per ce qu'es de ta rudesso ,

N'ai ren trouva

Que la grandour de ma tendresso

Per l'esgala.

Moun chin et meis ave patissoun  
Per teis rigour.  
Helas ! leis paoure s'emmaigrissoun  
De jour en jour.  
Jugeo d'aquit deis maou doou mestre  
Creboun lou couar;  
Car es fidelle et va voou estre  
Jusqu'à la mouar.

Roussignoon que cantes sans-cesso,  
Dins moun jardin,  
Vai veire ma bello mestresso  
De bouen matin;  
Vai, digo-li, dins toun lengagi  
Tant amoureux,  
Que siou un bargie doou villagi  
Ben malburous.

Digo-li que toujours souspiri;  
Mai se voou ben,  
Mopugras qu'à touto houro n'en plouri  
Seraï counten.  
Mespresi tout: bouenhur, richesso,  
Scienco, favour;  
Moun soulet ben es la tendresse  
De seïs amour.

( III )

Eme ta vouas tendro et poulido

Et toun dous chant,

Se ma mestresso es endourmido

Canto li plan;

D'un ton que la tendresso esvillo

Senso estre fouar,

Noun toques gaire soun oourillo

Mai ben soun couar.

## NOUÏÇO SUS L'ABBE N. VIGNO.

N. VIGNO, capelan, ero religious de San François de Paoulo, na à-s-Aix, demouret long-tem à Roumo, ounte soun esprit et seis vertus, ooutan que seis talens et seis cou-nouissenços, li gagneroun l'amitie d'un gran persounagi, lou cardinaou Braschi, que prenguet lou noum de Pie VI en devenen Papo. Tout lou tem que restet. à Roumo demouravo oou couven frances deis Minime *Della SS. Trinità* sus lou mount *Pincius*, p̄rochi de la villo *Medici*.

Quan fouguet retornat à-s-Aix, sa patrio, per si delassa de seis seriousos oocupatiens, faguet de vers prouvençaous qu'avien ges d'aoutreis buts que de faire rire. N'en a leissat un bouen mouloun. Darnieramen se n'es imprima à-s-Aix un pichoun recueil aco doou librari Pountier. Finiren pas aquesto premiero partido senso douna oou public quaouqueis unos de seis peços que soun p'ancaro ista imprimados.

Fouguet victimo de la revoulutien, per s'estre

refusat de presta lou sermen counstitutionnel, de  
brigans pagats per maou faire, l'assassinèroun  
dins Aix, lou 27 d'ou mes d'aoust 1792. Tallo  
fouguet la fin tragiquo d'aquel abbe que meritavo  
un millou sort.

---



# CONTE CHOOUSIS

DE L'ABBE N. VIGNO.

MOUSSU GRANDIN.

CONTE I.

Lou celebre moussu Grandin ,  
 Pronfessour en philosophio ,  
 Un jour, cresi de San-Quentin ,  
 Se distinguet dins uno ourgio.  
 Lou souar , sonar tard se retiret  
 Appuya su soun bastounet.  
 Quan fouguet prochi la chambretto ,  
 Patoou , fet la tambourelleto ,  
 Voulie mesura l'escalie.

Janetoun sautet leou doon lie :

« Ah ! bouen Moussu... vous sias roumpu la testo ! »

« Digas-me un pau , vous serias-ti blessa ? »

L'autre de sei liçouns rempli , mangra la festo ,  
 Respouende , en regoulan : *videbitur infrà*.

## LA LIÇOUN DE LA TANTO.

CONTE II.

AUSES la liçoun que fasie  
 Certeno tanto à la siou neço ;

Quoique n'offre que cagarie  
Buleou que goustares la peço.

« Esconto-me , ma neço Janetoun ,

Proufite ben de ma liçoun :

Si tu sies sagi eh ben ! queque qu'ague toun paire ,  
Queque qu'ague ta souar' , queque qu'ague ta maire ,  
Escouto ben ce que te diou :  
Queque qu'agui , tout sera tiou. »

## LOU THURIBULUM.

### CONTE III.

UN gros abbe... deviou dire bestiasso ,

Plus propre per pourta la biasso

Que per estudia lou latin ,

Se presentet , coumo un mesquin ,

Davan un evesque de Franço

Qu'ourdounayo emc fouesso aisanço.

L'examen donnc n'ero pas rigoureux ;

Mai l'abbe n'ero souar pouroux.

Coumo farai , diguet à l'ecclésiastiquo

Que pareissie lou douctour de la cliquo ;

— Quan t'interrongearan , gieto leis hueils sus iou ,

Emc un signe que ti fariou

Coumprendries ce que deouries dire ;

Bouto va disi pas per rire.

L'evesque donnc li dis : *Quid est thuribulum ?*

Lou darnagas se grato lou mentoun

Et regardo soun camarado

Que de sa man n'en fasie la brandado ,

Per designa , talamen , qualamen ,

De l'encensoir lou mouvamen.

Lou touordre cres qu'es aquit soun affaire ,

Laissan pa pourtan de mau traire ,

Respoundet , n'en sachen pas mai :

Mounsignour , es la coue de l'ai.



# MESTE ANTONI LOU MANECHAU.

CONTE IV , SUIVO DOOU PRECEDENT.

UN autre ou ben lou meime , acoto fa pa ren

Pourvu que va raconté ben ;

Quoique fouguesso home d'egliso

Fet lei provos de sa bestiso.

Un evesque l'interrouget ,

Et d'aquesto facon sa demando fourmet :

« Des enfans de Noë dites quel est le père ? »

Lou matou restet court ; lou prelat , en coulero ,

Lou remandet à l'autro ourdination.

Aquest , couvert de counfusien ,

Fouguet counsulta soun ouracle.

Aurie fougu faire un miracle

Per faire intra , din soun entendamen ,

Un tan difficile argumen.

Din soun esprit per pourta la lumiero ,

Lou douctour se servet d'uno coumparesoun ;

A pau pres d'aquesto façoun

Li develoupet la matiero :

« Qn'es que t'a farra toun chivau ?

» Meste Antoni lou manechau.

» A ben d'enfan , quu n'es lou pero ?

» Faries fouesso tort à la mere.

» S'hesitaves sus la questien.

» Vait-en , me fas compassien.

Arribo lou mes de decembre ,

Car alors erian en septembre.

Nouestre home coumo un magistrat ,

Se presentet à souu prelat.

Et de meme façoun ; meme questien fermado ,

« Des enfans de Noë... » Responense doou badan ,

Et pendon tres mes ruminado :

« Meste Antoni lou manechau. »

## LA CALIGNEIRIS.

### CONTE V.

CATHARINO se counfessavo ,

Souu counfessour l'interrougeavo ,

S'aviset de li demanda :

— Sias-ti fremo ? — Nauny. — Sias fillo ? — Ah pesquipa.

— Sias veouso ? — Nonn. — L'autre perdet patienço ,

Fissoto passavo sa sienço.

Li parlo brusquamen : — Et que diable sias-ti ?

— Caligneiris à vous servi.

LOU PASTRE ET LOU COUNFESSOUR.

CONTE VI.

AU tem passa din la counfesso

Si dounavo retributien ;

Et ben souven en quauquo pesso

Aquoto dounavo ooucasien.

Auses aquesto es pa marrido :

Un paisan que s'es counfessa

D'un mouine fouar interessa.

La counfessien esten finido ,

L'absolutien reço do , aquest ero counten.

— Pero , vous fouu-ti quauquaren ?

— Ben entendu , quinto demandò !

Et per quinto resoun lou superiou me mando

Eissito per ti counfessa ?

Fouu que nourisse uno comunauta.

— Eh ben , prendrias-ti pa voulientie uno lebre ?

— Adus , ami , surtout l'entour doou bas vertebre.

— Et ben farias mai que moun chin ;

Vous proutesti qu'aquest matin

S'es marfoundu courren sus uno ,

Aurie puleou mourdu la luno

Que de pousque li cala un coou de den ,

V'auses , boun souar , pourta vous ben.

SUS LOU MEME SUJET.

CONTE VII.

UU autre païsan , accusan soun pecca ,  
Vouliou rauba , disie , mai v'augeri pa faire.

— Acoto fa ren à l'affaire ,  
Es tout coumo se v'avias fa ,

Diguet lou counfessour. — Mai pourtan m'en ten-  
gueri ,

Et meme grand remord n'augeri.

— Iou vous disi toujours et vous dirai cent fes ,  
Es tout coumo se v'avias pres.

— Va cresi moun reveran pero ,  
Mai vous mettes pas en coulero ,  
Aqui fini la counfessien.

Lou counfessour larguet la santo absolutien.

— M'aves tira de la cadeno ,

Vous foou-ti quauquaren aro per vouestro peno ?

— Un home coumo tu

Deou mouise lon pichot escu.

Lou souarte douçamen , et puis li lou fet veire ,

Si lou tenie poudes va creire.

— Lou voules-ti ? — segur. — Va disi qu'uno fes ,  
Es tout coumo si l'avias pres.

L'AIGO BENITO.

CONTE VIII.

Din la capelo ounte ero priou ,  
Un capelan creset de faire de soum mion ,  
Si li fasie d'aigo benito.  
« Vouesto capelo es interdito ,  
Li dignet un theologien ,  
Et vous , excommunication  
N'en aves encouru..... vaqui vouestre partagei ;  
A l'avenir fougues plus sagi !... »  
Lou capelan tout estouna :  
— Coumo moussu seriou danna ,  
Si mouriou din l'instant ? cresi que voules rire ?  
Ma listo aquo se poou pa dire !...  
— Ensin va disoun leis autours ,  
Danna serias et per toujours .  
— Contra : l'argumen es valable  
Car que me dirie lou gros diable :  
« Et per quinto resoua ta t'atrobet eici ? »  
— Per ave fa d'aigo benito !  
« Doou pet au cuou souarte me de moum gito ;  
Es justamen ce que me fa fugi .

# LOU BOUQUET

PROUVENÇAOU

VO LEIS TROUBADOURS REVIoudas.

Segoundo Partido.

EPITRO

*A M. RAYNOUARD, Secretari de countuni  
de l'Academio franceso.*

AU noum deis Prouvençaux, amis deis Troubadours,  
Nouestreis premiers mignots deis Musos, deis  
Amours,

Hui m'arrisqui, Raynouard, d'ouffrir un feble  
oumagi,

De pouerge un gran d'encens à l'immouïtel  
oubragi (1)

Qu'as fach per enaussar la glori doon païs

Qu'as long-tems habita, que dins lou bres t'a vis.

Voueli m'en aquittar en lenguo de troubaire,  
En prouvençau, qu'a tort nous an boutta de caire;

(1) Aquei ouvragi a per titre: *Choix des poésies des  
Troubadours.*



Mais n'es pas tout perdu, ta plume l'a destriat  
 Dins de moulouns de mots; elle l'a espiounat,  
 Per prouvar eis savents soun réndum et sa glori,  
 Et qu'es lou capoulier au temple de memori.

Se poudiou destousscar au men dins aqest jour,  
 Leu poulit flageolet de quauque troubadour,  
 Qu'a sachut encantar nouestro bello countrado,  
 Ceumo te toucarieu uno poulido aubado ?....  
 Vantariou toun esprit, toun gaubi, teis talens,  
 Et touteis teis escrits que fan badar leis gens.

Ah ! ma Muso, Raynouard, segur sarie pas goyo,  
 Eis Musos de Paris disputarie la joyo,  
 S'anarie mai quillar au caire d'Apoulloun;  
 Leis hauturonsos, d'ello apprendrien la liçon :  
 Li dirie qu'autreifes seis souâres de Prouvenço  
 Que travayoun leis bords de *Carami* (1) et *Durenço*.  
 Caspitelo ! au sachut puleou l'us d'Helicoun,  
 Et touteis leis drayoos d'aqueou sacrat valloun,  
 Ben avant, ben avant que foussoun espelidos.  
 Et sus lou grand Coulet (2) foussoun estado ausidos.

Qui, la bello premiero au brave chevalier,  
 Nouestro Muso a pourgent lou nerto et lou laurier;  
 A canta dignament l'hounour et lou couragi,  
 En mesuro, en cadanco, et trouba lou ramagi.

(1) *Carami* es uno riviero que passo à Brignolo, patrio de M. Raynouard.

(2) Lou mount Parnasso.

Que dempui a vougut s'en servir Apoulloun,  
 Leis Grâcis, et Venus, et soun non Cupidouin;  
 Es ello qu'ensignet à l'illustro Italo,  
 A l'Espagno pereou, leis vers et l'harmounio;  
 Petrarquo a proufita surtout de seis liçouns,  
 A nouestreis Troubadours rauba proun ratailhouns,  
 Et n'es pas lou soulet; fouesso an segui sa pisto,  
 Dins nouestreis devanciers, soun venguts faire quisto.  
 Finquo lou françiot fouguet pas dalicat,  
 Dins nouestreis gai saber a tamben proun pescat.  
 Ah! nouestro lenguo adounc dedins chascuo canu-  
 tradò;  
 Au fin found de l'Europe ero tant renoumado,  
 Que cadun apprenie nouestre *prouvençales*,  
 Per legir et cantar seis gais madrigalets;  
 Leis reis, leis emperours, l'apprenien à l'escolo,  
 Parlavoun prouvençan bessai mies qu'à Brignolo.  
 Et dins aqueou jargoun qu'ero adounc tout à flots,  
 Frederic l'y cantet tant ben que moussu Gros;  
 Et plet-à-Dieu, qu'enca nouestro Muso, grand' maire,  
 Pourtesso lou rampau que li an rauba, pecaire!....  
 Ben mies que lou Frances saubrie se faire ausir,  
 Petrarquo la noumet la lenguo doou plesir. (1)  
 Et dins seis pichots mots, n'es-ti pas poulditeto?  
 Ello a seis agnelouns et sa pastourelletto,  
 Lou capelet flouccat d'hieli ou de roumaniou,

(1) *La lingua del piacere.*

Et de faligouletto ou de glaujoou d'abrion ;  
 Puis de galapachoun parei lou calegnair ,  
 L'espinocho , tourdourege et s'affiato à soun caire .  
 Coumenço à li charrar d'escabouet , d'agnela.....  
 Puis vague leis poutouns ; leon li conto flouretto....  
 Mais , leissen leis tous dous aqui soute l'oumbretto .  
 Quand piey voun , cadenoun , bramar , sé querelar ,  
 Nouestro lenguo es pas bretto , et vous fa tremoular .  
 Ello aganto , derrabo et boutto en millo peço ,  
 Boutta..... Soou pas cantar ren que sus la memo esso ;  
 Autant soou flategear , s'aqueto es de besoun ,  
 Autant puis quand lou foou s'anisso , es un demoun ;  
 De viagi , conmo dien , bramo coumo uno esglari ,  
 Chiquo et debuilho ben s'aco li es necessari ;  
 A de mots , d'expressiens , que lou frances n'a pas ,  
 Lou grec et lou latin li an legua seis appas .  
 Venés sus nouestro plaço ansir leis repetieros ,  
 Escoutas lou sagan de nouestreis peissounieros ,  
 Ve , dins seis bargearies , bessai que Ciceroun  
 Ou lou grand Demousthenos aurién pres la liçoun .  
 Et qu'es lou franciot , vo , veguen à soun caire ?  
 Un galant espautit , un fifi , qu'un charaire ;  
 Et ren qu'un soulet mot de nouestre prouvençau  
 Li n'en fa susar des per dire soun egau :  
 Es uno lenguo guso et fa sa pinparado ,  
 Vous fa cent virovoous per dire uno pensado ,  
 Lou foou escrioure ansin , lou prounounçar en sici ;  
 Mudo souvent d'habit , de jouine devient vici ;

Es mise *Pesquipas* , tremouelo de mau dire ,  
 Fa que tastounegear , cregne de faire rire ;  
 Bretounegeo , poou pas esplikar ce que voou ,  
 Ou bèn se v'espelis es pas coumo lou foou.

Jamai lou prouvençau es dins aquelo peno ,  
 D'un fourniguie de mots vous a la gorgeo pleno ,  
 Soun parouli se touesse , à tout poou se prestar ;  
 Vous escupe leis mots senso tant s'escurar ;  
 Se de mots pau courous quauquo fes escoubillo ,  
 L'oubrier n'en a pas poou de ges d'academio.

Mais , m'estegni per ren , es Paris que fa brut ,  
 Lou paure prouvençau foou que se crome un chut.  
 Per ma listo ! es daumagi , et aro que li faire ?  
 Leis filhos , leis pitoues an estouffa la maire :  
 La lenguo qu'an parla , Rene , Blacas , Raymound ,  
 S'en truffo et n'en voou plus lou mendre marchandoun ;  
 L'artisanotto a poou de gastar sa bouquetto ,  
 Cres qu'en parlant frances sera plus poulidetto ,  
 Prefero d'estroupiar lou jargoun de Paris ,  
 Que parlar eme grâci aqueou de soun païs ;  
 N'en rougis , n'en voou plus , laisse à la pastouretto ,  
 La lenguo qu'an parla Petrarquo et sa Lauretto.  
 Se quauque Troubadour deis Champs-Elyseens ,  
 Retournavo eicamoun , aro dins aquest temps ,  
 L'augearie pas cantar sus sa tendro musetto ,  
 Et faire à la beouta la mendro cansounetto ;  
 Car , dins leis cours d'amour parlavoun pas frances ,  
 Leis Amours counceissien que lou prouvençales.

Aro doon franciot cadun fa sonn lengagi ,  
 Se parlo prouvençau tout beon just au villagi.  
 Tout s'escarffo , s'ouublidò et tout passo eici-bas,  
 Mais ta proso et tei vers, Raynouard, passaran pas.

D.

## LOU RENOUVELLEMENT DOOU MOUNDE

PER DEUCALION.

Lou mounde un temp, (sabi pas s'es changeat,)   
 Ero tant courroumput, l'home tant degailhat.  
     Qu'anrias dich que toute la terro  
     Ero, coumo diam, un infer.  
 Cadun ravo lou mau, camino de traver,  
     Avie beou lou diou Jupiter  
     Faire petar quauquo fes sonn tonnerro  
 Per espoourir lou mounde disaver  
     Aquo n'ero que poudro en l'air:  
     Se truffavoun de sa coulero,  
     Touteis segnien soun marit trin,  
     Et meme li cantavoun pouilhos  
     Quand l'ousien petegear ansin.  
     Hai, fouire!.... dit lou grand Jupin,  
 Creires toujours que siou que lou diou deis granouilhos?  
 Veirem aquo, m'aves proun fa mountar lou fum.  
     Un beon matin disen garo en degun,  
     Doou Ciel larguet et restanco et resclavo,

L'aigue toumbet à broc, homes et touto cavo

Fouguet negat et prenguet fin.

Tout fouguet qu'uno mar, sus lou roure et lou pin,

Se vegueroun nedats lou toun et la sardino,

Cadun faguet alors uno ben laido mino ;

Mais un vieilh poueto latin,

Nous a mies dich aquo que noun lou pourriou faire.

Quand Jupiter, qu'es dins lou found bouen paire,

Veguet que tout ero negat,

Se sentet lou couer treboulât ;

Et se dich que restet pas gaire,

De vouilher mai tout adoubar.

Adoune, allucan de tout caire.

Per veire se quanqu'un s'ero pas assoustar,

Entreveguet sus un roucas, pecaire !

Dous paures malhuroux tremoulant coumo un joune,

Lou sagi Deucalioun,

Et Pyrrha, sa bello compagno.

Avien quittar touteis dous la campagno

Vescn venir lou marit temp,

S'eroun quilhats au daut d'uno mountagno

Et ounte aqui risqueroun ren.

Se dich qu'un diou l'insengnet la magagno,

Leis assistet.... Car de l'home autrament

La grano se pardie, disoun, certainement.

Venez eici, li dit lou mestre doon tounnerro,

Approchias vous, nagues plus poou,

Aquo es finit, et d'un an ploou.

Voueli que repuples la terro  
 Encaro hui s'aquo se pouu.  
 Vias que l'aiguo s'es escoulado ,  
 Bounta , n'aures pas grand travailh.  
**Eisso** va vous semblar sion segur un pantailh.  
 Proumena vous dins la countrado ,  
 Touteis leis peiros que veires ,  
 N'en fares uno rebailhado ,  
 Darrie vautres leis gittares ;  
 La cavo es pas ben mareisado ,  
 Et veires ce qu'arribara.  
 Et Deucalioun et sa fremo Pyrrha ,  
 Rebailhoun leis cailhaus que pertout attroubavoun ,  
 Et per darrie , patatau , leis gittavoun.  
 Touteis leis coudoulets doon bouen Deucalioun  
 Devenien leou de grand garçoun ,  
 Aqueleis de Pyrrha se fasien de silhetos ,  
 Touteis fourmados, poulidettos :  
 Leou, leou , mariagi ero fa.....  
 Mais , nous dich la vieilho crouniquo ,  
 Cadun de nautres a tira  
 De la peiro que nous fabriquo  
 Lou couer , l'esprit , et cetera...  
 Ansin , de la peiro d'*Egitto* ,  
 Que resisto au fuech vioulent ,  
 Neisse , nous dich , l'indifferent.  
 Et de la peiro *calamito* ,  
 Que s'aganto tambèn contro leis vieilh farrouts

Venoun touteis leis proucurous ,  
 Fournissurs, perceptours, que soun jamais sadouts  
 De faire jugar l'arpo et tenoun ben farino.

De l'*infernalo* soun fourmats

Liberaus, assassins, et tous leis scelerats.

D'aquelo que dien *calubrino*

Que se poun ni lissar, ni far devenir fino,

Neissoun tous leis gournaus et leis esprits bourrats.

La peiro à *clocho* que dindind

Coumo quand piquas sus l'aran

Fa nonestreis avocats que vivoun en charran.

Mais de la peiro *luminouso* ,

Venoun tous leis savens, genio clar et beou

Que lnsoun coumo lou souleou,

Anfin deis grands esprits touto la raço hurouse

Doou mounde la glori et l'hounour.

La peiro *ollairo*, (aco es de creire, )

Qu'es lisso, esquillo coumo un veire,

Forno la prudo et tous leis gens de cour.

Doou *peirard* soun venguts la raço deis ponettos.

La peiro à *far* engendro leis coquetos;

Et d'aquelo que fat lon *git*

Souertoun leis testos senso esprit.

Doou *marbre* es fabriqua lou couer dur, insensible.

( Tout ce que disi es ben visible..... )

De la peiro de *caud* que viam bouillir tant leou ,

Neissoun tous leis enquiets et leis cauds doom

cerveou,



La peiro *pounço* a fa l'engeanço ,  
 Deis leventis et deis pedans.  
 La peiro à *feou* fa la vengeanço ,  
 Leis , envejous et leis mechains.  
 Mais la peiro *embaumado* a fa leis gens aimables ,  
 Leis tetos-doux , leis agreables.  
 La peiro qu'au moulin nous embrigo lou gran ,  
 Et qu'es plus duro qu'uno roquo ,  
 Engendro despoto et tyran ;  
 Leis Bonaparte , Attila , Gengis-Kan.  
 Neissoun de la peiro de *toquo* ,  
 Leis vrais amis tant requis en tout luech ;  
 Et d'aquelo dicho *escumouso* ,  
 Que boumbounegeo dins lou fuech ,  
 N'en souerte l'espouscaire et la fremo jalouso ,  
 Mais d'aqueleis diamans tant precieus et tant beous ,  
 Que lou jour et la nuech belugoun de tout caire ,  
 Se formo lou sincere et parfèt calegnaire ;  
 Coumo leis nobles couers , vertuous , et fideous ,  
 A Diou, coumo à soun Rei... mais s'en trobo ben gaire !  
 D.

---

## LEIS CHINS VESTITS ,

F A B L O .

Un jour passet dins un villagi  
 Un pichot carosso cargat  
 De chins de tonto qualitat ,

Et jamais s'ero vis un plus drole equipagi ,

Ni cargament plus reveilhat.

Cadun avie soun habillagi ,

Et coumo gens ero embrailhat.

Et quand lou caroussoun enreguet là carriero ,

Chin et chino bouttet lou nas à la pourtiero

Per regardar d'eici, d'eila ,

Et tout coumo un vovageour fa

Quand traverso en camin uno villo estrangiero.

Leis fremos , leis enfans souertoun de seis houstaus

Per veire aquesto diligenci ,

Tous leis chins doou pays gardavoun lou silenci ,

Leis prenien per de gens et noun per seis egas ;

Lou carosso s'arresto aqui sus la placetto ,

Adonne leis chichets fan qu'un saut ,

S'espaussoun , fan aqui coumo un pau de teletto ,

Et piey au son d'uno musetto ,

Doou mestre que leis meno au plus pichot signau ,

( Et disoun qu'ero un pau brutau , )

Viroun , fan de saluts , piey la toumbareletto ,

Quilhats sus seis dous pedz pareissoun jamais las ;

Aquestou lou dirias uno dameiseletto ,

A lou beou casaquin et pouerto uno couiffetto

Que li ven finquo sus lou nas ;

L'autre a lou cap ou sus l'oooureilho ,

Eme l'habit broudat ! et semblo un vieilh baroun.

Aquest a lou casquet enfoucat sus la ceillo ,

Et l'uniforme de dragoun ,

Et lou prendrias per un vieilh invalido ,  
 Doon temp doon siegi de Mahoun ;  
 Anfin cadun fasie coumo foun sa partido ,  
 On per mies dire , sa liçoun ;  
 Sautoun , dansoun , viroun en round ,  
 Semblavo un ballet de Lapoun .  
 Toutedis leis chins et chinos doou villagi ,  
 Eroun candits , semblavoun louet ,  
 De veire aquestou roumavagi .  
 Mais ce que trahisset nouestre bel equipagi ,  
 Fougnet deis dansaires la couet ;  
 Que sourtie de soun embrailagi .  
 Lou nas pounchut tamben à la fin pareisset ,  
 Piey leis ouoreilhous se vegueroun ;  
 Un deis dansaires apres japet ,  
 Aquest pereou se derrenget  
 Per agantar un oues que d'enfans li gitteroun ;  
 ( Car eroun toujours lests de faire un coou de dent  
 Quand attroubavoun quauquo ren ; )  
 Leis cans doou pays leis sentèronn ,  
 Ounte sables que se sentoun leis chins ,  
 Quand si fan festo ou la ben arribado ,  
 Cadun alors recounei seïs vesins ;  
 La danso fougnet derrengendo ,  
 Japoun , se mescloun , fan bousin ,  
 Et se dounerpoun la pignado  
 En se truffan d'aquelo mascarado .

L'habit fa pas lou mouine aco se dich ansin ;  
Taus que per seis courdouns et seis beous equipagis ,

Nous sembloun de grands persounagis ,  
Quand leis luquas de prochi.... au travers de l'habit ,  
La pauro humanitat pounchegeo de tout caire ,

Et per soun dire , et per soun faire ,

Counneissem leou sa peou et soun esprit.

Despiey long-temp aussi lou prouverbi la dit :

« La mounino es toujours mounino ,

» Ben que vestido d'estamino. » (1)

D.

---

## LOU GAGET , LA SERO ET L'AGASSO ,

F A B L O .

QUILHADO sus un pin une agasso veguet

Un jour un fouert poulit gaget

Intrar dins lou nis d'uno sero ,

Lou mari l'y ero pas , et finquo vers lou sero

Revenie pas dins soun houstau ,

Et dins lou temps qu'es à l'espero

D'un verme ou de quauque agagnau ,

Sa fremo , qu'amo tant d'un amour pas coumuno ,

(1) Aquesto fablo et aqueleis que suivoun fan par-  
tido d'un fablie prouvençaou que duou estre imprima  
quooouque jour.

Vous li fasie de blad de luno.

Femellos ! ben souvent vous coumpourtas fouert mau,

Et boutas lou trouble en meinagi ;

Mais sus aco parlem pas davantagi ,

L'y aurie certo ! de que faire un troou long sarmoun ;

Leissem aqueou sujet à quauque Massilloun.

Revenguem à *Margot* , qu'avem dich qu'espenchavo ,

Et vesie d'amoundau tout ce que se passavo ,

Entre nouestreis dous amoureux.

Eleis en se quittan vegueroun nouestro agasso ,

Et se vien parduts touteis dous ,

Car couneissien nouestro bagasso.

Lou gaget ,

S'envoulet.

L'home souvent pau s'embarasso

De tout ce que pouu arribar.

Mais la sero la va trourbar ,

Helas ! li dich , boueno coumaire ,

Agues de iou pietat , pecaire !....

Garda me lou secret , ve , lou fariou per vous ;

Et me boutti à vouestreis ginous.

D'abord que l'y a degun lou gaget es alerto ,

Ven toujours m'enrabiâr , mais voudrias pas ma perto ,

Jugeas , s'escoutariou jamais un tau farot ? .....

Ah ! m'estimi un pau mai , certo ! ....

Sigues tranquillo , anas , li respounde *Margot* ,

Ma lenguo es pas tant disaverto ,

Cadan pouu faire ce que voou...

« Oui , fisa-vous li , toumbares pas au soou. »

A peno nouestro sero avan s'es envoulado

Que chasque coumaire lou soou ,

Et que la cavo es troumpetado ;

Car sabem que *Margot* a la lenguo amoulado

Ben mies que degun doou païs.

Ah ! se sabias , ma boueno ce qu'ai vis !...

Repetavo pertout : ... « Eici s'en fa de lourdo ,

» Et se passo ben mai de cavo en certen nis ,

» Que certo ! dins uno cougourdo. »

Fisa-vous à la prudo et que va leis huïlhs bas ;

Mais qu'aurie dich aquo de la bello seretto ?

Que fa tant sa bravo fremetto ?...

Et semblo que li toquo pas.

Paure seroun ! vai sarquar la pittanço ,

Dins lou temp que vas travailler ,

Dins toun houstan ta fremo danso :

Mais boutto , te farem couneisse sa tranço.

Et dien que manque pas de li tout debuïlhar.

Ah ! vouïlher empachar fremo de babilhar ,

Es vouïlher arrestar lou vent et leis nuagis ;

Et piey a dich fouert ben un de nouestreis vieïlhs

sagis :

« Ausir , veire et se taisa ,

» Mal aïsa. »

D.

LÔU CHIVAU QUE VOUU PLUS POURTAR  
LA SELLO ,

F A B L O .

TOUT lou jour , un chivau de fen s'assadoulavo  
A la gruppi d'un bouen seignour.  
Lou domestiquo l'estriavo :  
L'encivadavo et l'abueouravo  
Senso manquar , tres fes doou jour.  
Ero de tout lou mounde et la joyo et l'amour.  
Quand *Coco* pareissie cadun lou flattegeavo ,  
Lou caressavo de la man ,  
Avie souvent de trones de pan ;  
Leis pichots de l'houstau li flouccavoun la testo .  
Eme quauque poulit riban :  
Per eou semblavo toujours festo ;  
Fasie pas un ben gros travailh ,  
Avie pas lou troument de carregar lou fai ,  
Ero lou dever doou paure ai.  
Eou solumment destinat per la sello ,  
Anavo proumenar moussu ; madameisello ,  
Que pesavoun pas miech quintau ;  
Et de la bastido à l'houstau  
Ero sa plus grosso journado.  
Encaro la pittanço ero adoune redoublado ,  
Et vite en arriban lou curbien s'avie caud ,  
A seis ordres toujours avie lou manechaud ,

Anfin en cent coumo en ounge,  
 Ero hurous conmo un canounge.  
 Avie millo fes mai de bonenhur que de mau.  
 Mais creirias-ti, qu'aqueou ben estre  
 A la fin l'enfetet ? Que maudisset soun sort !...  
 Es que sion fach, diguet, per masteguar un mord ?  
 Et d'anar proumenar sus l'esquino moun mestre ?...  
 Per Jupiter ! ai proun fa lou chivau.  
 Voueli un pau me paupar, n'estre pas tant nigand.  
 Soun partit pres, quand vis approuchar deou la selle,  
 Lanço et reguigno deis plus bello,  
 Voon plus ni mai embonccar lou brideou,  
 Mouerde quicon s'approcho d'eou.  
 Leis flattaries et leis caressos,  
 Fan plus ren, counèi plus ni mestres, ni mestressos.  
 Per pas mai se facher soun mestre vian aco,  
 Mando à la fiero soun *Coco*.  
 Un carbounier lou crompo, adiou la proumenado,  
 Lou race, lou fen à brassado,  
 Et la selle et lou beou bridoun.  
 Eou li boutto lou bas, et touto la journado,  
 Carregeo un pau pertout de saquos de carboun;  
 A ben mai de coou de bastoun  
 Que de picoutin de civado.  
 Adoune ven lou regret, leis plous, lou desplesir,  
 De plus pourtar moussu, madameisello;  
 Penso au beou temp passat, et fa plus que gemir,  
 Vis lou prouverbi s'accomplir,



« Qu'à qu noun voou pourtar la sello ,  
 » Diou mando bast per lou punir. »

Passo deis animaus que fagoun de bestiso ,  
 Et deis bestis pourtant la sello et lou bridoun ;  
 Mais un pople qu'avie de sen et de resoun ,  
 L'y a pas long temp faguet meme soutiso ;  
 Un rei bouen et parfet , et lou milhour deis reis ,  
 Et qu'ero men prince que paire ,  
 Nous gouvernavo tous per de tant douceis leis ,  
 Coumo jamais se n'es vis faire.  
 Cadun ero hurous et countent ;  
 En travailliant avie d'argent :  
 La douço pax pertout regnavo ,  
 Et la sello qu'aviam ben gaire nous maccavo ,  
 Mais un jour lou demoun venen tous nous tentar ,  
 Refuseriam de la pourtar ;  
 Se souvenen enca de la misero ,  
 De la famino , de la guerro ,  
 Que vengueroun nous troumentar.  
 Res de plus malhuroux dessus aquesto terro ,  
 Car fougueriam venduts , noun pas au carbounier ,  
 Mais ben à l'infer tout entier ,  
 Que nous trattet dins touto sa coulero.  
 Lou bast (grand Diou ! que bast ! ) fouguet nouestre  
 degut ,  
 Et ben qu'à la resoun siguem mai revengut ,  
 Leis couerdos et la peou doou bast croun tant duros ,

( 139 )

Et fougueriam tant ben bilhats,  
Que troou long temp enca n'aurem leis maccaduros,  
Et cresi que sarem jamais ben debastats.

D.

LA LIGNOTTO ET SA MAIRE,

F A B L O ,

*A Moussu Jauffret , Bibliouthecari de  
Marsilho.*

EN beou frances fas parlar lou bestiari ;  
Lou lien, lou loup, l'agneou, lou reynard, l'ooùsseloun,  
Lou chin , lou buou , finquo lou garri ,  
Parloun dins toun ooubragi autant ben que Buffoun.  
Mais iou leis foou charrar dins lou simple jargon  
Que se parlo dins la Prouvenço ,  
Sus leis bords de l'Uveouno ou de nouestro Durenço.  
Leis tious passoun pertout , van encantar Paris ,  
Mais leis mious souertoun pas , pecaire !... doou pays  
Et n'y a ben proun aquit per ma pichoto glori.  
Senti que sion pas fach ( et sion tout counsoulat ,  
Aco m'a pas destressounat )  
Per anar trelusir au temple de memori ;  
Lou camin es marrit per mountar jusqu'amoun ,  
Et ben pire qu'aqueou , cresi , doou sant pieloun ;  
Car souven si l'y fa mai que d'un oouratori.....

Mais tu, lou beou mignot deis Musos , d'Apoulloun ,  
 L'y vas de ped cauquet , l'y as deja toun cantoun ;  
 Et senso jalousie te rendi moun ooumagi.

Hurousamen siou pas attaquat d'aqueou mau

Que fa crebar coumo un grapaud

Certens autours , quand vien couronnar un ooubragi

D'aqueou poulit et verd fuilhagi

Que se curbet Daphne , quand fugie l'abourdagi

D'Apoulloun , que fouguet plus sot , dien , qu'un  
 gournaud ,

Quand tenguet dins seis bras d'un lausier lou  
 cambagi ;

Au lue d'un mourroun senso egau.

La jalousie m'a jamai fa malau ;

Quand entendi un poulit pioutagi ,

Siegue lou roussignoon frances ou prouvençau ,

S'a lou gausier ben fin , et que siegue pas rauq ,

Piqui deis mans à soun ramagi ,

Et lou cantaire me fa gaud.

Mais per estre entendu d'un cadun proun ou pau ,

Adreissas-vous au couer , et , se l'amo es toucado ,

Entendra toujours vouestro aubado.

UN Roussignoon se maridet

Em'une charmanto lignotto ;

Touto escarabiado , et poulido , et farrotto ,

Et que proun temp cou calegnet.

Ah ! que tendro roulado , et lou poulit ramagi

Que li tenie novi roussignoulet

Leis premiers jours de soun mariagi !

Aurias dich que tout l'an ero lou mes de mai ;

Mimi , mimi , toujours , iou... iou... iou... t'amarai.

Li repetavo en soun lengagi ;

Et doon vespre au matin , lou valoun , lou bouscagi ,

Retentissien de seis souspirs ,

De seis amours , de seis plesirs ;

N'avie plus ges d'autreis desirs

Que de ben regalar sa pichotto fremetto ,

Et ges d'autro à seis huils ero plus poulidetto.

Eou la cantavo à tout venen ,

Battie de l'alo en la vesen ;

La bequetavo ,

La mousselavo ,

Piey s'esquierlavo ,

Et fasie de soun nis soun soulet passo-temp.

Mais aco duret pas , la jouino maridado

Vis amoussar lou fuech d'aquelo bello ardour.

Lou roussignoou canto plus soun amour ,

Volo luench d'ello dins lou jour ,

Et piey se dich qu'à la nuechado

Anavo ben souven jugar la serenado

Dessouto un fouert poulit rousier ,

Ounte jouino bouscarlo ero aquit ajouccado.

Aquo se sacht leou per tout dins lou quartier ;

De la lignotto uno coumaire

Ges de patienço , dien , n'aguet ,  
 Que noun l'y aguesse un jour counta touto l'affaire ,  
 Groussissen meme lou paquet.  
 Vite la ligpotto , pecaire !  
 En plouran va troubar sa maire ,  
 Et conto ce qu'es arribat.  
 Helas ! diguet , ounte a passat  
 Lou premier temp de moun mariagi ?  
 La pax et lou bouenhur eroun dins lou meinagi ,  
 Ansin que leis plesirs et leis tendres amours ;  
 Se me leisso dins moun jouine agi  
 Que sara dounc dins meis vieihs jours ?...  
 Sa maire coumo pau la plagne , la counsouelo ,  
 Ma filho , li diguet , fau pas faire la fouelo ,  
 Lou bouen sen , la patienço , aro soun de sesoun ,  
 Escoutes pas ges d'oousseloun ,  
 Occupo-te de toun meinagi ,  
 Et fai revenir lon voulagi  
 Per teis vertus , toun couer , teis chants plens de  
 douçours ;  
 Noun per teis plants et per teis plours.  
 Te vai dich , m'en souven , lou jour de toun mariagi :  
 « Pan deis noueços , ma filho , ah ! duro pas toujours. »

D.

LOU CHIN DE L'HOUSPICI DOOU GRAND  
SANT - BARNARD ,

FAIT HISTOIRIQUE.

CADUN counel , tout au men de renoum ,  
D'aqueou grand Sant-Barnard la couelo tant quilhado;  
A qui-veses toujours la negeo à gros mouloun ,  
    Pertout pendouelo glaceiroun ,  
    L'hiver , lou geou , et la neblo glaçado ,  
    Soun aquit toujours de sesoun ,  
Jamais lou roussignouou de sa douço roulado ,  
    L'y fa resclantir lou valloun.  
Floro pounchegeo gaire en aquelo countrado ,  
Leis Plesirs et leis Jucchs , leis Gracis , Cupidoun ,  
En la vesen de luench tremoucloun coumo un jounç ;  
    La fugeoun coumo lou Demoun  
    Fuge , disoun , l'aiguo segnado.  
Es aqui cependant qu'a basti soun sejour  
La Caritat , doou Ciel la filbo tant aimado ,  
Eme la Religien l'y veilho nuech et jour.  
D'armitos , fouert pietous qu'animo un sant amour.  
Dins un couvent bastit sus aquelo mountagno ,  
( Tout en vesen d'amoun uno bello campagno )  
Bravoun lou frech , la negeo et touteis seis hourrours ;  
D'aquit tenoun damen leis paureis vouyageours ,  
Et per leis secourir fan jamais de lounagno ;

L'y preparoun de fuech , un liech , un bonen repas ;  
Et se vien que quanqu'un aguet fach un faux pas ,  
Qu'enfounçat dins la neou , per sourtir arpatege ,  
Per courre à soun ajudo , ah ! l'y a degun de rege ,  
Ni per lou carregar , d'abord qu'es destapat.

O Caritat ! ô bello Caritat !...

Quand pouedoun pas anar au found d'un precipici ,  
An de gros chins dreissats au aquel exercici ,  
Que partoun , van sarquar lou paure home acclapat :  
Japoun per avertir qu'anfin es attroubat.

Adounc un d'aqueleis bouen paire ,  
Ajudat de soun can , fa tout ce que poou faire ,  
Per sauvar , se se poou , lou paure fourestier ,  
Qu'a jamais vis , et fa coumo s'ero soun fraire ;  
Et per aco souvent eou se boutto en dangier.  
Iou qu'asi jugariou que lou philousouphisme ,

Soun fraire lou jacoubinisme ,

Faran jamais pareil mestier !...

( Nouta que tout aco rende pas un denier ).....

L'y a que la Religien qu'aguet tant d'heroïsme !...

Mais , tout cisso , n'es qu'un simple debut ,

Qu'ero cependant necessari ;

Aro venguem à nouestre but.

Voou rappourtar un fet ben extraourdinari ,  
Qu'un d'aqueleis gros chins faguet per un enfant ;  
Se lou vias de moun huilh l'attroubares touccant.

Uno pauro familho en hiver traversavo ,

D'aqueou grand Sant-Barnard , lou triste et gros  
coutau ;



La negeo la surprend , car à gros flots toumbavo ;  
 Trouban plus de drayoou , resquilhoun dins un trau.  
 Soun touteis acclapats... mais un enfant , pecaire !

En toumban deis bras de sa maire ,  
 Sabi pas ben coumo aco se faguet ,

( Es vrai que pesavo gaire , )

Dien que sus un rouccas un abrouas l'arrestet.  
 Un deis cans doou couvent que per aquit roudavo ,  
 Trobo nouestre enfantoun sus la negeo couquat :  
 D'abord s'afilato d'eu , lou sentie , lou lipavo ,  
 Et lou pichot pau-à-pau rassurat ,  
 De sa menotto atou , lou gros chin flattegeavo ;  
 Mais ero pas lou tout , lou chin lou voou pourtar.

A soun entour viravo , reviravo ,

Sabie pas coumo lou cargar ,

Et pouden pas troou s'expliquar ,

Lou paure chin , gingouregaveo.

Piey se couquo à soun caire , et lou voou rescaudar ;  
 Piey se sarrant contro eu , eme sa quouet badino ;  
 Et lou pichot tamben en virant , en jugant ,  
 Se troho à cabrinet per dessus soun esquino.

Es ce que voou nouestre gros can.

Vite se dreisso adounc , fa la trasso , camino ,  
 Daise , d'abord , per pas debaussar nouestre enfant ,  
 Eou de pouu de toumbar à seis peous s'agantant ,  
 Ferme de seis pettouns soun esquino sarravo ,  
 Tandoument de sa quouet lou chin l'envirooutavo ,  
 Et piey , quand lou sentet ben assetat sus eu ,



Trotto coumo un bardot au mittan de la neou ;  
 Souu lou camin , jamais s'enfounço.  
 Nonestre paure Pichot li peso pas uno ounce ;  
 Escalo la mountagno , arribo tout content ,  
 Et per se faire oousir , japo... japo... au couvent.  
 Lou pourtier ven durbir , jugeas d'aqueou bouen  
 fraire

La joyo et lou plesir vesen aquest tableau.  
 Lou chin brandant la quonnet , et tout cubert de neou ,  
 Mais de soun fai fasen lou beou ;  
 Un enfant poulidet et tremoulant pecaire !...  
 Fasia ben frech... Escambarlat sus eou ;  
 Aquest bouen fraire lou prend leou ,  
 En plourant de plesir , l'escauffo , lou caresso ,  
 Et fa tout ce qu'es de besoun ,  
 Per ben reviscoular nouestre paure pichoun.  
 Per eou tout lou couvent ague meme tendresso ,  
 Lou chin avie douna la premiero lissoun ;  
 Car leis bestis , leis gens , dins aquel hermitagi ,  
 Dirias que n'an qu'un couer , et qu'un meme lengagi ,  
 Per recebre , festar , ou pourtar de secours  
 A tous leis paures vovageours ,  
 Que doou grand S<sup>t</sup>-Barnard , arrisquoun lou passagi.

Ah ! que d'homes , grand Diou !... dins lou siecle present ,  
 Qu'an pas la caritat deis chins d'aqueou couvent !!

D.

LEIS PLANTS DOOU BARGIER JEANNET A SA  
BARGIERO MARGARIDO.

*Air* : Combien j'ai douce souvenance , etc.

Es-ti poussible , Margarido ,  
Tu que sies boueno et tant poulido ,  
Et que fin.qu'aro avies ista  
Ma vido ;  
Que Jeannet agues oonblida  
Deja.

Souven-t-un pau de ma musetto ,  
Et de sa tendro cançounetto ,  
Fasie toujours au pastrilhoun  
Liguetto :  
Treboulavo dins lou valloun :  
Louisoun.

Ero que per tu que jugavo ,  
Que sus la conelo souspiravo ,  
A l'aubo , au vespre , et tous leis jours  
Cantavo ,  
Que durarien nouestreis amours ,  
Toujours.

La bello premiero vionletto ,  
Ta souare la margaridetto ,  
Que venie spinchar au Lousquet  
L'aubetto ,  
Se vesie leou sus toun courset  
Blanquet.

Lou plus beou fruit de la valado ,  
La bouscarlo , à soun arribado ,  
Dre que la pauro espelissie  
Sa niado ,  
Degun que tu dins lou cartie  
L'avie.

Nouestreis agnelets se mesclavoun ,  
La meme herbo toujours rouigavoun ,  
Ensen leis chins , d'hiver , l'estiou ,  
Jugavoun ,  
Et sabien pas ben s'eroun tiou  
Ou miou.

An entendu nouestreis proumessos ,  
Vis quauqueis fes nouestreis caressos ,  
Mais aro vien plus que doulours ,  
Tristessos ,  
Languitori , pichots amours ,  
En plours.

( 149 )

M'enchautvi plus de moun bel agi ,  
De meis fedos, ni doou bouscagi ,  
Deis roussignoous à l'amourous  
Ramagi ,  
Leissi passir dessus seis brouts  
Leis flous.

Te fises pas au beou lengagi  
Deis fringaires d'aquest villagi ,  
Lou coner voou mai que lou plus beou  
Ramagi ,  
M'appelavoun lou pastoureou  
Fideou.

Eri que countent à toun caire ,  
Voulies ges d'autre calegnaire ;  
Iou toujours t'amarai ,  
Pecaire !  
Se me voues plus , au mes de mai  
Mourrai.

Vaqui toun riban , ta proumesso ,  
Pusqu'as retira ta tendresso ,  
Ah ! mais... coumo destrias au net ,  
Pastresso ,  
Nouestreis couers qu'Amour au bousquet  
Mesclet ;

( 150 )

Un jour , bessai , pastourelletto ,  
Pourrai regrettar ma musetto ,  
Et plouraras , dins lou pradet ,  
Souletto ,  
La mper doou paure pastouret ,  
Jeannet .

Mais sara plus temp Margarido ,  
Iou pourrirai souto la ribo ,  
Ounte un beou matin de ta man  
Poulido ,  
Me flouqueres d'aqueou riban ,  
Tout blanc .

Es aqui que demandi d'estre ,  
Segur eis peds de soun boucu mestre ,  
Gingourara moun chin fideou ,  
An vespre ,  
Et de doulour mourra pereou  
Benleou .

D.

LA BARCAROLLO PROUVENÇALO.

Sus l'air de la barcarolla napolitana : « *O pescator  
dell' onda. — Fideli , etc.*

LA JOUINO BARGHERO ET LOU PASSANT.

LOU PASSANT.

Bello pastourette ,  
Hai... hai... hai !...

Bello pastourette ,  
Hai... hai... hai !

Mais qu'es que t'es arriba ?

Que ploures aquit souletto ,

Et fas que roudoulegea ,

Hai , hai , hai , là ! là !...

Mais , qu'es que t'es arriba ?

Que ploures , etc. ( *Bis jusqu'à la fin.* )

LA PASTOURELLETO.

Eici , dessus l'herbette ,

Hai , hai , hai !

} Bis.

Moun agnelet ai leissa ;

En jogan soute l'ombrette ,

Un pastre me la bousqua ,

Hai , hai , hai , là ! là !...

Moun agnelet ai laissa , etc.

( *Bis.* )

..... Sion à plagne pecaire !... } *Bis.*  
Hai , hai , hai...

Ajudo me lou sarqua ;  
Que dira ma pauro maire  
Se moun agneou trobi pas ,  
Hai , hai , hai , là ! là !...

Ajudo me lou , *etc.* ( *Bis.* )

Siou touto desaviado , } *Bis.*  
Hai , hai , hai !...

Jeannet moun couer m'a rauba ;  
Et per acabar journado ,  
Moun agnelet m'an pesca :  
Hai , hai , hai , là ! là !...

Jeannet , *etc.* ( *Bis.* )

LOU PASSANT.

Sageo pastourette , } *Bis.*  
Hai , hai , hai !

Soun troupeou deou pas quitta ;  
Se s'amuso à l'amourette ,  
Couer , agneou , tout... squiara ,  
Hai , hai , hai , là ! là !...

Soun troupeou deou pas , *etc.* ( *Bis.* )

TRES FABLES

IMITADOS DE LAFONTAINE.

LOU LOUP ET L'AGNEOU.

Un agneou mouert doou se buvie dedins un riau  
Tant beou et tant claret que semblavo un mirau.

Vaqui que de la devalado

Dins l'espoir d'assipar quauquo besti escartado ,

Arribo un loup carcagna per la fam.

Aguet bouen-nas : — Sies ben hardi bregand

De trebourar moun abueouragi!

Eme teis pes mandichs fas aussar un lapoun!

Espero mi; t'en couira la liçoun.....

Diguet l'animau plèn de ragi.

Vous faches pas moussu l'y respounde l'agneou,

Vous faches pas, mai regardas pu leou

Que vous esten dessus, iou mi tenent dessouto

Enca ben luen de vous, es clar que lou lapoun

Se n'en fau coumo dias, poout pas monntar amonn;

L'aiguo en rayant en bas l'embaro dins sa routo,

Vous la brutariou pas. — mi la brutes ti diou.

Et piei de boueno part ai sachu que contro iou.

N'as dich tant qu'as vongu l'au passat. — Ah! peccaire!

L'an passat? eri encaro oou ventre de ma maire,



Teti enca, respoundet l'innoucent animau.

—S'es pas tu, dis lou loup, foont que siegue toun fraire

—N'ai pas ges.—M'es tout-un es quauqu'un de l'houstau ;

Car m'espargnas pas gaire ;

Gens et bestis aqui mi voules touteis mau.

M'es esta dich aro foont que mi vengi.

Lou loup aqui dessus oou found de la fourest

Lou pouerto et piei lou mangeo. Ah! mi diou quand

d'y pensi :

Qu'eme leis grands fa mau aver prouces !

Ds.

## LOU BASTIDAN, SOUN CHIN ET LOU REINARD.

En fet de bouens vesins parlas mi doou reinard

Doon martre eme doou loup.... sarpajeou! quinteis

Laires!

S'avion à far bastir m'en tendrion à l'escar.

Lou premier d'aqueleis coumpaires,

Et bessai lou pu maufatan,

A touto houro doou jour despiei longtem gueiravo

Leis galinos d'un bastidan:

D'un uil groumand leis alluccavo,

Prochi d'elleis roudoulegeavo,

S'inginiavo cent tours, mai ni per estre fin

Avie p'anca poussqt mettre man eis poulardos;

La poou de rescountrar quauquo leko, lou chin,

(Manquo ben) lou fasie tenir dessus seis gardos.

D'autre cousta la fam..... ero dins lou jambin.

« Coumo! disie dins soun' pegin,

Sera ty dich que la canailho

Toujour si trufara de iou?

Nuech et jour siou su pe, l'hyver coumo l'estiou,

Senso pousquer faire ripailho.

La fringalo mi tue, et lou gus en repau,

Senso sourtir quasi de soun oustau;

Tout l'y russis; Diou soout dins l'an de sa poulaillho,

Deis poulets, deis capouns, ce que n'en fa d'argent:

L'aste meme n'en viro et s'en vouigne en familho;

Iou qu'ai pas moun parie parmi besti ni gent,

Iou s'un viei cascaras toumbo souto ma dent,

Mi viouti de plaisir coumo s'avion fa pilho.

O lou marrit mestier qu'es aqueou de reinard!

Bouto ! bouto ! canailho, espero que sie tard !....

Tau plourara que ris et ben rira que plouro.

Va voueli tout saunar! ho l'a pas de bouen Diou,

Perdrai moun noum vo ben s'y parlara de iou! »

Ansin mounta, dins soun couer vengeanceiou

Doon premier souen choousisset l'houro.

Per far soun cooup poudie pas choousir mi ou.

Lou mestre et leis varlets fasient petar la narro,

Ajouccas su sa barro.

Lei poulos, leis poulets, leis capouns, tout dourmie:

Lou chin meme su sa pailhado,

Pantailhavo et pregemissie.

Sentie deja la mauparado!

Lou mestre, va foout dire, en leissant tout badie,

Lou galinie

Fet uno fiero talounado

Après cent viro-voouto arribo lou bregand

Imple l'ajoucadou et d'espaime et de sang ;

As proun canta, beou gau ! Catharino endourmido

A ta vouas doou matin si revilhara plus !

Touto la poulailho agonnido

Toumbo coumo la grelo ou coumo leis perus

Quand l'aubree espauassat ; lou bourreouges n'ouublide

Capouns, poulos, poulas, va meno tout darret.

Vous n'en faguet un mourtalagi !

Après s'implet lou pies, lou resto va leisset.

Qu'espetacle, grand Diou ! quand lou jour pareisset !

Que terro-soou de mouers ! esfraya doou carnagi

Lou souleour, plen d'hourrou, varet per s'entourbar.

Lou bastidan troubet de recours qu'à renar

Contro seis gens, lou chin, es pas miracle :

Ah ! maudich animau ! que deourion fusilhar ,

Perque japaves pas en pan davant lou chaple ?

— Et vous aton, perque pas farrouilhar ?

Se vous mestre et rentier, se vous qu'aco regardo,

Sensu aves ben clava, vous couchas v'endourmes,

Voules que iou que l'ai ges d'intérêt,

Iou simple can, per ren mouuti la gardo ?

Que prengui la civeque ? ah ! siou pas tant matras.

Mi couqui voulountièrs coumo vous quand siou las.

Lou chin avie resoun ; l'y manquavo que d'estre,

Per si faire escoutar oou lue doou chin lou mestre ;  
Mai, (quand mi dias!) coumo n'ero qu'un chin  
L'y fouguet respoundut à grands coups de gourdin.

Qua que siegues, ô tu, que sies chef de familho,  
Voues gardas toun argent, tei graniers et ta filho?  
Darnier à ti couchar fai lou tour de l'oustau;  
Assouero ben la tanquo et manego la clau.

Ds.

---

## LEIS GRANOUILLOS QUE DEMANDOUNT UN REI.

Leis granouilhos si lassant  
D'esse toujours senso mestre ;  
Jangourerount tant et tant,  
Que lou Dion Jupiter de poou d'un escauffestre,  
Coumo parei,  
Si decidet à l'y dounnar un Rei.  
L'y lou mandet doou Ciel. Estou poudie pas estre  
Pu pauva, pus human.  
Pamen fet à soun arribado  
Un tau rasse dins l'air et su l'aiguo un tau bram,  
Que la granouilho espravantado  
Creset la terro aprefoundado.  
Aquelos espeço d'animau  
Per l'espoourir sables que l'y foout pau.  
Tamben, *saue qui peut*, cadun lou large gagno;

Quu va dins leis traus leis pu founnds,  
 Quu s'escounde dedins l'eissagno,  
 Dins leis cannos; quu dins leis jounes.  
 Lou gros oou found doou marescagi  
 Si va mettre dessus lou nas  
 Mie pan per lou men de fangas,  
 S'agamoutis esperant de couragi.  
 N'ougerount de long-tem alluccar oou visagi  
 Aqueou que si cresien que fouguesse un geau.  
 Sabes ce qu'ero? un calaman.  
 Soun aspect impousant fet poou à la premiere  
 Que, de lou veire s'hasardant,  
 Oouget sourtir de sa souraiero;  
 S'avancet mai en tremoulant.  
 Uno antro seguisset, piei uno antro, piei tant!  
 Que s'en fet uno tirassiero;  
 Et la bardo, à la fin, fouguet tant familiero  
 Que n'en venount jusqu'à soonta  
 Su l'espalo doou rei; lou rei, plen de bouuta,  
 Si facho pas de la maniero  
 Souffre tout et dis ren.  
 La granouilho estounado en vesen  
 Que soun rei ero mut et que si boulegavo  
 Escassament,  
 Que quand l'aiguo ero en mouvaement,  
 Et qu'alors toujours si viravo  
 Dobu caire tounte lou vent bouffavo;  
 Repepieguet : Ah! sian pas gouverna!

O Jnpiter que rei n'aves dounna!

Regardas lou toujours en meme plaço.

Nous meno en lue, disien dintre la populaço

De mutinos qu'avien de front:

Vivo lou bru! vivo la glori!

Se voulen far parler l'histori

Foout pas d'un rei qu'a leis conestes ou long.

Jupiter de seis cris ayent la testo routo:

Sies pas countent pople ingrat, bouto!

T'empentiras davant que siegue nue,

Et su lou cooup li mandet uno agruel

Lou mounarquo, à soun arribado,

De granouilhos d'abord faguet uno ventrado.

Esquicho empasso, ero leou les.

Et leis habitans doou mares

De cridar enca mai; et lou Diou de l'y dire:

Sias tout de sacs mau plens; oui, vire coumo vire;

Eme v'autreis eissi l'y a toujours peiroou rout,

Se vous cresiou fourrie leou changeax tout,

Foullie estar coumo erias. Vaqui d'abord per uno;

Aves vougut changeax; jabo. Mai per-fourtuno

Quand vous aviou dounna un rei bounias et doux

V'en foullie countentar. De l'autre arrangeas vous.

La coulero doou Diou, debado, duret gaire

Lou pople proumettet de plus far de sagan;

Et Jupiter qu'es un bouen paire

Li dounnet mai lou calaman;

D.

---

LOU REINARD ET LOU LINGOUMBAOU ,

C O N T E .

SUS lei bords de la mar un pescadou conquat  
Jouissie d'un repaou qu'avie ben meritat.

Sa pesquo, es vrai, n'ero pa dei mesquinos ;  
Avie din souu bateou marlus et sardinaous,  
Muscles tamben et fouesso lingoumbaous.

Un reinard, la terreur dei mountagnos vesinos,  
Qu'avie, mai que d'un coou, talounat un patroun,  
Descende sus lou souar, ven de garapachoun,  
Espincho douçamen, din tonto la countrado,  
Se ren lou troublara din seis ouperations;  
Lou pescadou soulet sus sa grosso flansado,  
Si presentet an eou din seis ousservations.

« Cresi pa mi troumpar, mi semblo que pantaillo,  
» Anen doune, moun gaillard, touben sus lou  
» peissoun,

» Cronquen lou, tout countent, coumo s'ero  
» poulaillo; »

Dignet nouestre voulur. Et gai coumo un quinsoun,  
Saoutet din lou bateou doou tranquille patroun.  
Oou mitan dei peissouns coumo mettie sa piado,  
Un lingoumbaou rusat, lou paire de la niado,  
Lou vesent avançar li gripo lou petoun.

( 161 )

« Cou secous, sion perdu ; reinards , à moun ajuda !  
» O bouen Diou ! coumo esquicho ! ô quinto ben  
» vengudo ! »

N'avie pas accabat que nonestre catalan,  
Si reveillo en sursaou, empougno un gros liban,  
Et doou reinard capot n'enviroouto l'esquino,  
Puis, uno triquo en man, vous li roumpè la mino;  
Content coumo uno oouqueto oou mitan d'un estan  
Ou ben coumo un cleisoûn que pou brular matino.

Voules-ti doou reinard evitar lou destin;  
Trabaillas voulentiers et fuges lou larcin.

A. J. A.

## LOU CURA, LEI SOURDAS ET L'AI,

### CONT E.

Dins un ancien hameou dei bords de la Durenço,  
Viviet un bouen cura, mondèle de vertus,  
Amat dei paourei gens ooutan que dei moussus;  
Sei benfas si sabien per touto la Prouvenço.

Un jour que din l'endret passavo de sourdas,  
Li juguèroun un tour dount sares estounas.  
N'eroun pa dei devos, ( aquot arribo gaire ),  
Fourmeroun lou proujet de li voular, pecaire !  
Souen bouen ai, lou plus beou de toutei lei grisouns;



Qu'avie mai d'uno fes , din soun vaste terraire ,  
 Attirat lou coou d'hueil de fouesso maquignouns.  
 Doou tems qn'à soun troupeou lou cura respectable ,  
 Prechavo eme douçour la santo religien ,  
 Nouestrei couquins adrets intreroun din l'estable ,  
 Et davant que de l'ai prenguessoun poussessien ,  
 Un d'elei li diguet : « mi ven uno pensado ,  
 » Nous foudra la seguir , es de boneno inventien ,  
 » Car bessai senso aguot oourian la bastounado ,  
 » Et beleou que serie la mendro punitien .  
 » Emmenas lou grisoun , mai leissas sa campano ,  
 » Iou dedins aqueou tems voou boutar sa cooussano ,  
 » Et pui de tout eiço veiren la finitien . »  
 L'ase n'ero pas luench que deja la servanto  
 Venie per l'abcourar à la fouen doou jardin ;  
 Quand vesen lou sourda poussou un cris d'espouvanta ,  
 Cres veire lou demoun en habit de sapin .  
 « O bouen Diou qu'es eiço , cridet l'esglariado ,  
 » Oou secous ! oou secous ! lou diable es din  
 l'oustaou . »

Lou cura l'entenden faire aquelo chamado ,  
 Escouto quaouque tems , puis si leve en sursaou  
 Et ven eme un fusion per tuar l'espouvantaou :  
 N'avie p'ancaro mes lou ped dintre l'estable ,  
 Que lou voulur rusat jito luench lou mourraou ,  
 Et prenen la paraoulo : « ô pastour venerable ,  
 » Li diguet , escusas un malhurous mourtaou  
 » Que ven de terminar sa longuo penitenci

» Souto la laido peou doou plu sot animaou,  
 » Ai agut lou malhur de coumettre lou maou,  
 » Ai peccat contro Diou, contro sa Prouvidenci,  
 » Ooujourd'hui per tout ben mi resto l'hospitaou. »  
 Oou recit esfrayant d'uno tant grando peno,  
 Lou pastour attendri de taous-evenamens  
 S'affligeavo pereou dei marris tratamens  
 Que l'ase avie souffert quand ero à la cadeno.  
 « O moun bouen, si puleou, sachessi toun malhur,  
 » Respoundet lou cura, eme grando simpleso,  
 » N'ooriès pas esprouvat un travailh ooutant dur  
 » Mai ben touei leis effets de ma raro tendresso ».

Ensin parlet; après, garnisset soun boussoun  
 Assez per l'ajudar din soun pressant besoun.  
 Countent de tout eiço nouestre rusat conmpaire,  
 Saludet lou cura, puis senso esperar mai,  
 Courret ver seis amis per li countar l'affaire  
 Et saoupre lou puleou ce qu'avien fach de l'ai.  
 Ero déjà vendu, déjà fasien boumbanço,  
 Mangeavoun paou de pan, mai fouesso de pitanço,  
 Pensavoun gaire an eou et dedin quaouque tems.  
 N'oorie segur trônbat ni l'ase, ni l'argent.

La cambroue doou cura si sentie boueno esquino,  
 Pamen la vesien gaire auar sus lou marca,  
 Desempui qu'à soun nas, l'ase ero esta voula.  
 Soun mestre, s'en va doune à la fiero vesino  
 Per li faire plaisir en croumpant un grisoun  
 Fouguet fouesso suspres, (senso peno es de creire).

Doou moumen que vegnet ei mans d'un maquignoun  
L'ase qu'avie perdu, et que cresie plus veire.

« L'avlou toujours pensat qu'ero un marri demoun ?  
» Et n'en doutares pa, si vous conti l'affaire ; .....  
» M'a troumpat uno fes, iou cresi qu'es ben proun.  
» Aro, fisa-vous li, diguet à l'achataire,  
» Tout coumo eis avoucas serias un pleidegeaire. »  
Adounc, s'aprouchant d'eu : « l'as mai fach lou  
pecca !  
» Li cridet, malhurous ! ti crompe qu voudra. »

A. J. A.

~~~~~

## TISTOUN ET SOUN AI,

F A B L O ,

*Imitado de Moussu Jauffret.*

TISTOUN avie perdu soun ai,  
Et coumo un enfan lou plouravo ;  
N'avie pa tort. Coundaneri jamai  
Lou paoure paysan que lou sort enquietavo.  
Oou malhurous Tistoun restavo un paou d'esponar,  
Grisoun n'avie bessai p'anca perdu la vido.  
Per un d'aquelei tours d'uno testo marrido,  
S'ero segur sauvat, per aquit sus lou souar ;  
Et moun drole leissant la gruppi, la campano,  
Dei prats de soun signour, avie pres lou camin ;

Pondie courre pertout, n'avie ges de cooussano.  
 Tistoun mangeo plus ren, Tistoun din soun mourbin  
 S'en va sercant à travers lei mountagnos ,

Din lei valouns et lei campagnos ,

Lou coumpagnoun de soun travailh ,

Soun tendre ami , soun bouen ai !

Grisoun , es iou , es Tistoun que t'appello !

Grisoun !... Et leis echos, attendris à soun noum ;

Repetavoun souvent : grisoun ! grisoun ! grisoun !

Et de grisoun ges de nouveello.

Ver lou declin doou jour, d'un pas ben degageat ,

Dessus un coulet tout pelat ,

Tistoun grimpo , et , d'aquit pouerto ben luench sa  
 visto.

( L'ourias , en lou vesent eilamoundaou quilhat ,

Pres per un can à la pisto. )

Oh ! que de l'amitie lou coou d'hueil es perçant !

Oou mitan d'un prat verd et fouesso ragoustant ;

Tistoun a vist soun ai brassant l'herbo menudô.

Li volo : bouen grisoun , t'ai troubat à la fin ;

Vene , recounoui-mi , ti foou la ben vengudo.

Lou counaissset que troou nouestre marri lutin.

Oou moument que sus cou li bouto lou grapin ;

Grisoun monestro lei dents , et fa millo sounttisos.

Tistoun cres lou tenir : s'ero deja sauvat.

Ah ! grisoun , moun ami , fagues plus de bestisos ;

Reven à moun oustaou , plus ren ti manquara.

Toueis lei jours ti darai , picoutin de civada ;

Plus ges de coous de fouit , plus ges de bastounado ,  
Seras lou plus hurous dei grisouns doou quartier.

Soun mestre en tout sans cesso lou flatavo ,  
Mai d'aquelei beous mots , moun drole si truffavo.  
Voueli plus estre prisounier !

Toujours li repetavo.

Oh ! bouen Dion , que travailh !

Quand nous fouu ramouli la testo d'un gros ai !

Grisoun , pa mènes , ( admire la puissanço .

D'uno pathetiquo elouquanço ) ,

Pauq à pauq si sente touquar ,

Cres à soun mestre et si leisso estaquar.

Tout d'un coou lou palot encambo sa bourriquo ,

Et changeant , à la fes , de role et de cansoun ,

Dei peds , dei mans et doou bastoun ;

Sus eou toumbet en tyran doumestiquo +

Anen , marcho dounc , vieilh roussin ,

Vieilh pelat , gros couquin !

Enfan d'uno marrido engeanço ,

Mi recounouissiras estou sero , à l'oustaou.

Iou ramplirieu de fèn ta grupi , toun mourraou ,

Eissugaras puleou ma terriblo vangeanço.

Ah ! ah ! moussu lou libertin !

Doublo cargo , souar et matin ,

Ei repas , maigro nourrituro !

Oou dessert de coous de gourdin !

Et changearai segur ta grosso testo duro.

( 167 )

L'ase diguet adounc : « moun mestre m'a troumpat ,  
» N'a ges agut de franchiso.  
» Mai ce que mi tranquiliso ,  
» Es qu'eis homes souvent lon tour es arribat. »

A. J. A.

~~~~~  
**LOU JOUINE LEQUIE ET L'AMOUR ,**

I M I T A T I E N .

JOUINE Lequie, dins lou bouscagi,  
Tendie seis las per leis oousseous.  
Quan tout oou coon , sus lou fuiilagi  
Viguet voula un deis plus beous.

Que ta coulour es esclatanto ;  
Que toun regar pareisse viou !  
O ! que ta vouas deven charmanto !  
Aimabl' oousseou foughesses miou !

Se n'en voulies , de ma tendresso ,  
Que series ben : t'aimariou tan !  
Helas ! creses pa ma proumesso ,  
Moun bel ami , fuges en rian.

O mooudi las , se de lou prendre ,  
Moougra meis vus , as pa pouscu ;  
Seras brula , voon ti destendre  
O mooudi las , as troou visch !

( 168 )

Vieil habitant de la campagno;  
Que tan aprepaou n'en vene,  
Aquel oousseou caouso ma lagno,  
Quan pourrie charma moun lese.

Aremarquas si truffo encaro  
O lou mechant! se lou teniou;  
Dedins lou boues coumo s'esgaro,  
Aremarquas si ris de iou.

Paoure pichoun, carmo ta peno,  
Aquel oousseou s'apelo Amour;  
Et se n'es pa dins ta cadeno  
Tu dins la siou seras un jour.

FF.

---

## LOU GAT,

FABLO.

UN jour un gat de paouro mino,  
A peous blestis, à longo esquino,  
Qu'avie jamai ren que de pan,  
Per pousque soulagea sa fan;  
Las de patir, aguet pensado  
D'abandonna l'oustaon mesquin  
Ounte fasie sa retirado,  
Et de cerqua un miou trin.  
Lou couar tout rempli d'esperanço,

Ane leou dintre d'un palai;  
Aquito li fen fouero esfrai,  
Tant que pousque s'emple la panso  
Et jouissie l'asen boumbanço;  
Mai fouguet vis d'un marmitoun  
Que li raguet fini la festo,  
En li porgen senso façoun;  
Et sus l'esquino et sus la testo,  
Diou soou quant de coou de bastoun.  
Tout derenat, lou gat, pecaire!  
Dins la carriero, ensin qu'un laire,  
N'en marmoutegeavo en courren:  
« Se siou batut mi ya foou ben;  
» Perque quita moun paoure mestre?  
» Se l'aviou pas un gran ben estre,  
» Ooumen degun mi fasie ren. »

Ensin, dirai, l'homme paou sagi  
Que doou siou n'es jamai counten;  
Per troou cerqua pourrie tamben  
Lagramegea mai d'un dooumagi.

FF.



LEIS PLEIS DE LA BASTIDO ,

C A N S O U N .

Moumens hurous et charmans

Que passans à la bastido !

Leis plesis que li goustans

Fan lou bouenhur de ma vido.

Oui , quand lou dissato ven ,

Vo la veillo d'uno festo ,

Soucis s'en van de ma testo

Et siou jamai tant countent. ( bis. )

Escouta n'en lou detail :

Des que la logeo es finido ,

Ooublidi peno et travail ;

De joi moun amo es ravid.

M'accamini donn jouyous

Dedins la pu douço attento ,

Et dex millo escus de rento

Mi rendrien pas pus huroux. ( bis. )

Sus leis huech ouros de souar

Arriban à la bastido ,

Et quaouqueis amis de couar

Sount souvent de la partido.

Songi d'abord aou fricot :

Esti les ? Boueno paraoulo.

Mi metti de suite à taoulo

Et mangi ben moun escot. ( bis. )

( 171 )

Après soupa , lou bostoun  
Quaouqueis houros nous ooucupo,  
Mais fen lou jue tant pichoun ,  
Que degun poou estre dupo.  
Es fini , cadun oou lie  
Va faire sa rroupiado;  
La souarado es terminado  
Et lendeman matinie. ( bis. )

A cinq ouro siou leva ,  
Un bain de mar m'en voou prendre ,  
Et quand mi siou ben lava  
Vite oou gito mi voou rendre ;  
M'asseti per dejuna.  
Coumo ai un apetit d'angi  
Trobi bouen tout ce que mangi ,  
N'en seres pas estonna. ( bis. )

Quand lou ventre es ben repu  
Et qu'aven fa la caouseto ,  
Fuma , dooutant mies begu ,  
Anan faire la rouleto.  
Leis pins oumbrageouu lou soou  
Mounte fen courre la bocho :  
Crignen ges de maou de pocho ,  
La marquo esten à tres soou. ( bis. )

( 172 )

Per varia lou plesi ,  
La roulette esten finido  
Retournan mai ouu logi  
Et cadun fa sa partido :  
Lou bostoun , lou triquetra ,  
Lou loto , la proumenado ,  
Fan ben passa la journado  
Jusqu'à l'houro doou dina. ( bis. )  
Des que lou couvert es mes ,  
Uno soucieta charmanto  
Estoupino à quu mies mies.  
Un pareil tableou m'enchanto !  
Enfin , apres ven leis chants  
De grand couar chascun l'ajudo.  
Ah ! tallo beatido  
Ponesquesso dura cent ans ! ( bis. )  
L.

---

BACCHUS IMITA D'ANACREOUN.

Aro que siou de boueno humour  
A Bacchus voueli rendre ooumagi ;  
Leissas mi boiro à soun hounour ;  
Mi sentirai mai de couragi  
Quand ai begut , un doux transport  
Vers lou plesi toujours m'atiro ,  
Ma vouas esprimo senso esfort  
Ce qu'à moun couar Bacchus inspiro.

( 173 )

Bacchus fa trioumphà l'Amour  
Quand trovo troou de resistencia;  
Leis Graços li duvoun lou jour;  
Tout s'embellit per sa presenço.  
Prochi Bacchus tout es changea,  
Lou bouenhur deven plus facile;  
Lou sort lou plus desespera  
Per eou deven un sort tranquille. (bis.)

La crainte d'un triste aveni  
Quand on buou n'inqueto pas gaire;  
Bacchus a l'art de nous fourni  
Leis moyens de nous en distraire.  
Foou mouri, touteis va saben,  
Et la cavo es inevitablo;  
Saoupre joui doou tems qu'aven  
Acot es proufit veritable. (bis.)

L.



## LA COULATIEN MYSTIQUO,

CANSON.

Din lou caremo uno devoto  
Deis ben nipado, doon gros grun,  
D'aqueleis supoun de caloto,  
Mai que mangeoun pas lou pan brun,  
A la counfesso  
Eme grand presso,

15 \*

( 174 )

Per lou quartier , la famillo et l'honstaon ;  
Si counfessavo ,  
Et debitavo

Leis peca-dillos et leis peca mourtaon ,  
Sus lou point de la penitensso  
Vouyen saoupre en que s'en teni ,  
Venguet à s'en entreteni  
Eme sa reverenci. ( *ter.* )

Juni toueis leis matins , moun pero ;  
Car vous assuri qu'ai à couar  
D'obteni sus aquesto terro  
Lou paradis apres ma mouar.  
Or , veici coumo  
Eme une poumo

Lou souar fouu ma pichouno coulatien :  
Uno ou doues pero  
Fan ben lou sero ,

Leis mangi sans crainto d'indigestien.  
En l'hounour deis plagos sacrados ,  
Eis qualo ai grando devoutien ,  
Mangi eme uno tres-grand'ouction  
Quaouqueis tranchos doourados. ( *ter.* )

Per celebra leis sants mysteri  
Noou dati mi sembloun fouar doux ,  
M'espagnoun souven de clysteri.  
Puis per leis noou couars benhuroux

Un gros arangi  
Ben suera mangi ,  
Senti que mi fa ben à l'estouma.  
La consfituro  
Es nourrituro  
Tres-loougiero et boueno per l'enroouma.  
Enfin, per la Trinita santo  
Bui dous des de bouen vin cue ,  
Senti que mi douno de fue :  
Ensin fasie ma tanto. ( *ter.* )

La devoto toujours parlavo ;  
Tamben lou paoure counfessour  
Saisissen lou tems que crachavo ,  
Li dis : voueli dounc qu'en l'hounour  
De toueis leis viergi  
Brules un ciergi ,  
Et qu'avales onze millo condouns.  
La cavo es duro  
Mai siegues suro  
Qu'ai devers iou d'excellentos resouns ;  
Et coumo per taou cas resoudre  
Foou de tems , es dounc entendu  
Qu'es lorsque leis ouures rendu  
Que pourrai vous absoudre. ( *ter.* )

L.

---

LA GALINO ,

F A B L O .

Uno jouino galino ,  
De boueno raço et de fouar boueno mino ,  
N'en fouguet messo à quoua  
Un an , lou beou jour de santo Anno :  
Douge uous dedins lou nis , per acot prepara  
Espelisseroun jus la troisiemo semana.  
Liavie de que si rejoui  
D'entendre lou charivari  
Deis pioutareous , deis pioutarellous  
Que courrien , en sooutan , eis cris de la quouarello.  
Aquesto , accoustumado à si leva matin ,  
Leis reveillavo à l'aoubo , enourguillido et fiero ,  
Eme elleis prenie lou camin  
Que leis menavo drech à l'iero ;  
Et vague d'estrapia.  
Mai souvent leis plesis , que goustan sus la terro ,  
Accoumpagnoun de pres la mouar et la misero.  
Per un effet de la fatalita ,  
La quouado , en mens d'un mes , venguèt à la mita :  
Restet que siei poulettos  
Menudos , mai tan poulidettos ,  
Qu'oorias vengu touteis leis moussela !

Que coou mourtaou , surtout per uno tendro maire !

Bessai que Diou vouguet puni sa vanita ;

Car gemisset long-tems , pecaire !

Et long-tems faguet que ploura.

Per marquo de doulour pourtavo l'alo basso.

Mai eoumo counserva

Lou restan de la raço ?

Avie fouesso bouen sen ,

Et revenguet de soun accablamen.

Fouguet mai matiniero ,

Et sus ello prenguèt de reveni sus l'iero

A la testo de seis enfans.

Aquit trouveroun de bouens grans ,

Qu'en leis raviseouran

Li donneroun la vido.

Un paou plus tar mourien de fan et de pepido.

Retournavoun , lou souar , ensemble oou galinie ;

Per s'ajouca memo barro servie ;

Car la maire , jamai , n'en laissavo soulettos

Seis aimablos poulettos ;

Et souvent li disie

De prendre gardo oou martre , à l'espervie.

Enfin , nouestro chero quonarello

Si passet pas miech an

Que , graci à seis soins , à seis amours , fidello ,

Faguet tan , diguet tan ,

Que seis siei pioutarellos

Devengueroun grassos et bellos



Oou meme nis fasien leis nous ensen ,  
Et visquercoun d'accord., oh ! quu soou quan de tems !

Certeneis maires de famillo  
Eici veiran uno liçoun ,  
De laquallo an ben gran besoun  
Per mettre oou drech camin seis fillos.

V. F. N.

~~~~~

## CANSOUN SUS LEIS CASTAGNOS.

Sus l'er : *Femmes, voulez-vous éprouver, etc.*

N'aluqui fouesso, qu'en frances ,  
Fan de vers à perto de visto ,  
Et cresoun ave de succes  
Per un mot qu'an pres à la pisto.  
Li diou tout crus : Sias de taloun ;  
En que bouen s'attira de lagnos ?  
Meis amis , fe mi de cansouns ,  
En prouvençaou , sus leis castagnos. (*bis.*)

Vaquito la lengo puleou  
Que pou ben mies agrada eis bellos ;  
Leis bellos aimoun lou nouveou  
Et li dediou meis bagatellos.  
Li dirai dounc que leis marrouns  
Souen la nourrituro ourdinari  
Deis gens que , dins certens cantouns ,  
N'en fan un pan ben salutari. (*bis.*)

( 179 )

Mai naoutreis , que sian pas de gus ,  
Bouillis , roustis , puis en echangi ,  
Li leis ooudren pelas , doudus  
Et glaças à la flour d'arangi.  
Venez leou , veillo de Toussan ,  
Que paire , maire , enfans et fillo ,  
Calegnaires à l'avenan ,  
Aqueou souar trinquoun en famillo. ( *bis.* )

Beou sexo , mi vougues pas maou ,  
Car n'ai ren dich que ti carcagne ;  
Trobi que lou prouverbi es faou ,  
Dins eissot l'y a ren que ti laigne.  
Sie dintre , defouero , pertout ,  
Qu'as de coumun à la castagno ?  
Per nous charma poussedes tout ,  
Et ti trobi senso magagno. ( *bis.* )

---

## R E S P O N S O

A LA CANSOUN SUS LEIS CASTAGNOS.

---

*Meme er.*

Taou fa de parcillo cansoun ,  
Que canto uno bello sourneto  
Et, coumo un trèubadour gascoun ,  
Eis bellos canto enca flouretto.

( 180 )

Iou de leis facha n'ai plus poou ;  
Segur de ma boueno memori,  
Siou de l'avis de l'esquiroou  
Doun Gros (1) nous a counta l'histori. (*bis.*)  
J. C. H. A.

---

L'ESPAGNOOU, SOUN AI ET L'HOSTE ,

F A B L O.

Un-espagnouou vouyageavo soulet ;  
Que diou , soulet ? Per fa soun viagi  
Avie mena soun ai pas pu haou qu'un cooulet ;  
Fier coumo s'avie agu lou pu bel equipagi ,  
Cambo d'eici , cambo d'eila ,  
S'escrimavo en cridan : A ! A !  
Anfin s'accaminavo  
Sus soun roussin , coumo poudie ,  
Mai paou-à-paou lou souleou s'estremavo  
Et la nuech si fasie ;  
Lou ventre li renavo.  
Tout triman si languissie ;  
Quan , per malhur , survenguet un oouragi  
Que lou trempe finqu'à la peou ,

---

(1) Leis fremo an coumo-la castagno ,  
Bellos defouero et dintre es la magagno.  
*La Castagno et l'Esquiroou , fablo.*

Et l'ai et l'espagnoou , touteis dous fasien ragi

Per arriba un paou pu leou :

Anfin, trouberonn uno oouberge.

L'Espagnoou pico.... et l'ai si mettet à brama.

L'hoste , en durben , demando *qui va là ?*

Et l'Espagnoou li dis : Es Dom Sancho d'Ospergeo ,

Carlos de la Fuentes , Franchisco Riberas ,

Estamisga Domingo , y Ramir de Roxas.

De suite l'hoste li respouende :

Lia plus de plaço eici per longea tan de mounde.

Et li flanquo la pouarto ouu nas.

Moun voyageour à la carriero ,

Lou ventre plat et fouesso las ,

Passet la nuech à la fresquiero ;

Car ero trempa jusqueis oues ,

Et n'en prenguet leis maous encoues ,

La testo souto la goutiero.

De tout eissò toumben d'accord

Que l'orguil fa souven grand tort.

J. C. H. A.

L'AI INDISCRET,

FABLO,

*Coumpousado en vers frances per M. Jauffret,  
Biblioutheccari de la villò de Marsillo,*

OOUMAGI OOUFFERT A L'OOUTOUR.

UN jour de festo, avan l'ooubetto,  
Leis campano, leis campanetto,  
Leis galoubets, leis tambourins,  
Annquçavoun, lou roumeiragi  
Que si fasie dins lou villagi,  
A toui leis villagis vesins.

L'ai de Loouren à faire festo  
Ero dispousat, eou tamben :  
Leis bestis n'an marteon en testo;  
Mestre aliboroun enca men.  
Descououssanat dedins l'estable  
Trouvet lou moumen favourable ;  
La pouarto en pencho l'ajudet ;  
Doon tem qu'an eou degun pensavo  
Et qu'ou lutrin Loouren cantavo,  
En galoupegean descampet :  
Touto la meinaou l'ocoublidavo,  
Thereso si poumponnegeavo ;  
Endimenchat, lou beou Tistou  
Pensavo plus qu'à sa Nanoun.

Lou roussin uno fes fouero l'oustaou doou mestre,  
 Cerquo pas lontem soun camin,  
 Et, virañ l'esquino ou moulin,  
 Tiro drech an un prat.... mounte pourrie mies estre?  
 Aquito mangéo en liberta;  
 Si viouto tant que vooü, fa leis tambouretto,  
 Jamai plus hurous n'es ista;  
 En gambadan dessus l'herbeto,  
 Ooublido leis sieis ans de sa captivita.  
 (L'home penso pa d'ordinari  
 A seis millous ami quan n'a pa de besoun.)  
 Quu pensavo an aliboroun?  
 Oourie pouscu dins lou prat soulitari  
 Jusqu'ouo jour en venen fa dura soun bouenhur,  
 En si taisant; mai per malhur  
 Sa vanita, de plesi transpourtado,  
 Vooü ave per temouin leis echòs d'alentour,  
 Et d'uno vouas despastellado  
 Bramet, en eridant coumo un sourd:  
 Echòs, que vouestro vouas à la miouno responde;  
 Publicas, dins tout lou cantoun,  
 Qu'oujourd'hui mestre aliboroun  
 Es l'ai lou plus hurous doou mounde.  
 Tistoun de ben luench entendet  
 Leis brams que dins lou prat gitavo sa bourriquo;  
 Senso espera deis echòs la repliquo,  
 Courren la triquo en l'air, sus lou lue si rendet.  
 La valour de nouestre ai ouo bastoun n'es doucilo:

**Aliboroun** fuget, et fuget à gran pas,  
 Dins l'estable soun doumicilo.  
**Aquito**, pensatiou, cou si diguet tout-bas:  
 Ma lenguo n'es troou ben pendudo;  
 Moun esclatanto vouas m'es uno bello ajudo,  
 Per esvilla leis gens que pensoun plus à iou.  
 Sus l'herbo verto, ah! se jamais poudiou  
 Retrouva lou bouenhur perdu dins la journado,  
 Pregariou plus la Renoumado  
 D'apprendre à l'univers qu'au plesi es lou miou.

## A N V O U A.

Dins la lenguo de Phedro ai liegi de teis fablos,  
 Rendudos presquo inimitablos  
 Per toun fiou qu'a tout loutalen  
 D'un poneto latin, d'aqueleis doop bouen tem;  
 Meritoun dins toun leis lengagi  
 Que si parloun dins l'univers,  
 D'ague de tradutours en prosa coumo en vers.  
 D'aquesto, en prouvençon, ai tenta l'abordagi:  
 Es ma lenguo natalo et la tiouno tàmbe;  
 Coumblaras moun espouar en receben l'oumagi  
 Que ti faou de toun propre ben.

A.

( 185 )

---

## LOU CHIN ET LOU GAT,

F A B L O.

Rouiguetott, chin d'un pastissie,  
Depuis cinq ans fasie la vido ;  
Renouma dins tout lou quartie,  
Ben segur courrie pa bourrido.  
Leis cousiniers, leis marmitoune,  
Li gitavoun seïs rousigouns :  
Escudelavo tout, leissavo ges de restó.  
Quán roudavo li fasien festó  
Per cou ero jour de gala.  
Rouiga leis oues et si vionta d'esquino,  
Galoupa fottéro la cousino,  
Ana buoure ouo prenie vala ;  
V'asseguri que lou coumpaire  
N'en avie ren de mics à faire  
Que de si ben regala.  
Mai coumo nous dich uno fado  
« Lou bouenhur n'es pa de durado. »  
Certen minet ( sàbes que lou gat es catiou, )  
Ven de garapachoun, li dich : mouu pichoun fiou,  
Sieguen amis, ges de rapino ;  
Per tu saran leis oues, prendrai que leis espino.  
Rouiguetout, bouen enfan, si leisset engusa,



Lou griffaire , fin et rusa ,  
 Quan viro l'ui li fa la figo ,  
 L'aganto tout soun bataclan :  
 Lou pe de buou , la testo de marlan ;  
 V'escounde dins uno boutigo.  
 Ven mai virooutegea , li pren l'alo d'un gaou :  
 Cresje que per sa maniganço  
 Rouiguetout changearie d'houstaou ,  
 Vo ben que faouto de pitanço ,  
 Lou paoure chin mourrie de fan.  
 Adounc que fasie nouestre can ?  
 Entremouni , sa tristo mino  
 L'attiravo la coumpatiën ;  
 A minet que voou tout , degun douno plus ren  
 Et chascun li viro l'esquino.  
 Dins soun houstaou , en meme tems ,  
 Qu'ero ouu fin bout de la carriero ,  
 D'autreis minets , seis chers parens ,  
 Tout en li fen boueno maniero ,  
 Li briseroun soun rougatoun ;  
 Per eou , mouret dins un cantoun.  
  
 Diguen en qui va si merito :  
 « Ben maou acquis jamai prouïto. »

A.

## DOUGE FABLES

DE LA FONTAINE.

## LA CIGALO ET LA FOURNIGUO,

FABLO I.

La cigalo tout l'estiou ,  
 Cantavo, fâsie qu'un quiou ;  
 Quan lou caou viret l'esquino ,  
 Ello n'aguet proun canta ;  
 Courret leou crida famino  
 Eis fourniguos seis vesino ,  
 Leis pregan de li presta  
 Quoouqueis mousseou de varmino ,  
 Vo ben quoouqueis pichouns gran  
 Per satisfaire sa fan ,  
 Dins l'hiyer, tem de misero.  
 Vous rendrai , fe d'animaou ,  
 Interets et principaou ,  
 Quan vendra lou mes prouspero  
 Que nous douno leis meissoun.  
 La fourniguo qu'aimo gaire  
 De presta senso resoun ,  
 Parce qu'a ges de besoun ;  
 Car , coumo dien , la coumaire

Donno pa seun lar eis cans.

Li dis, l'estion, dins leis chams

Que fasias de la journado ?

— En cadun, de tout moun couar,

Cantavi matin et souar ;

Mai n'en sigues pas sachado,

Pouedi plus recoumença...

— Cantavias, n'en siou charmado,

Eh ben ! aro foou dansa.

A.

## LOU CROUPATA ET LOU REINARD,

### FABLO II.

Un croupata, sus un aoubre quiflat,

Avie dins souu bec un frouniagi ;

Un sin reinard, per l'oundour attirât,

Li tenguet aquestou lengagi.

Bounjour, moussi, sias ben pouli ;

De toui leis oousseous deon bouscagi

Serias segur lou plus genti,

Se vouestro vouas ero ooutan esclatanto

Que vouestro toumure es charmanto.

A-peno avie fini que mestre croupata,

Per de sa vouas fa veire la beonta,

Li durbe, coume se cantavo,

Soun large bec, lon d'un gros ran ;

Lou froumagi l'escapo et toumbo en roudelan.

Doou tem qu'ero aqui, que badavo.

Mestre reinard lou pren, et li dis, beou moussu,

Tout flattour viou doou ben de quon l'escouto ;

A ma liçoun n'aves vis gouto

Lou froumagi m'es ben degu.

Lou croupata, qu'eisso derouto,

Juro, un poou tar et tout counfus,

Que jamai l'atraparan plus. A.

~~~~~  
LA REINETTO QUE SI VOOU FAIRE OOUTAN  
GROSSO QUE LOU BUOU,

F A B L O III.

Uno reinetto en aluquan un buou,

Troubet qu'ero de bello taillo.

Vaqui que l'envegeoue, pa plus grosso qu'un nou,

S'enflo, si gounflo, et s'estende, et badaillo ;

A lou toupet de ereire, en si forçan,

Esgala doou buou la structuro.

Dis à sa sur : remarquo ma figuro,

Moun ventre es p'encaro proun gran ?

— Noun. — N'a proun ? — Pesquipa. — Oh ! mai

aro ? — Pecaïre !

— Li siou ? — N'en sies ben lun. — Anea, laisse

mi faire.

La pecoro tan ben s'enflet.

Que crebet.

Lou motin d'esplen de gens que n'en souh pa pus sagis;  
 Lou plus mince bourgeois trancho doon gran signour;  
 Tout pichouh prinne a souh embassadour;  
 Tout marquis voon ave de pagis.

A.

LEIS DOUS MUOUS,

FABLO IV.

Dous muous fasien la routo ensen :  
 L'un caregeavo de civado,  
 Et l'autre ero cargnat d'argen.  
 Aqueou de la mounédo, emé souh cambarado  
 Per fouesso n'oburie pas voug changea de fai;  
 Fasié dinda cascaveou et sonnaillo;  
 Marchavo fier, s'arrestavo jamai  
 De volars, escoundas dairie d'uno muraille;  
 L'arrestoun catadan, boutoun sa cargo boulsou;  
 Voou faire lou murri, si fa roumpre de coou :  
 Gemisse, souspiro, reguino!  
 Qu'és tout eissé, dis à souh compagnoun,  
 Tu camines frau doou bastoun,  
 Et iou fouu qu'apari l'esquino?  
 — Es pa toujours hurons d'ave d'emplonai tan habu,  
 Li diguet lon muou souh compaire,  
 Seres muou d'un moounier series sorti d'affa e  
 Senso estre tau malaou.

A.

LOU LOUP ET LOU CHIN,

F A B L O V.

Un loup n'avie que la peou sus leis oues,  
Tan leis chins fasien boueno gardo ;  
Vis un gros dogou que s'affiarde ,  
Certen jour , dins lou foun d'un boues.

Mestre loup voudrie ben pousque livra bataillo ,

Mai remarquan doou chin la bello taillo ,

De fila-dous troubet pruden ;

Et li diguet , fouar poulimen :

Admiri vouestro boueno graci ,

Coumo fez doune per vous tamen porta ?

— Tendra qu'à vous se voulez m'imita

D'estre gras coumo iou. — Adoune que fouu que fassi ?

— Leissas vouestreis parie eici mouri de fam ,

Venez , n'aourez ren aoutre à faire

Que de japa en aquelcis , pecaire ,

Que venoun mandia soun pan.

Oou mestre de l'oustaou en fen quoouqueis caresses ,

Manjearez de fricots de touteis leis façons ,

Oues de poulets , oues de pigcouns ;

Poudez coumpta sus meis proumesses.

De tout eissò lou loup fouguet counten ,

Disoun qu'en caminan , doou gros plaisir pilouravo ,

Et que de ja lou mourra si lipavo.

( 192 )

Cepandan , en camin fasen ,  
S'apercebet qu'oeu chin lou tour doou couel pelavo.  
Fouar estounat , li dis : qu'es acò ? — N'es pa ren.  
— Coumo pa ren ? — N'es pa gran cavo :  
L'aneou ounte sion estaquat  
Ooura , bessai , leissa la traço.  
— Vous estaquoun dounc ! sia forçat  
De resta sus la memo plaço ?  
— Quoouqueis fes, moun ami , mai m'es indiferen.  
— Se v'es egaou , per iou es oontramen :  
De vouestrêis bouens repas , et doou ben que tontaro  
M'avias tan fourtamen venta ,  
Mi souciti plus de tasta.  
Acò dich , mestre loup s'escapo , et courre encaro.

A.

~~~~~  
LA VAQUO, LA CABRO ÈT LA FEDO  
ASSOUCIADO EME LOU LIEN,

F A B L O VI.

Eme un lien , prince redoutat ,  
La vaquo , la cabro et la fedo  
S'esten messo en soucietat ,  
Toui ensen juroun sus sa fedo  
De partagea , en bouen ami ;  
Lou butin qu'ourien pouscu faire ;  
Digueroun qu'esten ben uni  
Poudien que si tira d'affaire .

( 193 )

Dins leis filets per la cabro poounsats,  
Un cerf esten vengu si prendre ,  
Nouestro cabro fa dire à seis assouciats  
Que sus lou champ si dovoun rendre  
Dins taou luech..... Designet l'endret.  
En l'arriban, lou lien sus seis ounglos coumptet.  
Sian quatre , li diguet , faguen quatre partidos.  
Puis reprenghet , senso espera  
De seis socis leis repartidos ,  
Sabes que coumo rei per ion foou coumença ,  
Deis quatre pars m'es degu la primero  
Parce que mouu noum es lou lien.  
Coumo siou lou plus fouar de nouestro reunien  
Dis , en relevan sa criniéro ,  
La segoundo de dre mi ven.  
La tresiemmo es per iou que siou lou plus vaillen;  
Et se quoouqu'un voou touca la darniero ,  
Iou l'estrangli d'un coou de den.

A.

LA BIASSO,

FABLO VII.

Jupiter dignet un beou jour ,  
Que toueis leis animaous eis pe de ma grandour  
A la fes vengoun coumpareisse ,  
Et se per seis defaous quoouqu'un voou tourna neisse,



Voueli qu'eici va pousque desclara ,

Oourai esgar à ce que mi dira.

Tu singe , lou premier , coumparo ta figuro

Eme d'aoutre animaous , digo , sies-ti counten ?

Siou pa maou fach , et m'atrobi fouar ben ,

Ai pa tan marrido tournuro

Que moun counfraire l'ours : si fara pa pinta ,

Lou gros palot , se mi voou creire.

L'ours fouguet alors counsurta :

De davan , de darrie , de caire ,

Per ben dire de tout constat ,

Ero counten de sa persouno ;

Mai troubet l'alafan assas maou fagoutat ,

Seis ourillos troou grando et sa coue troou pichouno ;

Et l'alafan , tout sagi qu'es ,

A soun tour resounet pa mies ;

Diguet : la baleno es troou grando.

La fourniguo tamben respouende à la demando ,

Et pretende que lou ciroun

Es uno briguo troou pichoun.

Ensu Jupiter leis emmando ,

S'esten l'un l'aoutre coundamna ;

Mai parmi leis plus fouels distinguen nouestro raço.

Que siguen laid , que faguen la grimaço ,

Sian toujours lest à s'excusa ;

Mai cuillen leis defaus deis aoutreis ,

Per eleis sian tout uils quan n'aven ges per naoutreis ;

Saben dire à chascun soun vers.

( 195 )

Lou Gran Mestre de l'univers,  
A tout home a douna la biasso a doux bassaquos,  
D'an premier, tout coumo oonjour d'hui;  
L'uno davan, per leis dequos d'ooutrai,  
L'aoutro darrie, per nouestreis propreis taquos.

LA DINDOULETTO ET LEIS PASSEROUNS

FABLE VIII

Qu'a fouesso vis duou estre sagi :  
La dindouletto, en changean de pais,  
Avié proufita de seis viagi.  
Ello douinavo seis avis  
Sus la grelo et sus leis oouragi,  
Et s'enganavo raramen ;  
Ce que fa que la distingavoun  
Deis'francs menturs, divinaire de tem.  
Arribet qu'un beou jour, vesen que semenavoun  
De canèbe dedins un cham,  
Dis eis pichouns oousseous : eisso m'agrado gaire,  
Et vous plagni, pouureis enfan ;  
Car per iou, lun d'eici mi tirarat d'affaire.  
Viàs ben aquello man que camino dins l'er,  
Ce que semenò es vouestro perto ;  
D'acò neisse lou fiou, leis rets..... Sigues alerto,  
Sus leis attrapatori agues leis uils duber.  
Estre pres mouar ou viou es lou sor que v'espero ;

( 196 )

Quoonque jour , et ben leou , vous faran cousinsats ,  
Vo dins la gabi ooumen seres emprisonats .

Crese-mi dounc , vous parli coumo un pero ,

Mangeas lou gran qu'es semena ,

Car plus tar serie uno misero :

Avien troon de que vionre et l'escouteronn pa .

Lou canebe ven ver. Fooou , dis la dindouletto ,

Per n'en veire la fin , fiou à fiou lou coupa . . . .

Alors si truffonn d'ello , et , la leissan souletto ,

Li dien : habillardo que sies ,

Predises que malhur , teiso-ti ; que voudries ?

Per va deraba tout de fillo ,

Nous foudrie estre mai de millo ,

Encaro n'en vendrian p'à bout .

Enfin la recorto vengudo ,

La dindouletto crido ajudo .

Fooou que v'ensigni jusqu'ou bout :

Creissoun leou leis marrideis planto ,

Mai , puisque m'aves pa escouta ,

Quan veires que de tout cousta

La terro es alestido , et lou gavoue s'aplanto ,

Que leis cassaire van tendre seis trebuquets ,

Envisqua seis verguetto , esperan de vous prendre

Vous counsilli d'estre eis aguets ,

Et de vous pa leissa surprendre .

Per que v'arribe ges de maou ,

Duourias pa boulega de plaço ,

Et resta din vquestreis oustaou ;

Vo ben fuges , fe coumo la becasso ,

Coumo l'agrué et lou canar ! A

Es vrai que sias gaire agile ,

Vous serie belcoun difficile ,

De travessa leis deserts et leis mar ,

Ce qu'avez donné de mîes à faire ,

Es de vescondre dins un traou ,

Leis ousselouns , lun de la creire ,

Fatiguas d'un tan lon prepaou ,

Gazouilloun , chascoun soun ramagi ,

Toueisen sen fan mai de quanquan ,

Que leis Troyens , dins soun lengagi ,

Quan la fillo doou rei Priam

Per predire durbie la bouquo .

Tout coumo es arribat ce que Cassandro a dich ,

De nouestro dindouletto es lou dire accomplit ;

Vis mai d'un ousseloun qu'eis verguettes s'ajouquo ,

Deis lequos , leis traou soun toni plen ,

Per vouel , dins leis rets , si fan prendre .

Eis bouens avis voulen jamai nous rendre ,

Cresen lou maou quan n'es plus tem . A.

~~~~~  
LOU GARRI DE VILLO ET LOU GARRI DE  
BASTIDO ,

#### FABLO IX.

Un jour , lou garri de villo

Invitet aquecòu de champ ,

( 198 )

D'uno maniero civilo,  
A veni tasta soun pan.

La napo ero ben garnido,  
Lou repas fouéssou courrouss,  
Vous leïssi pensa la vido  
Que devien faire toui dous.

L'avie per rouïga de resto,  
Manquavo ren oou festin;  
Mai quooouqu'un troublett la festo  
Qu'eroun p'anca ben en trin.

Oouseroun, dins la cousino,  
Un bru que leïs esfraièt;  
L'hoste vîret leon l'esquino  
Et l'invita lou suivet.

Revengueroun, daïse, daïse,  
Quan lou bru aguet cessa;  
Lou mousou si bouto à l'aise,  
Dis: rouïguen, fouu ren leïssa.

Lou païsan ravi s'escriido:  
N'ai proun; deman suive-mi,  
Oouren, dins nouestro partido,  
Gaire de mouçous choousi;

Mai ren vendra n'interroumpre ,  
Mangearen eme lesi.  
Quan l'esfrai poou lou courroumpre ,  
Leissa m'esta lou plesi. A.

LOU LOUP ET L'AGNEOU,

F A B L O X.

Anan prouva que de touto façoun ,  
Lou pus fouar a toujours resoun.

Un agneou si desalteravo  
Dins l'aiguo doou biau d'un moulin ;  
Un loup , despei l'aoubo en camin ,  
Per assoula sa fam de tout cousta roudavo :  
Vis de lun lou timide agneou ,  
En quatre boun es prochi d'eu ;  
Dis , per li serca rouigno : — Admiri toun hardiesso ,  
De veni , dins d'aquestou pra ,  
Troubla moun abeouragi , et buoure à moun vala ;  
Auen , de ta fouello jouinesso  
Voou puni la temerita.

— Signour , li dis l'agneou , que vouestro majesta  
Si fache pa senso m'entendre ,  
Mai pus leou que vougue coumprendre  
Qu'en buven l'aiguo doou vala ,  
Plaçat , coumo siou , soute d'ello ,  
Li la pouedi jamai troubla.

La troubles , affrontat , dis la besti cruelle ,  
Et sabi que l'aoutre an ti truferes de iou.

L'agneou repren : — Teti encaro ma maire,  
L'a siei mes qu'eri p'anca viou.

— S'es pa tu dnou estre toun fraire.

— N'ai ges. — Es doune quoonqu'un deis tiou ;

Car tei pastre , tei chin et tu , m'espargnas gaire.

Mi v'an dich , mi voueli vengea.

Lou loup per termina l'affaire

Oou foun doou boues lou va mangea.

A.

---

## LEIS VOULURS ET L'AI ;

### F A B L O   X I .

Per l'ai qu'avien rooubat dous voulurs si batien ,  
L'un voulie lou garda , l'aoutre lou voulie vendre ;  
Doo tem qu'à coou de poun lou mourre si roumpien,  
Et qu'avien , touteis dous , proun peno à si desfendre,  
Arribo un tresième laroun  
Qu'empouarto mestre aliboroun.

Nouestre ai pouu figura lou pais lou plus mince ,  
Et leis voulurs taou vo taou prince :  
Lou Transilvan , lou Turc , l'Houngres.....  
N'en vauliou dous , n'ai trouva tres ;  
N'es pas requisto marchandiso.

Quan si soun esquintats, qu'uno villo es counquise,  
Soun pa mai avançats; car arribo souven  
Qu'un quatrieme la pren.

A

---

LOU GA'OU ET LA PERLO,

FABLO XII.

Un jour un gaou atroubet  
Uno perlo, et la dov~~re~~  
Oou beou premie lapidaire:  
Cresi qu'es fino, li di,  
Cepandan un gran de mi  
Farie ben mies moun affaire.

Un gros palot heiritet  
D'un manuscrit, lou portet  
A soun vesin lon libraire:  
Cresi, dis, qu'es doou peçu,  
Mai lou plus pichoun escu  
Farie ben mies moun affaire.

A.

---



## LOU MALHUR,

## C O N T E.

Quan dias de la marido estello  
 Que lou destin vous a douna !  
 Veicito uno histori nouvello  
 Oou-soou la leisses pa toumba.  
 Nicoulas perdet soun bouen pero  
 D'uno esquichaduro oou galet,  
 Ce que fet q<sup>u</sup> sa paouro mero  
 En s'accouchan d'èou trecoulet.  
 Li douneroun uno nourrisso  
 Qu'en ren de tem manquet de la ,  
 De l'affaire aguèt la joounisso ,  
 Mai cepandan n'en crebet pa.  
 Soun estrachano nourrissiero  
 Fasia de soun bres un poussion ;  
 Rouiga deis puons , pita dieis niero ,  
 Nuech et jour jitavo qu'un quïou.  
 D'abord que commencet à courre ,  
 Ero encaro maou engooubiat ,  
 Toumbet , si roumpet pa lou mourre ,  
 Mai doou coou restet estroupiat.  
 Seis nourrissie cresien , pecaire !  
 Pousque ransouna seis paren ,  
 Mai coumo l'aguèt ren à faire ,

Un jour li digueroun vai-t-en.  
 Nicoulas pren uno gourdetto,  
 Parte en regretan sa chambretto,  
 Et s'enrego dins lou valoun;  
 A-peno s'ero mes en routo,  
 Avie bessai pa fa cent pas,  
 Que senten seis membre en derouto,  
 Si pouuset parce qu'ero las.  
 Or, escoutas ce que l'arriba,  
 Car voueli va vous racounta :  
 Caminan, prochi d'uno ribo,  
 Per de voulurs es rescountra;  
 Leis mooufatan, que voulien rire,  
 Coumo lou vien tout escloupa,  
 Li dièn : l'ami foou nous predire  
 Tout ce que nous doou arriba;  
 As la mino d'un divinaire.....  
 Eou, senso si descouncerta,  
 Dis : voueli ben vous satisfaire,  
 Mai, cent escus mi foou donna.  
 Quan leis ten, soou plus coumo faire,  
 Demando un lon bastoun troouca,  
 Cerquo d'alongui : et de tout caire.  
 Traço de rouu et de cara.  
 Touteis leis bandi s'amusavoun,  
 Disien : bessai es doou mestie :  
 Mai doou tem que lou regardavoun  
 Vien veni la gendarmarie,

Que leis ven fa courre bourride :  
 De si soouva agueroun gaou ;  
 Leis cavaliers , à touto brido ,  
 Li dounavoun casso à chivaou.  
 Nicoulas aguet bello dire  
 Qu'ero pa na per fa de maou ,  
 Lou brigadie faguet que rire  
 De veire un voulur tan malaou.  
 L'arresto , li pren la gargoussou ,  
 Et li dis , sies lou tresourie ,  
 Avies assas dedins ta bousso  
 Per pa mouri sus d'un fumie ;  
 Mai faras uno fin plus bello :  
 Se ti fan graci doou carcan ,  
 Poues ben mettre dins ta cervello  
 Que de tout maou ti gariran.  
 Leis gendarmos lou carregeavoun ,  
 En lou tirassan en prisoun ,  
 Lon doou camin lou galegeavoun ,  
 Et lou tratavoun de capoun.  
 Lei jugi li fan la demando :  
 Perque voulavo ou gran camin ?  
 Diguet qu'ero pa de la bando ;  
 Que jamai n'ero ista un couquin.  
 Coumo Messies de la justici  
 Trouveroun ren à li prouva ,  
 Sie per deve , sie per caprici ,  
 Li renderoun la liberta.

En si soouvan de la partido ,  
 Fouguet , lou paoure Nicoulas ,  
 Hurous uno fes dins sa vido ,  
 Esquivet aqueou marri pas.  
 Tan que fouguet dessus la terro ,  
 Aguet pa un moumen de repaou ,  
 Estiou , hiver , en pas , en guerro ,  
 Esprouvavo ren que de maou.  
 Voulie pasta lou four toubayo ,  
 Voulie dourmi n'ero empacha ,  
 Voulie bouaro la fouen sequavo ,  
 Voulie courre va poudie pa ;  
 De ce que fa l'on si degousto ,  
 Lou destournoun qu'es p'auca en trin ,  
 Fa beou tem quan resto à la sousto  
 Et ploou se si mette en camin.  
 Enfin dirai pa seis misero ,  
 Toueis seis malhurs , seis controtem ;  
 Lou Ciel contro eou ero en coulero ,  
 Mouret senso ave de beou tem .

Eis gens qu'an jamai ges de lagno  
 Nouestro histori poou agrada ;  
 Mai sera ben uno aoutro argagno  
 Per leis poourei maou adouba .

A.

LOU BOUENHUR,

C O N T E.

A peno escapat doou coulegi  
 Iou m'entrignerî de moun mies.  
 Lou bouenhur mi dis : » ti proutegi,  
 degun plus hurous que va sies ! »  
 En effet faguerî fourtuno;  
 Puis coumo marida si fooou  
 Cerqui frumo, n'en trobi uno  
 Qu'ero poulido coumo un soou ;  
 Avie per doto uno bastido.  
 Iou croumperî de moun trabai  
 Uno voituro assas poulido,  
 Per chivaou li bouteri un ai.  
 Lou souar d'ouou dissato l'anavi,  
 Vo lou diminche bouen matin ;  
 Eme ma'mouille, carregeavi  
 Un ami, vo quoouque vesin.  
 Oou fres li fasian la partido,  
 Jugavian eis bochos lou souar :  
 Passavian douçamen la vido,  
 En fasen liguette à la mouar.  
 Ma frumo mi fet uno fillo  
 Qu'eimavian de tout nouestre couar ;  
 Va meritavo, ero gentillo,

Pouartavo soun cor noblamen.  
 Ensin s'enreguet ma famillo ;  
 Meis plesis anavoun creissen.  
 Un jour pren fue dins ma bastido ;  
 Ma frumo crebo an un cantoun ;  
 Et ma fillo s'es enfugido ,  
 Mi dien qu'es eme un beou garçon.  
 De lagno moun amo es sesido ;  
 Escouti que lou desespouar ;  
 Cresi dins uno aiguo rapido ,  
 De pousque rescountra la mouar.  
 Courri , l'Huveouno si presento ,  
 Foon qu'un saou doon bord jusqu'avaon ;  
 Mai hélas ! moougra moun attento ,  
 Mi fagueri pa ges de maon.  
 L'aiguo m'embalo , et puis mi gito  
 Sus la ribo plus mouar que viou.  
 Un ami ven , si precipito ,  
 Mi saouvo , et rende graci à Diou !  
 Quan viguet que viviou encaro ,  
 Mi dis : « conragi , as ren perdu ;  
 Rassuro-ti , veiras toutaro  
 Frumo , fillo..... tout t'es rendu. »  
 — Sabi p'enca se siou en vido.....  
 Es bessai per mi counsoula ;  
 Mai doon fue qu'ero à la bastido ,  
 N'en dies ren , tout s'esti brula ?  
 — « Ta fillo s'ero pa enlevado ,

( 208 )

V'avies cresu maou à prepaou;  
Et ta frumò s'es ajudado  
D'amoussa lou fue de l'houstaou.  
Quan va ti diou va pouedes creire ;  
Es taou et quaou qu'es arriba. »

Aquesto histori nous fa veire  
De jamai si desespera.

A.

## VERS SUS LEIS BEIN VAILHEN,

PROCHI MARSILLO.

Houmero , en grec , a canta leis Troyen ;  
 Virgilo , en latin , l'Eneido ;  
 Germain deis Dion a rima la Bourrido ;  
 Voou raconta leis bein Vailhen.  
 L'avengle grec , vo borni de Prouvenço ;  
 Deis poueto es lon capourie ,  
 Et lou latin counouisse lou mestie ,  
 Seis escri en trouva chabenço.  
 Nouestre Germain , poueto prouvençaou ,  
 Es doucerous , plen de finesso ,  
 A d'expressien , de fuech senso rudesso ,  
 Tout que n'en vouele pa tan haou ,  
 Quaouqueis rimur voudrien suivre seis traço ;  
 Lou premie mo leis a tanqua :  
 Es venamen , per si desencala ,  
 Qu'escoouffarien seis couar de glaço.  
 Leis dous aucian poueto doou gros grun ,  
 Doun l'harmounie et la cadanço  
 An fa cailla leis rimaire de Franço ,  
 Souu ben enkrat , crignoun degun.  
 Tamben n'ai pa la pretentien muscado  
 D'ave jamai un taou renoum ,



Sabi troou ben que per si faire un noum ,  
 Troumpeta per la Renoumado ,  
 Leis Troubadour , eleis qu'avien lou fiou ,  
 Coumo dien jusqu'à la mounturo ,  
 Lou plus souven n'en an passa de duro :  
 Digas-mi que serie de iou  
 Se m'eri mes dins ma paouro cervello .  
 Que pousquessi leis imita ;  
 Serieu pa iou que v'aguessi tenta ,  
 Leis Muso mi soun troou rebello.  
 Moun signe gran , mai d'un coou , mi disie :  
 Crese-mi , sies un fustegeaire ,  
 Fagues jamai ce que pouedes pa faire ;  
 Enembro-ti teis devancie ,  
 Erroun pruden , pesavoun touto cavo ,  
 Si serien jamai embarqua  
 Qu'esten segur de si pa desbooussa ;  
 En va' disen noun si trufavo .  
 Soun pichoun fiou se n'es ensouvengu  
 Et a dich senso aoutro charado :  
 Leissen 'sta aquit ce que la Renoumado  
 Dira que noun m'es pa degu ;  
 Contentet-sei de rima nouestro histori  
 Coumo la plume l'escrioura ,  
 Per ben fini foun ben acoumença .  
 Lou fet es digne de memori :  
 Moussu Vailhen , fabrican de bounet ,  
 Sabi pa s'ero un jour de festo ,

(( 21 ))

Espelisset un proujet dins sa testo,

Et n'entreprenguet tout d'arret,

D'ana planta ouu pe de sa bastido,

Ensin que va voou racounta,

Leis bein de mar qu'a fach executà

Dins uno aiguo claro et choousido.

Prochi Marsillo, ouu nord, apres d'Aren,

Fouu faire counouisse l'adresso :

A man senequo atroubas la traversso

De la Madrago, vo d'Ensen.

Enrega-la, caminas uno sequo

D'un bonen quart d'houro s'anas plan,

De des minuito ouu mai en ben triman.

Laissas, à vouestro man senequò,

Vo vert, vo gris, un pareou de portaou;

Applantas vous à la placetto

D'un gran portaou tout nouu; coulour d'herbette;

Aquit li sias, es pa pus haou.

Se poudes pa, se n'avez leis moureno,

Et que v'empachoun de marcha;

Per pa susa, ni mai vous fatigua;

Et vous espargna fouesso peno,

Se mi cresez vous farez caregea :

Uno vouturo es alestido

Per leis malaou; leis menò à la bastido;

Farez ben de n'en proufita.

Vo s'aima mies; per suivre uno aoutro route,

Anas per mar eme un bateou;

Doou tandoule qu'apparo lou souleou ,  
 En v'assetan mettez vous souto.

De gran matin demanda permissien  
 Oou Dieou Eolo lou bouffaire ;

Car ououtramen vous laissarie pa faire ,  
 Arestarie l'embarcassien :

Vo ben soufflan sus la barquo loongiero  
 Virarie coumo un cabudeou ,

A vouestre nas lou malhurous bateou.  
 Leis ciseous de la filandriero

N'en couparien , per la primero fes ,  
 Lou sou d'uno troou courto vido.

Per vous gari n'ouourias fach la partido  
 Que dins lou cros vous ouourie mes.

Choousissez dounc per qu'hurous sie lou viagi ,  
 L'instant qu'Eolo encadena ,

N'en pousque pa vous faire chavira ,  
 Et v'acclapa dins un nououfragi.

En navigant veirez de pescadou ,  
 Eis filets coumo à la canetto ,

Empli de pei , de pichouneis gouarbetto ,  
 Per vendre à tout lou Tarradou.

Remarquarez ouou lun dovatres ilo ,  
 Ratouneou , Planie , Bramepan ;

Lou casteou d'If , Poumeguo soun davan ,  
 Et leis aoutreis darrie de filo.

En arriban prenez un pouou lou fres ,  
 Avan d'intra dins l'aiguo fresquo ;

Car aoutramen p  urrias faire la pesque,  
 Vo per mies dire n'  tre pres ,  
 D'un enroouma , vo de d        d'esquino,  
 Tout acot si p     rescoutra ;  
 N'  ourrias bessai quaonque point de cousta ,  
 Vo quaouque fluxien de peitrino.  
 Mai en prenen de boueneis precooussien,  
 Leis bein vous seran salutari.  
 Quan fach ben caou , devenoun necessari  
 Eis malaou d'imaginassien.  
 La faculta , mai d'un coou , leis ourdoune  
 En aqueleis que n'an besoun ;  
 Et mai d'un coon , an fach la guarisoun  
 De certeneis jouino persouno.  
 Surtout l'estiou fan de ben eis malaou ,  
 Soun bouen eis fou     , coumo eis sagi ;  
 Enflegeoulit , poud     n'en faire usagi ,  
 Expres per vous l'y a de bein caou.  
 Soun dins un luech qu'es embellit deis fado :  
 Un gran roun de vasos de flour  
 Formo un bassin ; leis bein soun    l'entour ,  
 Choousiss       queou que v'agrado.  
 Vous dounaran ce qu'  ourez de besoun ;  
 Li trov       la campanetto :  
 S'un maou de conar vous pren dins la chambretto  
 Apountelas v          cordoun ,  
 D'un prom secous recevrez l'assist     .  
 Sias      bein coumo dins un lie ;

Taoulo ou cousta , cadiero , rastelie ,  
 Miraou estaca d'uno ganço.  
 Li manquo ren de tout ce que vous fouu  
 Per prendre un bein d'aiguo salado :  
 Torchoun ben fin , servietto ben lavado ,  
 D'ave faouto n'agnez pa poou.  
 Poudez liegi , un fenestroun v'esclaro ,  
 N'en sias ou fres , degun vous vis  
 L'aiguo en courren souto leis piloutis  
 Si renouvello , es toujours claro.  
 Dins ges de bein l'y a talo proupreta.  
 De l'aiguo dessus la peitrino ,  
 Lou yai , lou ven , en refresquan l'esquino ,  
 Emballo la maouproupreta :  
 L'y a ges d'oudour ; se va voules pa creire ,  
 Mcougra que siou digne de fe ,  
 Qu'ai pres de bein et qu'assuri lou fe ,  
 Vous counsilli de v'ana veire.

---

#### ENVOUA A M. VAILHEN.

MARSILLO ti douu rendre noumagi ,  
 Et sencoou..... mai n'es p'anca tem !  
 Vagues pa trecoula , ou millou de toun agi ,  
 Per ti veire puleou eleva un mounumen.  
 Counservo à tei amis ta vido fourtunado :  
 Countento-ti doou coumplimen  
 Que requebes de toun viven.

( 215 )

La glori de ta renoumado  
Toujour troou leou counservara toun noum.  
Senso espera la fin de ta carriero,  
Veissito coumo , à ma maniero,  
Ai vougu de teis bein publica lou renoum.  
En li counsacrau meis souarado  
Ai fach ce que t'ero degu;  
T'ooufri meis vers , s'aco t'agrado  
Reçube leis , oouras coumblat meis vu.

A.

---

E N I G M O .

N'en douni de liçouns , ensigni tout lou mounde ,  
Senso ave ges de lenguo iou parli maou vo ben;  
Mai de tout ce que diou , iou meme sabi ren.  
L'un mi daouro l'habit , dins l'armari m'escounde;  
Aquestou m'a toujours eis man ,  
Senso pouarto mi durbe et mi sarro subran.  
L'aoutre m'aganto , et puis m'estrasso :  
Qu mies m'aimo , mai mi tirasso.

A.

---

---

LA TESTO DOOU GA COUPADO ,

C O N T E ,

I M I T A D E L' A R A B E .

Se là cadeno doou mariagi  
Fa quoouqueis fes passa de mari tem ,  
Es que , souven , dins lou meinagi ,  
L'home voou coumanda et la frumo tamben.  
Vous que pretendez à la glori  
D'estre mestre dins vouestre oustaou ,  
Proufitas doou mouyen que douno aquesto histori ,  
Mai l'empleguez jamai fouero prepaou.

Doou tem que Mahoumet prechavo sa doctrino  
Oou credule et benin pople de l'Oourian ,  
Dous bouen frero vivien , arabe d'ourigino ,  
L'un s'apelavo Omar et lou segoun Rustan :  
Toui dous garçoun. Omar , d'humour guerriero ,  
Cuber d'uno noblo pououssiero ,  
Desfendie l'hounour doou crouassan.  
Rustan aimavo l'abstinenco ,  
Et boutavo touto sa scienco  
A medita sus l'alcoran.  
Quouaque jouven , vesien approucha l'agi  
De pousque si mettre en meinagi ;

Après ave fouesso tem calcula,

Afin de si ben marida,

Choousisseroun doui surs d'uno boueno famille.

Dins lou Levan mai qu'à Marsillo,

Es facile de s'embula ;

Car si prendre senso si veire

Es hasardous, va poudes creire.

Omar, en pruden ooufície,

Que sabie faire soun mestie,

Per mies counserva sa puissanço

S'aviset d'uno maliganço.

Lou premie souar, avan de si coucha

Eme sa nouvello espousado,

Dins uno armari ben sarrado,

Prochi doou lie, faguet escoundre un ga.

L'animaou enferma juravo à sa maniero,

Si desoulavo, si plagnie ;

En l'entenden, Omar souarte doou lie,

Fa lou semblan d'estre en coulero ;

Pren soun lon sabre, catacan,

Coumo un furiou, crido, tempesto,

Durbe l'armari en blasteman

Et doou ga fa soouta la testo.

Quan la bello viguet aquello expeditien,

Sentet oou foun doou conar uno grando emooutien.

« Moun Diou, diguet dins sa pensado,

» Eme quu mi siou maridado ?

» Se l'ouubeissiou pa m'en pourrie faire ooutan. »



Et dres d'alors , la boueno damo  
 Devenguet souplo coumo un gan.

Ero ben outramen chez lou paoure Rustan :

Tout dins l'oustaou fasie coue-levo ,  
 L'avie jamai ni pas , ni trevo ;  
 Sa mouille coumo un Lucifer ,

Fasie sero et matin un chamatan d'infer.

Per sourti d'aquello galero ,

Nouestre lettru va counsurta soun frero.

Omar li dis tout ce qu'a fa ,  
 Et coumo se n'es ben trouva.

En l'entenden counta l'affaire ,

Rustan repren : leisso-mi faire.....

Lou souar vengu , senso façoun

Coupo la testo an un gatonn.

Ma sa frumo sachen de sa sur l'aventuro ,

Oou lue de fa tristo figuro ,

Ris sus lou nas de soun home estonna ;

Et li dis : « tei furours ti serviran pa fousse ,

» Es la premiero nue deis nouesso

» Que foou coupa la testo oou ga. »

T. A.

## V E R S

*Adreissas à Moussu JAUFFRET, fabulisto frances,  
en l'ooufren la traductien prouvençalo d'uno de  
seis fablos.*

Dien qu'un aimable troubadour,  
Que dins Ais fach sa residenço,  
Va mandat, un d'aquesteis jour,  
Per soulagement de l'absenço,  
En patois, un poulit mouceou  
Qu'avie tira de soun cerveou;  
Et qu'un aoutre, eici de la villo,  
Qu'a pas vougu resta en darnie,  
A bouta dessus de papie  
La traductien gaire facilo  
D'uno peço de vouestre cru :  
Y'an fach ce que v'ero degu.  
Iou, que siou encaro novici,  
Vous pregui de m'estre proupici;  
Cartoujourd'hui voueli tamben  
Vous faire moun pichot presen.  
A moun admiration fidele,  
Ai degu choonsi moun moudele.  
Dins vouestreis escriis tan charmans,  
Fach per l'instructien deis enfans;

Et per estre ooumen supportable,  
 Se pouedi pa estre agreable,  
 Dins moun jargoun ai agença  
 Ce qu'avan iou avias pensa.

---

## LOU CARAGOOU ET LA GUESPO,

### F A B L O.

Un caragoon, tirassan sa quicoro,  
 Roudegeavo dessus la paret d'un jardin  
 Embelli per leis maïs de Floro;  
 En caminan, entr'eou si resounavo ensin:  
 Dins d'aquestou jardin ai vongu m'introduire  
 Souldamen per rouiga, per destruire,  
 Tout m'a ruissi jusqu'aro; et; graci à Dion,  
 Ai despasse la muraillo, et li siou.  
 Trobi, à ben regarda, ma tournuro acabado  
 Per fa lou mestie de boumian;  
 Li viou de nuech, et-foou routo en rampan  
 Coumo la ser la plus rasado.  
 De ma vido ai jamai ni canta ni sibla,  
 Et degun s'es plagnut que l'agni revilla.  
 Meis ueils si pouartoun de tout caire,  
 Fuero de ma testo aloungas  
 Sus d'un pecou sembloun quillas;  
 Viou vite lou dangie, tambern lou crigni gaire;

Oou mendre bru que mi vengue alarma  
Dins moun creveou siou leou barricada.  
Et per tout dire enfin , teni de la naturo ,  
    Uno coulour assas obscuro  
    Per que de prochi vo de lun .  
    Siegui jamai vis de degun .  
En dian aquo , si parlavo à vouas basso ;  
    Mai uno guespo qu'entendet  
    Sa charadisso , li diguet :  
    Vies pa que pertout leisses traço ,  
Mespresable animaou , moondi doou jardinie ?  
Et que toun corps , rempli de bavaduro ,  
    Sie de davan , sie de darrie ,  
    En tout lue leisso sa vouchuro ?  
  
Per ben qu'un maoufatan sache si deguisa  
Quoouqu'un de seis defaous toujours lou trahira.

T. A.



LEIS DOUS VOYAGEOURS,

FABLO IMITADO DE FLORIAN.

Lou coumpaire Miqueou et lou coumpaire Jan ,  
Touï dous lou sa dessus l'esquino ,  
S'enanavoun ensen à la villo vesino.  
Miqueou atrobo , en caminan ,  
Uno bourso de louis ben pleno ;  
L'empocho catacan. Jan , d'un air satisfa ,  
Li dis : per naoutre quinto ooubeno !  
Miqueou repren , de joïo transporta :  
*Per naoutre es pa lou mot , per iou es aoutro cavo.*  
Jan, qu'ero bouen enfan, sentet lou maou en quones,  
Senso lengo bada prochi Miqueou marchavo ,  
Quan de voulurs souartoun doou foun d'un boues.  
Miqueou, tout espoourit, dis : sian perdus coumpaire!  
Noun , li dis Jan , *sian* es pas ben parla ,  
Mai *siou* serie mies dich. Per accoumpli l'affaire  
Jan s'escapet senso si fa prega :  
Entremouni , giela , Miqueou pousquet pa courre ;  
Li prengueroun soun or , et si frutet lou mourre.

Quu voon joni soulet de soun bouenhur ,  
A ges d'ami quan l'arribo malhur.

T. A:

## LA NOVI ET SA COUMAIRE.

Grosso de soun premier enfan,  
Madeloun vesie qu'en tramblan  
Approucha l'ouro de lou faire.  
S'en va counsurta sa coumaire  
Que li dich: vai, l'accouchamen  
Es per toun maou soulageamen;  
Ai fach d'enfans uno dougeno,  
Et n'accoumpliriou la quingeno  
Puleou que d'avala un pan cuech,  
Ensin ti boutes plus en peno.  
Certo, repliquet Madaleno,  
As doune lou goousie ben estrech.

T. A.



## A L'UVEOUNO.

L'HISTORI vento l'Escamendre ,  
 Despui que seis bors desoulas  
 An vis tan de sang si reprendre ,  
 Et tant de poples rassemblas  
 Per réduire uno villo en cendre ;  
 Lou Nil , lou Danubè , l'Escò ,  
 An oousi Mars , de soun tounerro  
 Acoumpagna de cris de guerro ,  
 Faire retènti leis ecò :  
 Cadun leis counouis sus la terro.  
 Tu qu'arroses nouestreis jardins ,  
 Que fas creisse nouestre fourragi ,  
 Que fas vira nouestreis moulins ,  
 Reçube oujourd'hui moun oumagi ;  
 As jamai ges vis de coumba ,  
 Ta tranquilta m'en respoude :  
 Coumo as fach que de ben ou mounde ,  
 Per lou mounde sies ignoura.  
 Asseta souto toun oumbragi ,  
 En senten lou baoume deis flours  
 Doun si paro toun fres rivagi ,  
 'Oublidi touteis leis erreurs

Que de l'home soun lou partagi ,  
 Leis plesis que coustoun de plours ,  
 Deis faous savens lou repepiagi ,  
 Et l'orguil deis vanos grandours .

Pesiblo Uveouno , uno vittori  
 Oourie pouscu ti faire un noum ! ...  
 En que serve tan de renoun ? ...  
 Meis vers sufiran à ta glori.  
 Ooutan que lou Tibre romein  
 Es counouissudo l'Arethuso ;  
 Si parlo deis bors de Voucluso  
 Ooutan que deis ribos doou Rein.  
 Inspiro-mi , guido ma veno ,  
 De tu voueli prendre liçoun ,  
 Toun Diou sera moun Apoulloun ,  
 Et toun aiguo moun Hippocreno .  
 Ah ! d'un pouetique transpor  
 Moun amo si sente inspirado ! ...  
 Sousten ma vouas , et senso esfor  
 Rendrai noblamen ma pensado .  
 Dins meis escrits , eme resoun ,  
 Afin que lou bouen-sen gouverne ,  
 Voueli mettre en coumparesoun  
 Lou tem ancien et lou mouderne .  
 Ben segur lou nectar divin  
 Voou pas de vin uno barriquo ;  
 Doou Diou Pan la tristo musiquo  
 Cedo ou son doou gai tambourin ;



Nouestreis trins, nouestreis roumeiragi,  
 Ooufroun mai de felicità  
 Que leis bachanalos soouvagi  
 Deis poples de l'antiquita.  
 Poulidettos, ben allisquados,  
 Leis fillettos, dogu tarradou  
 De tout tem seran preferados,  
 De la premiero sinqu'ou bou,  
 Eis naiados coumo eis driados,  
 Eis deessos, meme à Veuus :  
 Vieilleis frumos maou engoqubiados,  
 Et de quu degun parlo plus.

Fresquos, graços coumo de caïos,  
 Oou luguo d'estre rampinoue  
 Et sequo coumo uno fieloue,  
 Nouestreis bellos soun toujours gaios.  
 Quan courroun dins teis pras flouris  
 Lou dimincbe et leis jours de festo,  
 An pa ges de martecous en testo,  
 Pensoun qu'à prendre seis plesis.  
 Quoouqueis fes, à pleno barquado,  
 Lou souar, afin de s'espassa,  
 Sus l'aiguo si van pronmena  
 Per mies acaba la journado.  
 Poues porta bateou, cependan,  
 Que prochi de toun embouchuro,  
 Mai tamben, enlue la naturo  
 N'a fach un endre plus charman,

De plési mouu amo'es ravidò

Quand leis peisanos et peisans  
Oou son doou daitet, dins teis chams,

Eusen coouquoun l'erbo flourido;

Coumo eleis mi senti jouious,

Moun couar trejito d'alégresso,

M'escridi : Roumo, ni la Greço

An-ti vis d'home plus hurous ? ....

Leis doux Plino, Catoun d'Utiquo,

Socrato, Aristoto, Platoun,

Et tout lou grave batailloun

Que formò la brigado antiquo,

Eroun pas sagi, à moun avis,

Ooutan que lou jouine fringaire

Que bouto soun bouenhur à plaïre

Eis bellos d'aquestou peis.

L'Amour dins la Greço et dins Roumo

N'ero qu'un tiran redouta ;

Puis devenguet, sabi pas coumo,

Libertin et marri fena.

En Prouvenço es un Diou eimable,

Dous et maneou, tendre et badin,

Soun fuech ooutan viou que durable,

Quan es abra pren jamai fin.

Eme l'Himen, soun fraire magi,

Vivoun toujours de coumpanie,

Et, per faire millou meinagi,

An près eme eleis l'Amitie.

Oou plan de Santo-Margarido ;  
 Prochi ta ribo , es la bastido  
 Qu'abitoun tous tres reunis ;  
 Per passa douçamen la vido  
 Si soun fach uno cour choousido  
 Deis jue , deis ris et deis plesis.  
 S'un jour la deesso avuglado  
 Mi youlie fourni lou mouyen,  
 Sus teis bors de mi croumpa un ben ;  
 Grigniriou plus la maou-parado ;  
 Li restariou . . . . Eme gran gaou  
 Abandounariou meis villados.  
 Mi trufi de la renoumado ,  
 Eimi mies joui doou repapu.

T. A.

FIN.

# T A B L O.

Avertissamen' . . . . .	Pag. iij.
Indication doou noum deis ooutours de la segoundo partido . . . . .	viiij.

## P R E M I E R O   P A R T I D O.

Lou vouel de la Cavalo . . . . .	1.
Avanturo d'un Lebraou . . . . .	9.
Noutiço sus Gros . . . . .	15.
<i>Mouccous choousis dins leis Poesie de Gros.</i>	
Au Public . . . . .	17.
Quatrains tiras de Saloumoun . . . . .	21.
Lou Pourtret de l'Amour . . . . .	23.
Sur la mouer d'un Medecin . . . . .	24.
Sur un Poueto . . . . .	24.
Pourtret d'un Hermito . . . . .	25.
Lou Poulas esplumassa , <i>fablo</i> . . . . .	25.
Lou Gat et lou Passeroun , <i>fablo</i> . . . . .	27.
Lou Dervis et lou Gran Visir , <i>fablo</i> . . . . .	28.
La Chino et soun Cadeou , <i>fablo</i> . . . . .	30.
Leis Ratos et lou Flascou , <i>fablo</i> . . . . .	32.
Stanços contro la Poesie . . . . .	34.
Noutiço sus Coye . . . . .	39.
Lou Delire , <i>pouemo herci-coumique</i> . . . . .	40.
Noutiço sus Germain . . . . .	67.
La Bourrido dei Dieoux . . . . .	68.

<u>Noutiço sus Dageville . . . . .</u>	<i>pag.</i> 87.
<u>Epitro à Moussu Flouret . . . . .</u>	88.
<u>Lou Tems, <i>odo</i> . . . . .</u>	93.
<u>Traduction doou <i>Miserere</i> . . . . .</u>	99.
Traduction doou Pseaume : <i>Beatus vir qui</i> <i>non abiit</i> . . . . .	102.
Epitro à uno Damo qu'ero anado à la Bastido senso dire adiou en degun . . . . .	104.
<i>Pouesie anciennos senso noums d'outours.</i>	
<u>La philousophie de Gregori . . . . .</u>	107.
<u>Cansoun amourouso . . . . .</u>	108.
<u>Noutiço sus l'abbe Viguo . . . . .</u>	112.
<i>Conte choousis de l'abbé Vigno.</i>	
<u>Moussu Grandin, conte 1 . . . . .</u>	114.
<u>La Liçoun de la Tanto, conte 2 . . . . .</u>	114.
<u>Lou Thuribulum, conte 3 . . . . .</u>	115.
<u>Meste Antoni lou Manechaou, conte 4 . . . . .</u>	116.
<u>La Caligneiris, conte 5 . . . . .</u>	117.
<u>Lou Pastre et lou Confessour, conte 6 . . . . .</u>	118.
<u>Sus lou même sujet, conte 7 . . . . .</u>	119.
<u>L'Aigo benito, conte 8 . . . . .</u>	120.

## SEGUNDO PARTIDO.

Epitro à Moussu Raynouard . . . . .	121.
Lou Renouvellament doou Mounde per Deu calioun . . . . .	126.
Leis Chins vestits, <i>fablo</i> . . . . .	130.

Lou Gaget , la Sero et l'Agasso , <i>fablo . pag.</i>	133.
Lou Chivau que voou plus pourta la sello , <i>fablo</i>	136.
La Lignoto et sa Maire , <i>fablo</i> adreissado à	
M. Jauffret . . . . .	139.
Lou Chin de l'houspici doou grand S.-Barnard,	
<i>fait histourique</i> . . . . .	143.
Leis Plants doou bargier Jeannet à sa bargiero	
Margarido , <i>cansoun</i> . . . . .	147.
La Barcarollo prouvençalo . . . . .	151.

*Tres fablos imitados de Lafontaine.*

<u>Lou Loup et l'Agneou . . . . .</u>	<u>153.</u>
<u>Lou Bastidan , soun Chin et lou Reinard . .</u>	<u>154.</u>
<u>Leis Grenouillos que demandout un Rei . .</u>	<u>157.</u>
<u>Lou Reinard et lou Lingoumbaou , conte . .</u>	<u>160.</u>
<u>Lou Cura , lei Sourdas et l'Ai , conte . . .</u>	<u>161.</u>
<u>Tistoun et soun Ai , <i>fablo imitado de M.</i></u>	
<u>    <i>Jauffret</i> . . . . .</u>	<u>164.</u>
<u>Lou jouine Lequie et l'Amour . . . . .</u>	<u>167.</u>
<u>Lou Gat , <i>fablo</i> . . . . .</u>	<u>168.</u>
<u>Leis Plesis de la Bastido , <i>cansoun</i> . . . .</u>	<u>170.</u>
<u>Bacchus , imita d'Anacreonn . . . . .</u>	<u>172.</u>
<u>La Coulatien mystico , <i>cansoun</i> . . . . .</u>	<u>173.</u>
<u>La Galino , <i>fablo</i> . . . . .</u>	<u>176.</u>
<u>Cansoun sus leis Castagnos . . . . .</u>	<u>178.</u>
<u>Responso . . . . .</u>	<u>179.</u>
<u>L'Espagnoou , soun Ai et l'Hoste , <i>fablo</i> . .</u>	<u>180.</u>
<u>L'Ai indiscret , <i>fablo de M. Jauffret , messo</i></u>	
<u>    <i>en prouvençaou et ocuferto à l'ooutour</i> .</u>	<u>182.</u>
Lou Chin et lou Gat , <i>fablo</i> . . . . .	185.

*Douge fablos de Lafontaine.*

<u>La Cigalo et la Fourniguo . . . . .</u>	<u>187</u>
<u>Lou Croupata et lou Reinard . . . . .</u>	<u>188</u>
La Reinetto que si vocu faire poutan grosso que lou luou . . . . .	189.
<u>Leis dous Muous . . . . .</u>	<u>190</u>
<u>Lou Loup et lou Chin . . . . .</u>	<u>191.</u>
<u>La Vaguo, la Cabro et la Fedo assouciado</u> <u>eme lou Lien . . . . .</u>	<u>192.</u>
<u>La Biasso . . . . .</u>	<u>193.</u>
<u>La Dindouletto et leis Passerouns . . . . .</u>	<u>195..</u>
<u>Lou Garri de villo et lou Garri de Bastido . . . . .</u>	<u>197.</u>
<u>Lou Loup et l'Agneou . . . . .</u>	<u>199.</u>
<u>Leis Voulurs et l'Ai . . . . .</u>	<u>200</u>
<u>Lou Gaou et la Perlo . . . . .</u>	<u>201.</u>
<u>Lou Malbur, conte . . . . .</u>	<u>202.</u>
<u>Lou Bouenhur, conte . . . . .</u>	<u>206.</u>
<u>Leis Bein Vailhen . . . . .</u>	<u>209.</u>
<u>Enigmo sus lou môt Libre . . . . .</u>	<u>215.</u>
<u>La Testo doon Gat Coupado . . . . .</u>	<u>216.</u>
Vers à Moussu Jautret, en l'ooufren la fablo suivanto . . . . .	219.
<u>Lou Caragoou et la Gnespo, fablo . . . . .</u>	<u>220.</u>
<u>Leis dous Voyageours, fablo . . . . .</u>	<u>222.</u>
<u>La Novi et sa Coumaire . . . . .</u>	<u>223.</u>
<u>A l'Uycouno . . . . .</u>	<u>224.</u>

FIN DE LA TABLO.





